

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA TRIDESETDRUGE SJEDNICE GRADSKOG VIJEĆA TUZLA ODRŽANE
26. OKTOBRA 2023. GODINE U POSLOVNOM OBJEKTU „GRAFIČAR“ SA
POČETKOM U 10,00 SATI.**

- SJEDNICI PRISUSTVUJE 31 VIJEĆNIK.

U Tuzli, oktobar 2023. godine

NATAŠA PERIĆ – predsjedavajući Gradskog vijeća Tuzla

Pozivam vijećnike da zauzmu svoja mjesta. Počinjemo sa radom.

(Intoniranje himne Bosne i Hercegovine.) Pozivam vijećnike koji se nalaze van sale da uđu u salu. Poštovani vijećnici Gradskog vijeća Tuzla, obrađivači materijala, predstavnici medija, otvaram 32. redovnu sjednicu Gradskog vijeća Tuzla.

Konstatujem da prema evidenciji Gradskog vijeća sjednici prisustvuje 24 od ukupnog broja vijećnika. Za današnju sjednicu, kašnjenje su najavili sljedeći vijećnici: Zijah Rifatbegović, Admir Hasanbašić, Medina Lolić, Lejla Osmančević, Zoran Jovanović, Senad Mehmedinović. Oni će nam se pridružiti.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram sa 31. redovne sjednice Gradskog vijeća Tuzla, održane 28.09.2023.

Da li ima primjedbi na zapisnik?

Ako ne, predlažem da glasamo o Zapisniku sa prethodne sjednice.

Glasanje je okončano.

Konstatujem da je skraćena verzija Zapisnika sa 31. redovne sjednice Gradskog vijeća, održane 28.09., usvojena sa,

23 glasa za, nije bilo protiv i nije bilo suzdržanih.

Obavještavam vijećnike i javnost da je neposredno pred početak današnje sjednice Gradskog vijeća Tuzla održana vanredna sjednica Kolegija Gradskog vijeća na kojoj je jednoglasno usvojen sljedeći zaključak. Molim sekretara da pročita.

SLADANA KRAJINA – sekretar Gradskog vijeća Tuzla

Na vanrednoj sjednici Kolegija Gradskog vijeća Tuzla održanoj 26.10.2023. godine, usvojen je sljedeći zaključak:

-Kolegij Gradskog vijeća Tuzla oštro osuđuje pokušaj političke diskreditacije predsjedavajuće Vijeća Tuzla, Nataše Perić, sponzorisanom objavom Mirnesa Ajanovića, predsjednika BOSS, Bosanske stranke. Korištenje od strane predsjedavajuće poslovničke mogućnosti oduzimanja riječi vijećniku Mirnesu Ajanoviću u cilju održavanja reda i sprečavanja mogućeg incidenta na sjednici Gradskog vijeća Tuzla održanoj 14.10.2020. godine, vrlo je licemjerno, politički nekorektno i nadasve neistinito okarakterisano kao vođenje sjednice u maniru otvorenog favorizovanja fažizma, šticeenje fažizma, nastavak uništavanja tuzlanskog antifašističkog duha. Nataša Perić, profesor historije i geografije, na poziciji muzejske savjetnice u Javnoj ustanovi Muzej Istočne Bosne Tuzla, je autorica velikog broja izložbi, kao i radionica na temu promocija antifaziizma i zajedničko kulturno historijskog nasljeđa Tuzle i cijele Bosne i Hercegovine, i kroz svoj profesionalni rad i kroz politički angažman, kao vijećnica i kao predsjedavajuća Gradskog vijeća Tuzla, uvijek se zalagala za promociju i očuvanje kulturno historijskog nasljeđa Tuzle, kao faktora razvoja grada. Predsjedavajuća Gradskog vijeća Tuzla Nataša Perić je dobitnica nekoliko priznanja za promociju antifastičkih vrijednosti u društvu, koje Tuzla i tuzlaci, kao jedno od najvećih vrijednosti njeguju u kontinuitetu, jer kako je često isticala, iz antifaziističke orijentacije proizilazi naša otvorenost, naša sloboda i naša evropska orijentacija. Kolegij Gradskog vijeća smatra posebno neprihvatljivim i opasnim otvoreni poziv Mirnesa Ajanovića građanima Tuzle, da ponovo oslobode svoj grad. Vijećnici Gradskog vijeća Tuzla mogu imati i često imaju različita mišljenja i stavove kada su u pitanju tačke Dnevnog reda, ali ono oko čega su uvijek složni i jednoglasni je njegovanje tekovina antifaziističke borbe, antifaziistička orijentacija i tradicija po kojoj Tuzla bila i ostala poznata i priznata.

NATAŠA PERIĆ

Hvala. Kolegij Gradskog vijeća Tuzla je na 36. redovnoj sjednici, prilikom definisanja Dnevnog reda današnje 32. redovne sjednice Gradskog vijeća Tuzla, predložio Gradskom vijeću da se tačka vijećnička pitanja i inicijative, zbog današnje rasprave o Budžetu Grada Tuzla za 2024., razmatra kao zadnja tačka Dnevnog reda, a da se ostale tačke redosljedom pomjere.

U skladu sa članom 163. stav 1. Poslovnika Gradskog vijeća Tuzla – drugi prečišćeni tekst („Službeni glasnik Grada Tuzla“, broj 5/22.) kojim je propisano da se „vijećnička pitanja postavljaju pismeno, a čitaju se u pravilu na početku sjednice, osim ako Gradsko vijeće Tuzla odluči drugačije“, stavljam na izjašnjavanje ovaj prijedlog Kolegija.

Molim vijećnike da se izjasne.

Glasanje je okončano.

Konstatujem da je prijedlog Kolegija Gradskog vijeća da se tačka „Vijećnička pitanja i inicijative“ razmatra kao zadnja tačka Dnevnog reda, a da se ostale tačke redosljedom pomjere, usvojen sa,

23 glasa za, 1 protiv i 1 suzdržan.

Sada stavljam na izjašnjavanje Dnevni red u cjelini.

Glasanje je okončano.

Konstatujem da je Dnevni red u cjelini usvojen sa,

23 glasa za, nije bilo protiv i nije bilo suzdržanih.

DNEVNI RED

- Usvajanje Skraćene verzije zapisnika sa 31. redovne sjednice Gradskog vijeća Tuzla, održane 28.09.2023. godine

1. RAZMATRANJE I USVAJANJE:

a) ODLUKE O IZMJENAMA I DOPUNAMA BUDŽETA GRADA TUZLE ZA PERIOD 1.1. DO 31.12.2023. GODINE

b) ODLUKE O DOPUNI ODLUKE O IZVRŠAVANJU BUDŽETA GRADA TUZLE ZA 2023. GODINU

c) NACRTA BUDŽETA GRADA TUZLA ZA PERIOD 1. 1. - 31. 12. 2024. GODINE

d) NACRTA ODLUKE O IZVRŠAVANJU BUDŽETA GRADA TUZLA ZA 2024. GODINU

e) ODLUKE O NAČINU PROVOĐENJA JAVNE RASPRAVE

2. RAZMATRANJE I USVAJANJE:

a) NACRTA PROGRAMA RADA GRADSKOG VIJEĆA TUZLA ZA 2024. GODINU

b) ODLUKE O NAČINU PROVOĐENJA JAVNE RASPRAVE O NACRTU PROGRAMA RADA GRADSKOG VIJEĆA TUZLA ZA 2024. GODINU

3. RAZMATRANJE I USVAJANJE ODLUKE O DODJELI JAVNIH PRIZNANJA U 2023. GODINI

4. RAZMATRANJE I USVAJANJE:

a) Nacrta Druge izmjene dijela obuhvata Izmjene Regulacionog plana prostorne cjeline „Stupine“ u Tuzli

b) Nacrta Odluke o izmjenama i dopunama Odluke o provođenju Izmjene Regulacionog plana prostorne cjeline „Stupine“ u Tuzli

c) Nacrta Odluke o provođenju Druge izmjene dijela obuhvata Izmjene Regulacionog plana prostorne cjeline „Stupine“ u Tuzli

d) Program javne rasprave o Nacrtu Druge izmjene dijela obuhvata Izmjene Regulacionog plana prostorne cjeline „Stupine“ u Tuzli

5. RAZMATRANJE I USVAJANJE:

a) ODLUKE O DAVANJU PRETHODNE SAGLASNOSTI NA ODLUKU O UTVRĐIVANJU CIJENE USLUGE GRIJANJA PO m² I CIJENE USLUGE GRIJANJA PO MWh

b) ODLUKE O DAVANJU SAGLASNOSTI NA ODLUKU NADZORNOG ODBORA „CENTRALNO GRIJANJE“ D.D. TUZLA O IZMJENAMA OPŠTIH USLOVA ZA PRIKLJUČENJE NA SISTEM DALJINSKOG GRIJANJA I ISPORUKU TOPLOTNE ENERGIJE SA TARIFNIM PRAVILNIKOM

c) ODLUKE O DAVANJU SAGLASNOSTI NA ODLUKU NADZORNOG ODBORA „CENTRALNO GRIJANJE“ D.D. TUZLA O IZMJENAMA I DOPUNAMA TEHNIČKIH USLOVA ZA PRIKLJUČENJE NA SISTEM DALJINSKOG GRIJANJA I ISPORUKU TOPLOTNE ENERGIJE

6. RAZMATRANJE I USVAJANJE ODLUKE O IZMJENAMA ODLUKE O PLAĆAMA UPOSLENIKA GRADSKIH ORGANA TUZLA

7. RAZMATRANJE I USVAJANJE ODLUKE O DOPUNAMA ODLUKE O VISINI ZAKUPNINE ZA STANOVE U VLASNIŠTVU GRADA TUZLE I STANOVE NA KOJIMA GRAD TUZLA IMA PRAVO RASPOLAGANJA

8. RAZMATRANJE I USVAJANJE IMOVINSKO PRAVNIH AKATA:

a) Odluka o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za izgrađeni individualni stambeni objekat

b) Rješenje o imenovanju Komisije za provođenje postupka pregovaranja za prodaju nekretnine u vlasništvu Grada Tuzle neposrednom pogodbom radi oblikovanja građevinske parcele za izgrađeni individualni stambeni objekat

c) Odluka o prestanku prava građenja na nekretnini u vlasništvu Grada Tuzle

d) Odluka o odbijanju davanja prethodne saglasnosti Obrtničkoj radnji Pekara „Kabil“ Tuzla za opterećenje prava građenja osnovanog na nekretnini u vlasništvu Grada Tuzla

e) Zaključak o odbacivanju zahtjeva kao preuranjenog (Altumbabić Nedim)

9. RAZMATRANJE INFORMACIJE O AKTIVNOSTIMA I OPREMLJENOSTI PROFESIONALNE VATROGASNE JEDINICE TUZLA SA PRIJEDLOGOM MJERA

10. RAZMATRANJE INFORMACIJE O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIKA

11. RAZMATRANJE IZVJEŠTAJA KOMISIJE ZA IZBOR I IMENOVANJA

12. TEKUĆA PITANJA

13. VIJEĆNIČKA PITANJA I INICIJATIVE

NATAŠA PERIĆ – predsjedavajući Gradskog vijeća Tuzla

Prelazimo na prvu tačku Dnevnog reda:

RAZMATRANJE I USVAJANJE:

a) ODLUKE O IZMJENAMA I DOPUNAMA BUDŽETA GRADA TUZLE ZA PERIOD 1.1. DO 31.12.2023. GODINE

b) ODLUKE O DOPUNI ODLUKE O IZVRŠAVANJU BUDŽETA GRADA TUZLE ZA 2023. GODINU

c) NACRTA BUDŽETA GRADA TUZLA ZA PERIOD 1.1. - 31.12. 024. GODINE

d) NACRTA ODLUKE O IZVRŠAVANJU BUDŽETA GRADA TUZLA ZA 2024. GODINU

e) ODLUKE O NAČINU PROVOĐENJA JAVNE RASPRAVE

Pozdravljam i gradonačelnika Lugavića koji nam se pridružio.

Predlagач ove tačke je: gradonačelnik Grada Tuzla.

Obrađivač: Služba za budžet i finansije.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za komunalne poslove i pitanja mjesnih zajednica, Komisija za prostorno uređenje i zaštitu okoline, Komisija za mlade, obrazovanje i sport i klubovi vijećnika.

Podsjećam vijećnike da su u dopuni materijala, kada su u pitanju podtačke c) i a), dobili i Mišljenja Ministarstva finansija Tuzlanskog kantona, broj 07/1-11-26800/23 od 19.10.2023. godine i broj 07/1-11-26804/23 od 19.10.2022., u skladu sa članom 33. stav 2. Zakona o budžetima u Federaciji Bosne i Hercegovine, kojim je propisano da su "*općinske i gradske službe za finansije, prije dostavljanja nacrtu odnosno prijedloga budžeta, općinskom odnosno gradskom vijeću, obavezne pribaviti mišljenje kantonalnog ministarstva finansija u vezi sa planiranim prihodima i primicima i primjene fiskalnog pravila iz člana 43. ovog Zakona*".

Ima li potrebe za uvodnim izlaganjem?

Ako nema, da idemo dalje.

Ima li potrebe da se pročitaju izvještaji komisija? Dobro. (OMER BERBIĆ – Jel govorimo samo o odluci o izmjenama, jel?). Govorimo o nacrtu i o rebalansu. (OMER BERBIĆ – O nacrtu i rebalansu?). Da. Ovo su podtačke. (SLAĐANA KRAJINA – Sve podtačke, sve podtačke u okviru tačke 1). (OMER BERBIĆ – Ok. Može samo evo ovaj novi, novi nacrt?). Nacrt. Dobro. U redu.

Evo pozivam gospođu Suadu Isaković, pomoćnika gradonačelnika za budžet i finansije.

Samo da vas zamolim, nije da vas zamolim, već da vas podsjetim. Obzirom da se radi o Nacrtu budžeta, znači sve danas što budete rekli, to je dio javne rasprave i Služba i gradonačelnik će uzeti u razmatranje. Znači, nema zaključaka, već ono sve što kažete u Stenogram ulazi. Mi to šaljemo prema Službi i gradonačelniku. Pa samo da vas podsjetim. (MENSUR ALIĆ – A sad samo Nacrt). A gospođa Isaković će sad samo o Nacrtu. Ukratko eto.

SUADA ISAKOVIĆ – Pomoćnik gradonačelnika za Službu za budžet i finansije

Evo znači, kao i ranijih godina, Grad Tuzla u oktobru mjesecu dostavlja odnosno gradonačelnik u oktobru mjesecu dostavlja Gradskom vijeću Nacrt budžeta za narednu

budžetsku godinu. Uz Nacrt budžeta obaveza je da se dostavi i usvojeni dokument okvirnog budžeta koji se po zakonu, koji po zakonu usvaja gradonačelnik za period od tri godine, znači dvadeset četvrta, peta i šesta, do 30. juna tekuće godine za te naredne tri godine i u tom dokumentu su okvirno prikazane projekcije raspoloživih sredstava i raspored tih rashoda.

Dokument okvirnog budžeta predstavlja osnov za izradu godišnjeg budžeta za narednu godinu i Služba za budžet i finansije nakon što gradonačelnik usvoji ovaj dokument, a usvojio ga je krajem šestog mjeseca, svim službama gradskim, koje su potrošačke jedinice budžetske, budžetskog korisnika Grada Tuzle i eksternim budžetskim korisnicima Centru za socijalni rad i Centru za kulturu, dostavlja zahtjev sa indikativnim gornjim granicama raspoloživih sredstava za svakog budžetskog korisnika, kako bi oni u skladu sa raspoloživim sredstvima mogli podnijeti svoje zahtjeve za finansiranje rashoda, obzirom da budžetski korisnici ne dobiju te podatke, njihovi zahtjevi bi sigurno bili milionski i naš budžet bi iznosio na...zahtjevi bi bili preko stotinu miliona, a mi evo vidite raspoložemo sa ova 63 miliona maraka u Nacrtu budžeta.

Princip izrade Nacrta budžeta kao i prošle godine, temelji se na sredstvima koja se planiraju ostvariti na osnovu prihoda u periodu 1. januar do 31. decembar dvadeset četvrte godine i u ovaj Nacrt uključena je procjena neutrošenih kreditnih sredstava za gradsko groblje u iznosu od 700 hiljada maraka, a to je kredit čija je faza u realizaciji i znači, ovo je samo procjena. U prijedlogu ćemo znati tačnije podatke.

Ovo govorim iz razloga što znači, u Nacrtu budžeta još uvijek ne možemo imati i nemamo uključene one projekte koji se izvode i koji se do kraja godine neće završiti i koji će bit uključeni u prijedlog budžeta, a evo mi smo napisali da će to vjerovatno biti evo groblje kao što sam već rekla. Raskrsnica „Crveni 7“ vidjeli ste da je započelo njeno izvođenje i ono se sigurno neće moći završiti. Još uvijek, ovaj, imamo problem oko rekonstrukcije ceste Mandići i ta sredstva su obezbijedena u budžetu. Za ove projekte sredstva su znači obezbijedena u budžetu ove godine i ona će bit prenesena u budžet naredne godine, kao i druge neke kapitalne projekte ukoliko se ne završe, a budu, ovaj, započeti, sredstva ćemo prenijet u narednu godinu i za taj iznos će budžet biti veći.

Al evo, ja imam jednu, da kažem vijest koja nije dobra i koju smo dobili juče u 16 sati od strane Ministarstva finansija Tuzlanskog kantona, a odnosi se na nove projekcije poreza na dohodak i PDV-a i po tim projekcijama nama se prihodi po osnovu poreza na dohodak i PDV-a u ukupnom iznosu smanjuju za skoro 2 miliona. Fali nekih, možda nepuna stotina hiljada maraka. Milion devesto sedam, čini mi se hiljada i nešto. Što znači, da smo mi ovaj papir dobili prije 15 dana, ovaj budžet bi bio manji za Nacrt za 2 miliona.

Ovo će nama predstavljati veliki problem kod izrade Nacrta budžeta (NATAŠA PERIĆ – Prijedloga, prijedloga), odnosno prijedloga budžeta. Nacrt je evo gotov spram elemenata koji su bili na snazi do donošenja. Mi smo juče na mail dobili ovaj dokument negdje oko 15 i 30. Još uvijek zvanično poštom ga nismo dobili u Gradsku upravu, al on je potpisan, ovjeren i on je važeći.

Znači, ja eto vas moram upoznat da znate da će nam bit puno teže napraviti i mi smo svjesni da postoje i potrebe za finansiranjem puno više rashoda, odnosno puno više potreba i projekata nego što je to i u ovom Nacrtu, al ukoliko, kad budemo morali uključiti ovaj iznos u Nacrt budžeta, onda ćemo imat, problem se može pojaviti kroz finansiranja tekućih izdataka iz budžeta Grada Tuzle.

Ali evo, naša obaveza je znači danas da razmotrimo ovaj dokument koji je pravljen po važećim projekcijama iz maja mjeseca koje smo dobili, ovaj, i na osnovu kojih smo pripremali dokument.

Planirani prihodi...Uzela sam od...Planirani budžet Grada Tuzle u Nacrtu budžeta za dvadeset četvrtu godinu iznosi 63.401.400 maraka i kao što sam rekla, pravljen je samo na principu budućih prihoda koji će se ostvariti u dvadeset četvrtoj godini i realno ovo je naš budžet na osnovu prihoda koji Grad po zakonima, ovaj, kojem, koji pripadaju Gradu po zakonu,

a naravno tokom godine se desi da po osnovu apliciranih sredstava od viših nivoa vlasti Grad ostvari određena sredstva i ona se uključe u budžet i realizuju i iz tog razloga tokom godine dolazi do povećanja budžeta, u odnosu na prošlogodišnji Nacrt koji je iznosio pedeset sedam miliona i četrdeset sedam hiljada maraka, ovaj Nacrt je veći za 9,97% i sredstva koja su predviđena Nacrtom budžeta u skladu sa namjenom sredstava raspoređena su u osam fondova. Ti fondovi znači označavaju namjenu za koja se ova sredstva mogu trošiti. Imamo kao prvo opšti fond. Samo ime mu govori da je iz njega moguće finansirati sve ono što je nadležnost Grada uprave i on je najveći i iznosi 47.712.208 maraka. I on se puni najviše iz poreznih prihoda i iz ostalih nekih sredstava koja po zakonu pripadaju općinama, a kojima po zakonu unaprijed nije utvrđena naknada.

Prihodi i primici fonda za komunalnu infrastrukturu iznose 6.940.000 maraka i u ovaj fond se uplaćuje sredstva od rente, sredstva od legalizacije, sredstva od angažovanog kapaciteta za vodovodnu i kanalizacionu mrežu, za centralno grijanje, prihodi od prodaje zemljišta i prihodi od koncesija i ovi prihodi po zakonu imaju unaprijed utvrđenu naknadu, isključivo se mogu koristiti za rekonstrukciju i izgradnju komunalne infrastrukture.

Prihodi fonda namjenskih sredstava za puteve. Ovaj fond je otvoren prošle godine u budžetu, jer je Zakonom o cestama predviđeno da određeni prihodi koji pripadaju jedinicama lokalne samouprave se isključivo mogu koristiti za tekuće održavanje puteva, putnog pojasa, za rekonstrukciju i izgradnju i ovaj fond iznosi 3.452.000 maraka i obzirom na visinu ovih sredstava u našem budžetu je on skoro u potpunosti predviđen za troškove održavanja putne infrastrukture na području grada Tuzle.

Četvrti fond je fond za zaštitu i spašavanje ljudi i materijalnih dobara. Tu znate da ona posebna naknada iz plate ulazi kao prihod ovog fonda, da je federalnim propisom utvrđeno šta se finansira. Znači, iz njega se, iz ovih sredstava se finansira opremanje preventivne mjere, mjere sanacije posljedica prirodnih i drugih nesreća i postoje pravila kako se ova sredstva troše i na taj način su ona i utvrđena u našem budžetu.

Fond od skloništa. Ova sredstva se prikupljaju i akumuliraju na posebnom računu budžeta Grada Tuzle. Resorna služba je predložila samo 202.000 maraka da se uključi u budžet, obzirom da nisu predviđene nikakve veće aktivnosti vezano za trošenje ovih sredstava, a inače ona su trenutno negdje akumulirana blizu 2 miliona maraka imamo ovih sredstava. Ali ona isključivo mogu koristiti se za, znači, izgradnju i rekonstrukciju i održavanje skloništa.

Prihodi fonda za zaštitu požarstva i vatrogastva 100.000. Oni se pune iz premije osiguranja vozila i tamo šteta koja nastanu i oni imaju svoju namjenu i isključivo se koriste za nabavku i održavanje vatrogasne opreme.

Prihodi fonda od naknade ostvarene radom Termoelektrana. To je fond koji nam je dobro poznat. Često se o njemu priča. Ali ono što karakteriše trend prihoda u ovom fondu je njegov pad, pogotovo u zadnje dvije godine od pet miliona i devedeset, koliko je bilo najviše od kako je zakon stupio na snagu 2015. godine. Evo za iduću godinu se predviđa tri miliona dvjesto devedeset, a pokazatelji su možda da ove godine neće biti više od tri miliona i sto. Ali evo mi smo išli spram, ovaj, nadajući se makar da neće dalje padati u narednom periodu.

Prihodi stambenog fonda za socijalno stanovanje. Namjenska sredstva sto hiljada. Pune se iz naknade koje korisnici plaćaju i koristi se za održavanje ovog stambenog fonda.

Znači, većina dosta sredstava osim ovih četrdeset sedam i sedamsto iz budžeta ima unaprijed utvrđenu svoju namjenu i ona se ne mogu nizašta drugo koristiti, osim za ono što je utvrđeno zakonom.

U strukturi prihoda budžeta Grada Tuzle za iduću godinu, najveće učešće imaju prihodi od poreza sa 45 miliona, a u procentima je to negdje oko 71% i evo nažalost sam rekla na ovaj procenat iznos odrazit će se ova nova projekcija koju smo dobili juče, pa će i iznos biti manji i učešće u samom budžetu.

Neporezni prihodi. Ovdje moram, jer je i mene ova vijest juče nekako, ovaj, nije nikako dobro došla i ozbiljno je možda za razmišljati da se pokuša tražit drugačija raspodjela, jer su opštine i gradovi, odnosno jedinice lokalne samouprave jedine stagniraju od prihoda indirektnih i direktnih, pogotovo indirektnih, al vidimo i svi čujemo kako ovi budžeti viših nivoa vlasti stalno rastu. Stalno su, ovaj, rebalansi, tako da način raspodjele determiniše ovakvu situaciju i pitanje je da li će opštine i gradovi, pa i Grad Tuzla moći sa ovim iznosima finansirat svoju osnovnu funkciju.

Neporezni prihodi u budžetu učestvuju sa 15.601.000 ili 24,61%. To su različite vrste taksi. Naknada za zauzimanje javnih površina, onda naknada iz oblasti premjera i katastra, zakup poslovnih prostora i tako dalje. Sve ono znači, uglavnom po gradskim propisima se ovi prihodi ubiru u budžet.

Fond za komunalnu infrastrukturu već sam rekla da u Nacrtu budžeta za dvadeset četvrtu godinu, ova sredstva iznose 6.940.000 maraka u odnosu na prošlu godinu, značajno su manja, jer smo imali prenesene neke, ovaj, projekte, a imali smo planirano veće prihode od rente. U ovoj godini prihodi od rente se planiraju, odnosno dvadeset četvrtoj sa tri i po miliona.

Nemamo, ovaj, planirano ništa značajnije. Rekli smo 300.000 od prodaje zemljišta. Ove godine je ostvaren milion maraka, tako da, ovaj, i ovaj fond iz kojeg se financira rekonstrukcija i izgradnja komunalne infrastrukture je manji u odnosu na ovu tekuću godinu za iduću godinu.

Fond za puteve je otprilike na istom nivou. Nešto malo veći. (NATAŠA PERIĆ – Molim vas, malo samo tišine). Ovaj, 3.452.000 i na prijedlog Službe za komunalne poslove skoro 99% ovih sredstava predviđeno je za finansiranje tekućeg održavanja puteva.

Za posebnu naknadu za zaštitu ljudi i materijalnih dobara predviđeno milion i šesto. Postoje stroga pravila finansiranja, odnosno trošenja ovih sredstava i na prijedlog Službe, odnosno Grada, Gradskog štaba Civilne zaštite donosi se odluka i plan korištenja ovih sredstava u skladu sa sredstvima usvojenim u budžetu.

Ova sredstva za Termoelektranu već sam rekla za dvadeset četvrtu predviđena sa 3.290.000 maraka. Vidjeli ste tamo da smo, ovaj, grantove od energijske efikasnosti za koje je naglo porastao interes od ove kalendarske godine predvidjeli sa milion maraka, jer nije bilo moguće više izdvojiti sredstava sa ovakvim, ovaj, raspoloživim iznosom.

I imate obrađene vlastite prihode, donacije i transfere. To su sredstva koje službe, odnosno, javne ustanove ostvare svojim radom ili dobiju od drugih nivoa vlasti za ostvarivanje određenih funkcija. Pa evo, kao novost imamo od ove godine u toku godine Ministarstvo za rad i socijalnu politiku putem Centra za socijalni rad isplaćuje naknade roditeljima/njegovateljima i u ovoj godini je isplaćen zaostatak za prošlu godinu i negdje čini mi se, zaključno sa sedmim mjesecom ove godine, a dalje će znači redovno ići, što opet ulazi u naš budžet. Pare nisu naše i sredstva se u potpunosti dodijele korisnicima. Samo, ovaj, povećavaju da kažem na neki način iznos budžeta, ali mi ne možemo raspolagati tim sredstvima. To je najveće učešće u ovim vlastitim sredstvima.

Ovako prikuplje...planirana sredstva koja se planiraju prikupiti podijeljena su u budžetu za finansiranje rashoda izdataka iz nadležnosti Grada Tuzle i to tako što je negdje oko 61 milion su rashodi i izdaci. 700.000 su izdaci planirani od ovog kredita Drežnik, koji je ostao, za otplatu kredita, koju obavezu ima Grad Tuzla za iduću godinu 930.000 maraka i morali smo planirati sredstva za izdate garancije Vodovodu i Komunalcu u iznosu od 850.000 maraka.

Sredstva su podijeljena po gradskim službama, kao organizacionim, odnosno potrošačkim jedinicama i kao i uvijek u skladu s nadležnošću, najviše sredstava troše tri gradske službe, obzirom da one i finansiraju vanjske, ovaj, da kažem projekte, naročito Služba za komunalne poslove, izgradnju i poslove mjesnih zajednica. Zatim, Služba civilne zaštite, Služba za sport, kulturu i Služba za ekonomski razvoj i ove četiri službe iz budžeta, ovaj, je izdvojeno ukupno 42.738.000 ili 67,41% ukupnog budžeta.

Za finansiranje komunalne infrastrukture 22.486.000 ili 35,5% planiranih sredstava u Nacrtu. Od toga je najviše se odnosi na izgradnju, rekonstrukciju i održavanje puteva oko 7 miliona. Na toplifikaciju 850.000. Ovo gradsko groblje iz kredita 700.000, koje se treba prenijet. Higijena grada, zimski služba i zelene površine 3.306.000, električna energija za javnu rasvjetu 2 miliona i tako dalje, da ne čitam na stranicama 15 i 16. Tačno imate pobrojane namjene za ova dvadeset dva miliona, dvadeset dva i po miliona koja se ulažu u finansiranje, što tekućeg održavanja, što izgradnje i rekonstrukcije komunalne infrastrukture (NATAŠA PERIĆ – Možete vi privest kraju). Ekonomski razvoj (NATAŠA PERIĆ – Možete reko privest kraju) i poduzetništvo, evo samo ću u procentima (NATAŠA PERIĆ – Ma ja) oko 10 miliona ili 14,85. Grad i dalje ostaje na principu da socijalnu zaštitu finansira u potpunosti onako kako je utvrdio svojim odlukama. Nije bilo, zadržan je nivo na istom iznosu. I dalje se podržava sport, kultura, nevladin sektor. Plate i naknade uposlenih planirane na nivou ove godine u smislu visine osnovice i vrijednosti boda. Za kredit planirana sredstva. Mi uredno otplaćujemo svoje kredite i kamate onako kako je propisano. Sredstva za garancije, ovaj, izdvojena i ovaj dokument nakon što ga Gradsko vijeće usvoji, ide u javnu raspravu koja treba da traje mjesec dana.

Gradsko vijeće treba danas da usvoji odluku o načinu provođenja javne rasprave kojom će učesnici u istoj dobiti svoje obaveze i odgovornosti i ovaj treći dokument Odluka o izvršavanju budžeta, klasično, to je dokument kojim se normira način trošenja izvršavanja budžeta, odgovornosti, način izvještavanja, mogućnost kreditnog zaduženja i tako dalje. Eto.

NATAŠA PERIĆ

Hvala vam Suada. Ako bude pitanja nekih u toku rasprave, pa možete dati odgovore. Evo gradonačelnik Zijad Lugavić se javio za riječ. Izvolite.

ZIJAD LUGAVIĆ – Gradonačelnik Grada Tuzle

Poštovana predsjedavajuća, poštovani dopredsjedavajući i dopredsjedavajuće Gradskog vijeća, uvažene gradske vijećnice i gradski vijećnici, uvaženi sekretaru Gradskog vijeća, poštovane kolegice i kolege, sve vas srdačno pozdravljam.

Evo, ja se prvo na neki način izvinjavam što nisam sa svima vama mogao razgovarati o Nacrtu budžeta, obzirom da sam, ovaj, imao nekih zdravstvenih problema od subote, ovaj, evo jedva sam i danas, ovaj, došao, al cijeneći veoma veliki značaj ovog dokumenta koji danas usvajamo, evo nekako sam, nekako sam, ovaj, došao, pa ako se budem malo pomijerao nećete mi, nećete mi zamjeriti, ovaj, dobro.

Evo Suada je rekla dakle da je budžet za ovu godinu, odnosno za dvadeset četvrtu godinu u Nacrtu planiran u iznosu od 63.401.400 Konvertibilnih maraka, što predstavlja, dakle, povećanje od 10% u odnosu na Nacrt za dvadeset treću godinu. Ovdje da ne bi došlo do zabune ne za realizaciju koja je daleko veća. Realizacija ove godine je negdje oko 80 miliona, jer smo imali u prošloj godini dosta nerealiziranih sredstava, pa smo ih prenijeli u aprilu i uključili u budžet, ovaj, dvadeset četvrte godine i zato imamo ovoliko razliku u budžetu. Ovo je u stvari ono realno stanje koje je nastalo kao produkt Nacrta koji smo dobili, odnosno projekcije koje smo dobili od Federalnog ministarstva finansija i u koji treba da se uklopimo. Ja, čini mi se, Suada da me evo ispravi ako griješim, da u odnosu na protekle godine, ove godine idemo veoma dobro sa realizacijom budžeta i vidljivi su radovi u svim dijelovima grada i mislim da nećemo imat toliko prenesenih sredstava u iduću godinu, jer smo nastojali da što više realizujemo ove godine i da budžet dovedemo u one neke stvarno realne, ovaj, osnove.

Ono što me je iznenadilo, a neću reći razočaralo i ova informacija koju smo dobili, evo čini mi, se dva sata prije Vijeća nezvanična, dakle, ovaj, jeste da je nova projekcija prihoda od

strane Federalnog ministarstva finansija za dvadeset četvrtu godinu manja za dva miliona, ovaj, maraka. U tom kontekstu ćemo morati zajedno razgovarati i naći najbolji pravac i najbolju funkciju ovog budžeta kako bi odgovorili velikom broju zahtjeva građanki i građana grada Tuzle, nevladinih organizacija i da stvarno definišemo ono što nam je najvažnije za realizaciju iduće godine.

Ja sam nastojao da razgovaram takođe i sa velikim brojem građanki i građana i nevladinih organizacija prije nego što smo napravili ovaj Nacrt budžeta i probali smo da unesemo dosta njihovih zahtjeva u odnosu na sredstva koja su nam bila kroz projekciju data, pa ću ja evo nešto ovdje navest šta je to planirano da biste i vi imali neku kvalitetniju sliku, a naravno ovo je Nacrt. Idemo u javnu raspravu i kroz javnu raspravu ćemo nastojati da uvažimo što veći broj onih kvalitetnih prijedloga i sugestija, da bi ovaj budžet bio kao što je i za ovu godinu, ovaj, pravi budžet građana, odnosno, da uvažimo maksimalan broj sugestija i da ih unesemo u budžet, jer vidimo sa svakom aktivnosti koja je realizovana ove godine, a prvenstveno zahvaljujući i vama i nama koji smo predložili budžet i vi koji ste usvojili budžet, vidimo da su građani zadovoljni, jer su to njihove inicijative koje su unesene, u, ovaj, budžet za dvadeset četvrtu godinu i nastojat ćemo da to bude za dvadeset treću, a nastojat ćemo da to bude isto tako urađeno i u budžetu za dvadeset četvrtu godinu.

Dakle, ovaj budžet jeste razvojni i socijalni, ekonomski. Ovo sam posebno rekao socijalni, jer smo sudionici svih ovih globalnih kretanja koja su uzrokovala da dodatni broj naših sugrađanki i sugrađana, ne njihovom voljom, ovaj, bude gurnut u onaj segment građanki i građana koje imaju sada dodatnu potrebu za socijalnim pomoćima, iako to možda prošle godine nisu imali, jer životni standard i dalje, ovaj, raste, a vidjeli smo da lični dohodak primanja i socijalne pomoći ostaju otprilike iste, tako da neko ko je imao recimo penziju četrsto, petsto maraka prošle godine i ove godine, to nije, to nije, ovaj, isto. Ove godine takva osoba maltene sada u stanju socijalne potrebe, a što nije bio slučaj sa proteklom godinom.

Takođe, ono što smo vodili računa, vidjeli smo povećan broj osoba koje traže zdravstvenu zaštitu, tako da je skoro za 44, čini mi se, posto je povećan ovaj ekonomski kod, jer želimo da obezbijedimo kvalitetan život i ovu funkciju države, iako nismo izvorno nadležni za ovaj segment. Želimo da budemo partneri našim građankama i građanima i ne želimo da imamo i jednog građanku i građanina u našem gradu koji nisu zdravstveno osigurani. Ovdje smo krenuli skromno, čini mi se, nekada davno sa nekih desetak hiljada Konvertibilnih maraka, da bismo danas došli na evo prijedloge, čini mi se, sto osamdeset i nešto hiljada, sto trideset hiljada. Tako da je, ovaj, ogroman iskorak napravljen, zahvaljujući i našoj viziji, a zahvaljujući i vašem razumijevanju i vašoj podršci.

Takođe, u budžetu za dvadeset četvrtu godinu, dakle, u njegovom Nacrtu smo nastojali bez obzira na smanjenje sredstava, odnosno, realizaciju ove godine, da boračka i socijalna, ovaj, primanja ostanu na istom nivou, a kada uzmemo procentualni iznos u odnosu na ukupan budžet su, dakle, ona sada doživjela povećanje jel, isti iznos u odnosu na 80 hiljada, na 80 miliona i u odnosu na 63 miliona je dakle procentualno povećanje i naše opredjeljenje je bilo da ne smijemo dirati te ekonomske pozicije, jer želimo da budemo partneri našim građanima.

Takođe smo evo razumijevajući, razumijevajući problem i ženske populacije našeg stanovništva po pitanju nasilja u kući, predložili povećanje iznosa za sigurnu kuću, ovaj, od 10%, jer smo jedini koji je finansiramo, ovaj, i mislim da moramo u tom kontekstu nastaviti dalje povećavati ta sredstva.

Takođe, kada smo čuli da su „Koraci nade“ koji rade izvanredan posao ostali bez glavnog finansijera, smatrali smo da trebamo da vama predložimo da i ova institucija uđe na budžet, obzirom na značaj koji oni imaju za širu društvenu zajednicu, a posebno za djecu koja su oboljela od raznih bolesti i imaju ograničenja u svome kretanju i u svome životu, a ova institucija, odnosno ova organizacija radi veoma kvalitetan, veoma kvalitetan posao i olakšava

život i toj djeci, ali i roditeljima te djece i mislim da je bitno da ostavimo i da prihvatimo da i ovaj novi ekonomski kod bude prihvaćen.

Takođe, kada sam posjetio „Zemlju djece“, zahvaljujući pozivu naše vijećnice, ovaj, vidio sam koliko dobar posao i oni rade. A obzirom da mi imamo Akcioni plan za mlade, a nemamo ekonomskog koda kojim podržavamo direktno iz budžeta kroz Akcioni plan za mlade „Zemlju djece“, nismo imali vremena da u Nacrt budžeta uvedemo i ovaj ekonomski kod, ali evo ako se vi slažete, ja ću predložiti, dakle, da i u prijedlogu budžeta koji ćemo ako bog da kada prođe ova procedura javne rasprave, bude pred vama ponovo nekada u decembru mjesecu ove godine, nastojati da i ovu organizaciju, dakle, uvrstimo kao budžetskog korisnika, dakle, i da ga krenemo podržavati i ove godine, a i u idućim godinama vidjećemo možda ako nam to budžet bude dozvoljavao da i povećavamo podršku ovoj organizaciji, jer smatram stvarno da oni već dugi niz godina rade veoma dobar posao. Da smo i do sada podržavali kroz naše linije, znači, koje sufinansiraju nevladine organizacije, podržavali putem javnih poziva, ali mislim da je i ovaj segment bitan da podržimo u budućem periodu.

Naravno, komunalna infrastruktura koja čini najveći dio budžeta čini 35,40% Nacrta budžeta za dvadeset četvrtu godinu, nam je veoma, veoma značajna, tako da ću ovdje navest neke samo konkretne, dakle, za ceste je planirano šest miliona i devesto Konvertibilnih maraka, gdje planiramo da uradimo dvadesetdva putna pravca u prigradskim mjesnim zajednicama i dva putna pravca u gradskim mjesnim zajednicama, na način, dakle, da finansiramo sanaciju i izgradnju ceste za koju građanke i građani uplatili onaj iznos od 20% i sa ova dvadesetdva putna pravca, odnosno dvadesetčetiri putna pravca bi završili priču do sada sa zahtjevima koji su do sada podneseni. Dakle, trenutno nemamo više ni jednog zahtjeva za koje su građanke i građani uplatili 20%. I plan za ubuduće jeste da na kraju godine napravimo presjek i svi oni koji su platili ne treba da čekaju dvije, tri, četiri, pet godina, nego odmah naredne godine da idemo u realizaciju, ovaj, ovih puteva, jer je to veoma bitan i strateški pravac, da onaj dio našeg grada koji ima makadam, a nemaju, nemaju puta, da krenemo sa izgradnjom puta. Kasnije ću nešto reći i u vezi vodovodne mreže.

Takođe, ima i u prijedlogu nekih šest putnih, šest putnih pravaca koji su planirani, koji su planirani za sanaciju i vodovodne i kanalizacione mreže i puteva, tako da ćemo pokušati i taj dio da uvrstimo, odnosno uvršten je u Nacrt budžeta, ali imamo i puno drugih zahtjeva, puno drugih zahtjeva koje smo mi ovdje nabrojali, preko 28 kapitalnih, kapitalnih projekata za koje ćemo vidjeti, na koji način ćemo obezbijediti sredstva. Da li će to biti kreditna sredstva? Pokušat ćemo u okviru administracije da na najbolji i najkvalitetniji način apliciramo višim nivoima vlasti kako bismo od njih mogli obezbijediti maksimalan doprinos i maksimalna sredstva i finansirati ove projekte. To nam je jedan način, jedan izvor. Od međunarodnih organizacije je drugi izvor. I treći izvor će nam biti kreditna sredstva. Ali evo mi ćemo napraviti jednu analitiku, pa ćemo prije podnošenja na, na, ovaj, razmatranje i donošenje odluke o prijedlogu budžeta, razgovarati s vama i predočiti vam naše viđenje rješavanja ovog problema, odnosno, obezbjeđenje dodatnih sredstava, kako bismo i po pitanju komunalne infrastrukture uradili što više, što više poslova i što više aktivnosti.

Za higijenu grada je dakle planirano tri miliona i tri stotine hiljada Konvertibilnih maraka. Svjedoci smo da je Komunalac ove godine radio više nego i jedne, ovaj, do sada i da je potrebno građanima vratiti ona sredstva koja oni uplaćuju, jer su zaslužili da grad bude pokošen i opran i drveće orezano i posađeno novo drveće, kako bi ambijent u gradu bio kvalitetan i kako bi građani apsolutno uživali u svome gradu bolje i više nego u bilo kojem drugom gradu i to će ostati naša posvećenost i u budućem periodu.

Što se tiče električne energije za javnu rasvjetu. Tu je planirana, tu je planiran iznos od dva miliona Konvertibilnih maraka. Realizacija ove godine čini mi se sa rebalansom dva miliona i sto pedeset hiljada Konvertibilnih maraka. Oko sto sedamdeset, sto osamdeset hiljada maraka bi trebale da budu uštede, ovaj, kroz ugradnju LED rasvjete i pametnog upravljanja

rasvjetom na području grada Tuzle, tako da smo smanjili ovaj iznos i vratili ga na dva miliona bez obzira što u kontinuitetu širimo, širimo, ovaj, našu rasvjetu, tako ćemo i širiti i broj LED, ovaj, svjetiljki koje će nam dovesti do ušteda, a ujedno ćemo imati i kvalitetniju, kvalitetniju rasvjetu.

U ovom kontestu izgradnje komunalne infrastrukture moram da kažem da imamo još dva projekta sa UNDP-ijem. Jedan je pri kraju. A to je da će nam oni nabaviti određen broj sijalica, dakle, za LED rasvjetu za sjevernu saobraćajnicu, gdje mi sufinansiramo jedan dio, oni drugi dio i obećali su mi da će veoma brzo raspisati javni poziv i nadam se da će on biti uspješno okončan i da ćemo imati i našu kroz ovaj projekat sjevernu saobraćajnicu, u velikom dijelu zamijenjenu, dakle, sa LED rasvjetom, a što će nam omogućiti još veće uštede.

Drugi projekat jeste gdje smo ove godine aplicirali za ugradnju solarnih panela, za proizvodnju električne energije na zgradu Gradske uprave i Obdanište na Slatini, obzirom da su oni najveći potrošači električne energije, ovaj, i želimo da na ovaj način kroz ovaj pilot projekat pokažemo koliko je kvalitetno i koliko je potrebna i značajna i kolike benefite daju ugradnju solarnih, dakle, panela za proizvodnju električne energije. A ako budemo u mogućnosti kada bude usvojen ovaj set zakona, ja ih evo zovem nestručno obnovljivim izvorima energije na nivou federacije, onda ćemo vjerovatno u dogovoru sa vama uvesti još jednu liniju, još jednu liniju podrške našim građankama i građanima, a to je da oni koji su ugradili toplotne pumpe kroz ovu našu dosadašnju podršku, budu dakle, ovaj, podržani i za ugradnju solarnih panela, kako bismo na takav način dobili samo održive objekte, dakle, koji će se grijati kroz, dakle, putem toplotnih pumpi koji crpe jel tako jedan dio određene toplote ili zemlje ili zraka ili vode i ako imaju svoj bunar i mi im pomognemo, mi im pomognemo da ugrade solare za proizvodnju električne energije imamo apsolutno neovisne objekte, a što nam je cilj i što je u stvari i perspektiva Evropske Unije, tako da ove aktivnosti mi apsolutno, apsolutno usmjeravamo ka ovom zelenom planu Evropske Unije. Razgovaramo sa međunarodnim organizacijama i pokušavamo da, ovaj, privučemo što veća sredstva i u tom, ovaj, segmentu i gdje god možemo, pokušavamo da širimo, da širimo tu priču. Naravno ovdje nastavljamo i sa izgradnjom i održavanjem, odnosno reparacijom dječijih igrališta i sportskih terena gdje smo ove godine sanirali preko dvadeset dječijih igrališta, a na preko deset smo ugradili kao što smo to i obećali, ovaj, mobilijar koji je prilagođen osobama sa poteškoćama u razvoju, a što nam je opet veoma važno i što pokazuje naše opredjeljenje da niko ne smije biti zaboravljen, nego da prema svima moramo da se odnosimo sa dužnom pažnjom. Ovakvu politiku ćemo nastaviti i u budućem periodu.

Nastavljamo kao što sam malo prije rekao i sa izgradnjom i održavanjem javne rasvjete i ovdje moram reći da ćemo do kraja godine što je bilo takođe jedno od mojih obećanja, opet vijećnici, nećemo u množini reć, nego ćemo u jednini reć, ovaj, za ugradnju dvije česme. Jednu ćemo staviti na ulazu u naš gradski park, a drugu ćemo staviti do kraja godine, mislim da će to biti gotovo, ovaj, na Sjenjaku, dakle, gdje su dvije nekako naj, naj, naj, ovaj, prometnije lokacije, a u idućoj godini ćemo pokušati da to uradimo i na Slanoj banji, obzirom da veliki broj sportskih klubova i građana koriste taj naš dio prelijepog, ovaj, grada. A imamo samo jednu česmu gore kod groblja „Našoj djeci“, da vidimo dole niže negdje da ugradimo još jednu česmu i na još neke lokacije koje će opet poboljšati kvalitet, poboljšati kvalitet, ovaj, života našim građanima.

Takođe ćemo uvesti, dakle, predložit ćemo u prijedlogu budžeta, a što nismo imali vremena u Nacrtu budžeta, a to je sredstva na novom ekonomskom kodu, uređenje sobe sporta u Sportskom centru „Mejdan“, što je bio opet još jedne vijećnice prijedlog naše, ovaj, to nismo mogli sada da uradimo, obzirom da „Mejdan“ mora da uradi projekat, da vidimo koliko to košta, da vidimo šta ide na kapitalni grant, šta ide na tekući grant. Ne znamo kako će to izgledat bez projekta. Nemamo validnih ulaznih podataka da to uvrstimo u budžet, ovaj, tek kad to bude urađeno, urađeno, moćemo uvrstiti, ovaj, u budžet.

Takođe u razgovoru sa građankama i građanima, kao veliki problem se pokazalo vodosnabdjevanje rubnih mjesnih zajednica. Ovdje prvenstveno govorimo o Tetimi, Crnom Blatom, Dognju, Breškama, Obodnici jednoj, Obodnici drugoj i Dragunji. Već je urađeno jedno idejno rješenje za nastavak vodovodne mreže, odnosno, mreže gradskog, ovaj, vodovoda od Soline pa prema Tetimi, Crnom Blatu, Breškama, do određene visinske kote u Hidanima, uz izgradnju jednog novog i potrebnog rezervoara za ove namjene, tako da ćemo za iduću godinu uraditi projekat i zajedno s vama predstaviti građanima, dakle, modus kako možemo riješiti, koliko to košta i, ovaj, da vidimo kako možemo doći do tih, do tih, ovaj, sredstava, a u fazi je izrada drugog idejnog rješenja, dakle, od Lipnice, dakle, vodosnabdjevanja pa sad gore prema Donjoj i Gornjoj Obodnici, Breškama i Dragunji, gdje će po evo nezvaničnim informacijama trebati biti napravljeno nekoliko rezervoara radi prepumpavanja i dovođenja vode u ova naselja, tako da ćemo za iduću godinu na neki način imati spremna i idejna rješenja, a vjerovatno i projektna rješenja, koja će nam tačno reći kako riješiti ovaj problem. Da struka kaže kako je rješivo? Koliko to košta? Pa da onda opet evo zajedno sjednemo i vidimo kako ćemo to riješiti, jer to nije nešto što će se može riješiti preko noći. To je nešto za čiju realizaciju će trebati sigurno nekoliko godina, ali je veoma bitno da mi imamo, ovaj, projekte kako se to može riješiti, a onda ćemo ići tražiti sredstva, vidjeti imovinski kakvo nam je stanje. Dal treba raditi eksproprijaciju ili ne treba? Dakle, imaćemo sve činjenice na ovaj, stolu i onda možemo s građanima otvoreno sjesti i dati im informaciju zajedno u kojem periodu je moguće riješiti, riješiti, ovaj, problem.

Gradsko groblje kao što ste čuli, mislim da bi moglo biti završeno sljedeće godine do juna, jula, dakle, da se pusti u upotrebu, ovaj, jel radimo, radimo evo u zadnje vrijeme dosta, dosta aktivnosti na završetku poslova. Stalno smo u kontaktu sa izvođačem radova. Pritišćemo ih da što više i što brže urade. A evo i vi kroz objave na društvenim mrežama i na web portalima vidite u kojoj je to fazi. Mislim da ćemo morat raspisat još jedan javni poziv, obzirom da određeni segmenti glavne zgrade, ovaj, nisu bili obuhvaćeni ovim javnim pozivom, kao što su vrata, jedan dio krova, tako da ćemo raspisati vrlo brzo i taj dio i mislim u razgovoru sa Službom za komunalne poslove, da nam je krajnji rok završetka i da ne kažem puštanje u funkciju jel, ovaj, novog gradskog groblja bi trebalo da bude negdje tamo do kraja juna ili do kraja jula mjeseca, jer mislim da se nikom ovdje od vas ne žuri tolko. Evo, malo, malo, malo, i da se, ovaj, nasmijemo na ovu, na ovu, ovaj, temu.

Što se tiče ekonomskog razvoja, tu smo otprilike zadržali iznose na nivou ove godine, a koji su povećani u odnosu na prošlu godinu, s tim da je na jednom ekonomskom kodu, čini mi se za siguran start umanjen iznos sa tristo na dvjesto pedeset hiljada, a što ćemo popraviti u prijedlogu, jel on mora ostat tristo hiljada, jel mi želimo da budemo partneri svima onima koji žele da registruju svoju djelatnost i ne želimo da smanjujemo ta sredstva, jer ove godine, hvala bogu, ja ću reći da nam je još veći broj podnosilaca po ovom javnom pozivu gdje smo prošle godine imali dvjesto tri, a stotinu sedamdeset devet je prošlo, odnosno stotinu sedamdeset devet je zadovoljavalo uslove javnog konkursa. Danas imamo preko dvjesto pedeset, dakle, prijavljenih ove godine i ja se, ovaj, srdačno nadam da će svi zadovoljit uslove javnog konkursa i da ćemo sve podržati, jel svaka marka data u privredu se višestruko, višestruko, ovaj, vraća i moramo nastaviti ovaj pravac. Dakle, u prijedlogu ćemo ispraviti ovo i povećat ćemo za pesedet hiljada Konvertibilnih maraka.

Takođe ono što ćemo uradit iduće godine, a što smo već razgovarali sa savjetom gradonačelnika, za osobe jel sa poteškoćama u razvoju i za osobe sa invaliditetom, jeste da ćemo s njima dogovoriti. Evo imamo i našeg vijećnika koje mu je to uža struka. Dakle, da ugradimo semafore zvučne za osobe slabovide i slijepe i da vidimo na koji način možemo uraditi ove taktilne trake, dakle, od recimo Sjenjaka, od istočnog ka zapadnom dijelu grada.

Ovdje ćemo takođe pokušati raditi i na izgradnji, vidjećemo kako ćemo doći do sredstava još jednog kružnog toka na sjevernoj saobraćajnici, a to je kružni tok kod SodaSo

zgrade. Već smo uradili idejno rješenje. Ići ćemo u projekat. Mislim da imovinski takođe, što mi je rekla moja kolegica Jasmina, iz Službe za geodetske poslove. Neće bit imovinski težak za rješavanje i mislim da ćemo na takav način riješiti ono što je prvenstveno u našoj nadležnosti, a to je sjeverna saobraćajnica da ukinemo semafore. U velikim smo pregovorima i mislim da ćemo obezbijediti za iduću godinu sredstva i od Vlade Federacije, odnosno Cesta Federacije za eksproprijaciju i produžetak južne saobraćajnice i za izgradnju, ovaj, barem dva kružna toka na južnoj saobraćajnici i završetak kružnog toka kod Termoelektrane i da vidimo u kojoj fazi smo rješavanja imovinskih odnosa kod petlje Šićki Brod, uz još jednu stvar, a to je, znate Mlake gdje su, dakle, skretanje za Bingo tamo i našu poslovnu zonu, da probamo tu uraditi takođe sa Cestama Federacije, pošto za to imamo projekat i regulacioni plan kružni tok i na toj lokaciji, obzirom da se radi o federalnoj cesti. Na takav način bismo otključali kompletno ako gledamo prema Husino sa Šićkog onu lijevu stranu prema Termoelektrani zemljišta za još jednu poslovnu zonu i za još veću i bolju izgradnju, ovaj, privrednih subjekata. Imamo zainteresovanih koji bi gradili na toj lokaciji, međutim, problem je ova putna infrastruktura, odnosno priključenje na ovaj regionalni put, a što bi izgradnjom ovog kružnog toka bilo, ovaj, riješeno i što bismo na ovakav način pogodovali i napravili grad Tuzlu kao još interesatnijom i ekonomskom da kažemo, ovaj, sredinom. Sredinom za dalja ulaganja i dalji razvoj, dalji razvoj privrede.

Evo ja sam nastojao da budem što kraći i sažetiji, a da vam kažem u najvećoj mjeri koji su to ključni projekti koje mi planiramo da, ovaj, realizujemo. Naravno, kroz javnu raspravu ćemo ovo i korigovat, ovaj, i dogovarat se da, da ovaj naš plan bude u prijedlogu još bolji i još kvalitetniji. Ali evo mislim da samo zajedno i uz uzajamno uvažavanje, ovaj, i usvajanje najkvalitetnijih prijedloga uz ograničenija sredstva u odnosu na ovu godinu, možemo stvarno da napravimo da budžet iako je evo u Nacrtu 63 miliona, bude stvarno, ovaj, kvalitetan, dobar i da odražava volju svih građanki i građana grada Tuzle, privrednih subjekata, nevladinih organizacija i vas, kao gradskih vijećnica i vijećnika. Hvala vam puno.

NATAŠA PERIĆ

Hvala. Hvala gradonačelnice.

Da li ima potrebe da se pročitaju izvještaji komisija?

Otvaram raspravu klubova vijećnika.

Vijećnik Anel Ibeljić. Izvolite. Neka se pripreme vijećnici...(ĆERIM RASTODER – Klubova vijećnika). Dobro. Sad sam otvorila raspravu klubova vijećnika. Neka se pripremi vijećnica Selma Čatibušić.

ANEL IBELJIĆ – vijećnik Socijaldemokratske partije

Eh hvala predsjedavajuća. Drage kolegice i kolege, sve vas srdačno pozdravljam. Želim vam dana ssretan, produktivan i konstruktivan rad. Hvala gradonačelniku Zijadu Lugaviću što nam je stvarno detaljno iznio pravce kako je došlo do kreiranja (NATAŠA PERIĆ – Molim vas samo malo tišine) načina budžeta i šta je to najznačajnije što je Grad i Gradska služba uzela u obzir prilikom kreiranja ovog dokumenta. Takođe, svakako moramo se zahvaliti i Službi za budžet i finansije koja je stvarno pripremila jako dobar prijedlog Nacrta budžeta.

Iz dokumentacije koju ste dobili iz materijala mogli smo vidjeti da je ovaj Nacrt veći u odnosu na Nacrt iz 2023. godine, što nas evo svakako raduje. Međutim, svakako čuli smo evo nažalost i jednu pa tužnu i negativnu vijest. A to je da će projekcija tih poreza, rasporedi nekih tih nekih doprinosa biti manja evo za gotovo dva miliona našto ću se malo kasnije osvrnuti.

Ja ću biti kratak. Neću previše dužiti. Kada je riječ o Nacrtu budžeta, mišljenja sam da ima jako dosta pozitivnih stvari. Veliki broj stavki meni značajnih, a svakako i za naše građane

je ostao na prošlogodišnjem nivou. Neke su čak povećane. S obzirom da dolazim iz kategorije mladih lica, odnosno mlade populacije od osobe 30-35 godina, želio bih da pohvalim Službu koja je nadležna za piranje mladih, Služba za sport, mlade i socijalnu politiku, koja je povećala, ovaj, sredstva na grant za projekte mlade za dodatnih pet hiljada, na koji način ćemo značajno poboljšati i potpomoći rad udruženja mladih.

Ukoliko bude mogućnosti, predložiti ću da se povećaju stavke koje odnose na podržavanje subvencioniranja kamata za stambeno zbrinjavanje mladih, te nagrade studentima, kao što smo mogli vidjeti prije nekoliko mjeseci kada smo imali rebalans budžeta, ovaj, izdvojili smo dodatna sredstva upravo za ovu stavku, za podržavanje subvencioniranja kamata za stambeno zbrinjavanje mladih. Prošle godine, odnosno tokom ove godine, taj iznos je iznosio stotinu dvadeset hiljada. Povećali smo ga ja mislim za dvadeset dvije ili dvadeset četiri hiljade. To je bilo stotinu četrdeset i četiri hiljade Konvertibilnih maraka i sva ta sredstva su utrošena upravo za ovu kategoriju, kategoriju mladih lica.

Prije nekoliko dana, mislim prije deset dana, zajedno sa nekolicinom drugih vijećnika, imao sam priliku, ovaj, da prisustvujem prezentaciji rada Udruženja „Koraci nade“. Svakako, evo i gradonačelnik se danas osvrnuo upravo u svom izlaganju. Govorio je dosta toga o tom Udruženju i evo ispred Kluba SDP-a, ovaj, želim da se zahvalim gradonačelniku što je pronašao sredstva i mogućnosti da ovo Udruženje ubaci u budžet za 2024. godinu, iznosu od 25.000 Konvertibilnih maraka. Vidjeli smo, ovaj, sa kakvim se sve problemima suočava ovo Udruženje. Da im je glavni donator, ovaj, napustio ih je, tako da su njihova sredstva manja (NATAŠA PERIĆ – Molim vas malo tišine samo), ovaj, za nekih 60%. Dobili su, ovaj, obećanja i od drugih nivoa vlasti. Prije svega, to mislim na Kanton, koji će takođe izdvojiti određena novčana sredstva za finansiranje ovog Udruženja. Takođe, otišao je prijedlog da se i drugi gradovi u Tuzlanskom kantonu uključe, ovaj, u finansiranje ovog Udruženja, obzirom da djeca sa poteškoćama u razvoju sa područja cijelog Tuzlanskog kantona, ovaj, dolaze u ovo Udruženje.

Prije nekoliko godina, kolega Alen Kapidžić će predložiti inicijativu za izgradnju Skate parka. Ja sam prije dvije godine tražio Bike park, pa smo evo zajednički, ovaj, došli na nekog dogovora da se ide sa jednom zajedničkom inicijativom ili nekom obnovom urgencijom na inicijativu, da se kreira jedan zajednički Bike, ili Skate park. To smo tražili mislim čak i prošle godine, kada je bio Nacrt budžeta i prijedlog budžeta. Naravno, shvatili smo, nije bilo u tom trenutku realne mogućnosti finansijskih sredstava da se ova jedna takva inicijativa realizuje, ali evo ukoliko bude mogućnosti, ponovo tražimo da se izdvoje određena novčana sredstva, kako bi se ta inicijativa pokušala realizovati.

U proteklom periodu, odnosno u toku ove godine, vidjeli smo Turistička zajednica Grada Tuzle stvarno ulaže dosta napora, truda i rada. Ova sezona je bila jako bogata sa turističkim sadržajem. Mislim da takođe trebamo dalje potpomoći rad Turističke zajednice izdvajanjem dodatnih sredstava, a koja sredstva bi se mogla utrošiti za neke nove turističke sadržaje, kao što su ukrasni putokazi ili neke ukrasne instalacije u vidu kišobrana ili nečega sličnog, ili za što se odluči, ovaj, Turistička zajednica u odnosu na ono što oni smatraju najbolje, što takođe može obogatiti naš sadržaj turistički, a što je popularno u svim drugim gradovima, ne samo u Bosni i Hercegovini, nego i u Evropi.

Evo svake godine moram se osvrnut takođe i na jedno od najranjivijih kategorija stanovništva, osobe treće životne dobi, naše penzionere. Prije mislim dvije godine, ovaj, povećali smo simbolično sredstva koja su namijenjena ovoj kategoriji stanovništva, tako da finansiramo rad ovog Udruženja sa 24.000 Konvertibilnih maraka. Ta sredstva su stvarno nedostatna za rad tog Udruženja, ovaj, jer imam dosta molbi, sugestija, pa i zahtjeva da probamo da u narednoj, za narednu godinu obezbijedimo, pa barem dodatnih 6.000 kako bi taj iznos iznosio 30.000 za sljedeću godinu.

Pored ovih stavki moram istaći i ono sa čime se najviše susrećemo u svom vijećničkom radu. To su zahtjevi građani koji se odnose na rješavanje problema komunalne infrastrukture. Naravno, evo svi su svjesni da jedan cijeli budžet nam je bio potreban da riješimo sva ta pitanja. neke stvari nisu realne i nisu moguće da se riješe za godinu, dvije, tri, pa čak ni pet. Da je to jedan dugoročni projekat, ali evo čuli smo danas i uvaženog gradonačelnika da će on predložiti jedan vid modela kako da se riješe oni projekti koji su na čekanju već nekoliko godina i svakako da to kao vijećnik podržavam i Klub SDP-a će svakako jedan takav prijedlog podržati. Ali evo ukoliko bude sredstava u narednoj projekciji kada dođe od nadležnih organa do prijedloga budžeta, predlažem da se stavka koja se odnosi na komunalnu infrastrukturu poveća onoliko koliko je to moguće, a raduje me što je stavka budžeta koja se odnosi na, za saniranje i zastupanje arhitektonskih barijera povećana za nekih 60%.

Još jedan stvar na koju ću se ja osvrnuti, a koju takođe potencira i kolegica Selma Čatibušić. Imali smo već evo možemo reći i neke zajedničke inicijative, tako se na kraju ispostavilo. To je izrada, odnosno crtanje murala. U odgovorima koje smo dobijali od institucija, došli smo do podataka, odnosno takvi su njihovi odgovori bili, da su potrebna određena novčana sredstva sa kojima naše javne ustanove, odnosno preduzeća ne raspolažu, te da bi to trebalo u stvari da radi Grad. Po meni, riječ je o jednom interesantnom projektu. Projektu koji je popularan u pojedinim gradovima, u Evropi. Neki gradovi su baš isključivo prepoznatljivi po ovim stvarima kao što je na primjer: Lisabon u koji imate stotine murala koji ukrašavaju njihove zgrade, fasade. Sličnu tu takvu stvar možemo kopirati i u Tuzlu. Posebno na centar grada gdje imamo, pa svi smo svjesni neke fasade koje su dotrajale i oronule, koje bi trebalo na neki način pa poboljšati, ukoliko naravno postoje zakonske mogućnosti i finansijskih novčanih sredstava, predlažem da se formira jedan novi ekonomski kod u prijedlog budžeta koji može u početku biti simboličan. Ne mora to biti, ne moraju to biti neka veća finansijska sredstva, ali koji bi bio isključivo namijenjen za neke projekte, za izradu murala.

Evo ja ću toliko. Ukoliko bude još nekih prijedloga do kraja rasprave, svakako da ću se javiti za riječ. Hvala.

NATAŠA PERIĆ

Hvala Anele. Prije nego što nastavimo sa radom, pozivam vijećnike koji nisu u sali, da uđu u salu.

Sljedeća za riječ se javila vijećnica Selma Čatibušić, ispred Kluba Platforme za progres. Neka se pripremi vijećnik Senad Mehmedinović. Izvolite.

SELMA ČATIBUŠIĆ – vijećnik Platforme za progres

Dobar dan i lijep pozdrav svima, kolegicama i kolegama. Želim reći da ukoliko ne stignem, je li, da završim svoje prvo javljanje, javiti ću se svakako i u drugom javljanju.

Za početak evo krenut ću nekako jedne od mojih prvih inicijativa kada je u pitanju Nacrt budžeta za 2024. godinu, isti ću podržati, ali želim na početku da navedem da u slučaju da se niti jedna od mojih inicijativa zapravo ne uvrsti u sam budžet za narednu godinu, svakako budžet u tom slučaju neće moći dobiti moju podršku.

Dalje. Kada je, smatram da je neophodno da Grad Tuzla prepozna potrebu prvenstveno zbrinjavanja djece predškolskog uzrasta u predškolskim ustanovama. To je nešto o čemu sam pričala, evo već dvije godine i što ću nastaviti govoriti, ali i svjesna sam da, ok ne možemo napraviti neki ogroman pomak, ali trebamo se ugledati na grad Banja Luku i Kanton Sarajevo koji su svakako napravili velike pomake kada su ove stvari u pitanju. Neophodno je da se boravak djece u vrtićima sufinansira, ali ne samo u javnim nego i u privatnim vrtićima. Ali za početak smatram i predlažem da je potrebno prvenstveno promijeniti pravilnik o prijemu djece

u vrtićima, te shodno tome predlažem jedan zaključak u okviru svoje diskusije za izmjenu. (NATAŠA PERIĆ – Nema zaključaka). Dobro. Nema veze, za izmjenu. Ja ću govorit kroz diskusiju, pa nek samo uđe u stenogram. (NATAŠA PERIĆ – Pa recite vi kroz...Jest). Pravičnik o prijemu djece u vrtićima u skladu sa mojom prethodnom inicijativom, gdje prvenstveno koji delegira da se, da prioritet pri prijemu u vrtiće i subvencioniranje sveukupnog boravka djece imaju prvenstveno djeca osoba sa invaliditetom, djeca žrtava nasilja, djeca korisnika socijalnih primanja, djeca redovnih studenata, kao osobe prioritetnijih kategorija. Smatram da Grad Tuzla može napraviti pomak makar kada je u pitanju sufinansiranje boravka ove djece.

Dalje. Jedna od mojih prvih inicijativa, možda čak i prva moja inicijativa bila je iako sam svima vjerovatno i dosadna s njom, ali smatram da nešto što sam govorila u svojoj političkoj kampanji, izbornoj kampanji ili predizbornoj kampanji, trebam da do kraja iznesem, a to je čitaonica za studente koja će raditi 24 sata. Naime, jedina čitaonica u kojoj su studenti mogli učiti poslije, ne znam, četiri ili pet sati, to je bila čitaonica na Medicinskom fakultetu, koja je radila do 23 sata navečer. Dobila sam informacija da je čak i ta čitaonica zatvorena i da sada studenti faktički nemaju priliku gdje da uče. Univerzitetska biblioteka je otvorena za učenje, ja mislim do svega četiri ili pet sati popodne. Ukoliko se zovemo univerzitetskim gradom, neophodno je da Grad Tuzla pomogne, odnosno otvorni jednu novu savremeniju čitaonicu, koja će raditi 24 sata, uzimaju u obzir da postoje studenti koji su redovni studenti. Tokom dana imaju redovna predavanja. Postoje studenti koji rade. Studenti koji rade u studentskim domovima. Njih više. Jednostavno, noć koriste za spremanje svojih ispita. S toga smatram da Grad Tuzla definitivno može pomoći u ovom svemu. Ne bih voljela da mi se odgovara kao u prethodnom nekom vremenu, da je to nadležnost dalje. Nek se time bave Univerzitet, pa dalje Kanton i slično. Ovo je univerzitetski grad, centar kantona i Grad Tuzla treba po meni da otvori jednu takvu čitaonicu. Ne smatram da to treba biti neki ogroman projekat. Neophodan je običan prostor koji će biti otvoren 24 sata i koji će moći da se koristi.

Još jedna od mojih inicijativa koje bi voljela da bude uvrštena svakako i kroz budžet. nisam se na neki referisala kolike su to cifre, obzirom da ćemo svakako imati amandmansko djelovanje, pa ćemo kroz okodove moći mijenjati te stvari. Ali smatram da Odjeljenje fizijatrije u Domu zdravlja Tuzle također treba da dobije neke nove aparate, neku novu opremu i da se na neki način napravi rekonstrukcija samog odjeljenja.

Kolega Omer mi je sada spomenuo da će i on naravno predložiti jednu rampu za Odjeljenje pedijatrije u Domu zdravlja Tuzla. Mislim da smo svi ovdje konkretno referisali se na te arhitektonske barijere i sličo, pogotovo na tom dijelu i smatram da konačno trebamo da riješimo taj problem.

U prethodnom razgovoru sa kolegicom Merimom, ako se ona sjeća, vjerujem da se sjeća. Kada su u pitanju dječija igrališta i kršenje javnog reda i mira na dječijim igralištima i kolegica Merima se referisala na to da je potrebno da se postave table na kojima će pisati da je zabranjeno korištenje alkohola ili sličnih opojnih sredstava na dječijim igralištima i shodno tome će policija odmah morati reagovati. Konačno će se osobama koje koriste alkohol na dječijim igralištima, a pri tome pod dejstvom alkohola remete javni red i mir, policija će konačno moći reagovati i konačno će im se neke kazne moći prepisati je li. Pripisati.

Shodno tome smatram da Grad Tuzla može izdvojiti finansijska sredstva. Ako ništa, za postavljanje prvenstveno ovih tabli.

Dalje. Podržavam i hvala kolegi Anelu što je spomenuo i mene kada su u pitanju crtanje murala, jer smo zajedno imali na neki način te inicijative, s tim da je moja inicijativa kada su u pitanju crtanje murala, išla je u pravcu da smatram da jedan mural na Panonskim jezerima, odnosno na onom zidu duž sjeverne magistrale treba da bude nacrtan, jer nako kvari definitivno izgled strogog centra grada. U razgovoru sa gradonačelnikom on je rekao da je već bila neka ideja vezana za to, al da su se tražila neka ogromna sredstva. Vjerujem da bi sredstva bila puno

manja ukoliko angažujemo neke lokalne umjetnike i na neki način izdvojimo sredstva koja će biti prihvatljiva, a opet uljepšat će naš centar grada.

Voljela bih također da se na neki način inicijativa moja za uređenje parkinga Pravnog fakulteta konačno realizira. U dogovor je li sa nadležnom službom, ali i Javnim preduzećem Saobraćaj i komunikacije. Direktor je već na neki način pokazao spremnost da to uradi. Svakako podržavam. A već kada se spominje Saobraćaj i komunikacije da na moju inicijativu vezano za dobrovoljne davaoce krvi, neophodno je da Gradsko vijeće zapravo promijeni odluku o parkiralištima, tako da u okviru svoje diskusije svakako ću predložiti upravo tu izmjenu naše odluke i da se ljudima koji su dvadeset ili više puta darovali krv dobrovoljno, odmoćući besplatan parking. Direktor Saobraćaj i komunikacije, odnosno tog preduzeća naveo je da psotoji tu mali problem, jer će u tom slučaju preduzeće ipak morat snositi je li troškove PDV-a. Možda kroz neki ekonomski kod bi upravo ta stvar mogla da se riješi.

Hvala gradonačelniku što je spomenuo moju inicijativu vezano za nove gradske česme ili rekonstrukciju starih. Cijenim svakako što obraća pažnju na ono što govore svi vijećnici, a ne samo vijećnici pozicije.

Voljela bih da u nekoj relativno bliskoj budućnosti također da u našem gradu postoji park žrtava femicida, gdje će se na simboličan način zapravo odati počast, je li, krvnički ubijenim ženama, ali isto tako prikazati zapravo da Grad Tuzla će nastaviti svoju borbu protiv je li ovakvih pojava. Tako da zasad toliko. Hvala.

NATAŠA PERIĆ

Hvala Selma. Sljedeći za riječ se javio vijećnik Senad Mehmedinović ispred zajedničkog kluba. Neka se pripremi vijećnik Nedžad Jusić. Izvolite.

SENAD MEHMEDINOVIĆ – vijećnik Pokreta demokratske akcije

Hvala najljepša. Poštovana predsjedavajuća, zamjeniče predsjedavajuće, kolege vijećnici, predstavnici službi, Stručna službo, sekretaru, sve vas srdačno pozdravljam.

Ja ću imat neka pitanja. Imat ću i neke komentare vezano i za rebalans budžeta i za nacrt budžeta, tako da ću odmah krenuti sa postavljanjem pitanja.

Na početku sam mislio nakon izlaganja gospođe Suade i gradonačelnika da ništa neću morat ni reći zato što su oni u kratkom periodu nas to sve izvjestili nekih sat vremena.

Što se tiče sredstava za rad Gradskog vijeća, dakle, moje pitanje bi glasilo, a odnosi se na transfer za rad parlamentarnih grupa, klubova vijećnika u Gradskom vijeću Tuzla. Vidimo da je ovdje ako se ne varam povećanje za 60.000 Konvertibilnih maraka, obzirom da smo eto u desetom mjesecu, onaj, ako mogu da dobijem samo odgovor našta se to konkretno odnosi?

Takođe, ovdje u rebalansu možemo da vidimo u stvari da najviše sredstava traže javna preduzeća, pa tako imamo ovdje transfer za rad Gradske veterinarske stanice Tuzla u iznosu od 70.000 Konvertibilnih maraka. I sad ja ne znam kad se pošalje taj dopis, evo od Gradske veterinarske stanice, jel ima obrazloženje zbog čega se traže ta sredstva, jer ovdje samo piše sredstva za ovu poziciju obezbijedena su preraspodjelom i to je to. Pa, evo samo bi molio kad završim diskusiju da mi date odgovore na ova pitanja.

Takođe, Gradske apoteke, ja sam uvijek komentarisao za Gradske apoteke. Naravno da ih treba podržavati. Al me zanima onako kada su u pitanju menadžeri, kada su u pitanju direktori javnih preduzeća, da li imaju oni neke prijedloge planova kako da unaprijede poslovanje. Mislim, najlakše je da se kaže nerentabilno, ne fukcioniše i ajde da vidimo iz budžeta da se uzmu sredstva i to je to. Mislim, mislim da bi malo direktor se više trebali potruditi na način da se namaknu određena sredstva. Ja bi volio da ovdje vidim da razmatramo mi nekad neki dokument o prijedlogu unapređenja poslovanja određenih evo apoteka, pa da vidimo da

se nađe tu najbolje rješenje, a da ne bude samo, naravno da treba podržat. Ne možemo mi to sad pustit niz vodu. Al neka direktori nametnu nekad sredsdtva da mi preusmjerimo negdje gdje se može bolje iskoristit.

A takođe ovdje vidim i „Mejdan“ je tražio određena sredstva u iznosu od 156.000 Konvertibilnih maraka, al evo za realizaciju projekta „Hram sporta“ SKPC „Mejdan“, ja mislim da toliko javnih poziva bude za finansiranje različitih prijekata i ne vidim zašto, zašto, onaj, evo javna preduzeća ne apliciraju. Ne samo da se mi fokusiramo na apliciranje unutar kantona, unutar federacije, države, toliko ima poziva upostava saradnje iz fondova Evropske Unije, a ovo je pazite Hram sporta SKPC Mejdan odličan projekat, pretpostavljam dobra se priča može napraviti. I bilo dobro malo da direktori se više potruže, da ne bude samo direktor direktor, da bude pravi menadžer. A pravi menadžer je onaj ko namakne sredstva svom preduzeću gdje radi. Onda mi stvarno možemo da pofalimo te direktore. Vidimo da je taj od 330.000 Konvertibilnih maraka koliko rebalansom treba rasporediti, 230.000 se odnosi na javna preduzeća.

Kada je u pitanju tekuće održavanje sportskih terena i igrališta, mislim da ovdje veći broj vijećnika. Evo i malo prije govore u stvari o održavanju terena igrališta i onda ovdje imamo situaciju da je smanjeno za 45.000 Konvertibilnih maraka. Znači, jel to znači da mi u toku ove godine nismo mogli da renoviramo sva ova igrališta? Il o čemu se radi? Dakle višak sredstava je ispadne da je prebačen za neke druge namjene, jer je umanjeno.

Naknade savjetima mjesnih zajednica povećava se za 10.000 Konvertibilnih maraka. Je li se proširio broj članova savjeta mjesnih zajednica, to ne znam. Al imam jedno pitanje. To nije za Službu za finansije. Samo me zanima da bi član savjeta mjesne zajednice dobio mjesečni paušal, da li na mjesečnom nivou mora da bude održan sastanak? I ako mora da bude, jel to onaj potpis koji bude koji se kod sekretara potpiše kao dokaz da se prisustvovalo na tom sastanku? Volio bi da imam samo informaciju na osnovu čega se isplaćuje naknada za rad članovima savjeta mjesne zajednice, isto kao što i mi znamo da se nama isplaćuje, tako da dođemo, potpišemo se i znamo da smo prisustvovali sjednici Vijeća.

Izrada projektne dokumentacije (NATAŠA PERIĆ – Molim vas malo pažnje). Na izradi projektne dokumentacije je isto umanjeno za 40.000 Konvertibilnih maraka. Evo na primjer prijedlog, ne znam zašto se umanjilo, a na primjer put Kiseljak – Husino, bilo bi dobro da se konačno uradi projektna dokumentacija da ne dobijam ja informacije kao vijećnik, puno to košta i to je ta priča. Ukoliko puno košta taj put Kiseljak – Husino, nema veze, ja bi volio kao vijećnik, a volili bi isto tako i mještani da znaju koliko to košta ta dionica puta da se uradi od četiri kilometra. Jel to milion, dva, tri, nebitno, pesto hiljada. Da mi znamo, da znamo kako ćemo u narednom periodu da, onaj, djelujemo. Da ne bude to samo puno košta i završena priča. Ne možemo krenut u realizaciju. A bilo je nedavno, ne znam koliko ste mogli da propratite. Građani Mjesne zajednice Cerik su prijetili blokadom puta prema od Husina prema Kiseljaku. Dakle, ozbiljan problem imamo na toj dionici Kiseljak – Husino zato što je asfalt popucao i svako može da ode da se provoza da vidite kako je to dionica koja je stvarno puna ne rupa, nego nekih kratera.

Kada je u pitanju Nacrt budžeta vidimo da je planirano povećanje za Gradsko vijeće za 20.000 Konvertibilnih maraka, a vamo u rebalansu je planirano povećanje 60.000 Konvertibilnih maraka. Pa mi je čisto onako nejasno, o čemu se radi? Pa ako mogu da dobijem odgovor?

Takođe, finansiranje socijalno ugroženih građana. Ovdje je puna podrška novom ekonomskom kodu, a koji se odnosi na Centar „Koraci nade“. Ja ću se u ime Centra „Koraka nade“ neko ko se bavi tom strukom zahvaljujem svim vijećnicima koji su mogli da se odazovu pozivu prezentacije rada Centra „Koraci nade“. Moram da kažem, volio bi da dopunim izlagače prijašnje, dakle, da je to Centar koji egzistira trideset godina na nivou grada Tuzle. Da je to Centar kome je Grad Tuzla naravno i prije izlazio u susret i izgrada koja je tamo napravljena,

ona je data na korištenje „Koracima nade“, a to je u stvari vlasništvo Grada Tuzle. Evo čisto da imamo tu informaciju. 187 djece u „korake nade“ dolazi ne po humanitarnu pomoć. 187 djece dolaze na individualne i grupne tretmane i to je ono što Centar „Korake nade“ razlikuje malo drugih udruženja koji se bave humanitarnim poslom. Planirano je 24.000 Konvertibilnih maraka, što je naravno za početak ok, al mislim da bi se u budžetu za narednu godinu ukoliko se pronađe mogućnost da se ova sredstva podignu na 50.000 Konvertibilnih maraka. Zbog čega? Da bi ovaj Centar egzistirao, neophodno je 400.000 Konvertibilnih maraka na nivou godine, jer pazite, veliki je broj korisnika usluga stotinu osamdeset sedam, a trideset petero djece se ide u patronažu. Dakle, kod trideset petero djece stručni saradnici obilaze i rade se tretmani po kućama. Kada je riječ o najvećem broju korisnika usuga Centar „Koraka nade“, najveći broj korisnika je upravo iz Tuzle. Iz Gradačca je malo veći broj, al ima jedan dio tamo koji radi u Gradačcu, dakle, neovisno od Tuzle i zato ima veći broj korisnika usluga. Dakle, podržavam ovo i izuzetno mi je drago što je Grad Tuzla, što je Služba prepoznala značaj „Koraka nade“ i volio bi da to iznos ukoliko postoji ikakva mogućnost bude 50.000 Konvertibilnih maraka (NATAŠA PERIĆ – Imate još minutu samo). Vidim, vidim.

Još petnaest sekundi, pa ću se uključiti ukoliko bude potreba.

Grant za poticaj poljoprivrede planirano je 110.000 Konvertibilnih maraka. Vi ako se sjećate da smo mi na prošloj sjednici ili prethodnoj sjednici kada se raspravljalo o nekim stvarima donijeli zaključak da se ovaj grant za poticaj poljoprivrede poveća sa iznosa od 110.000, a vidim ovdje da u Nacrtu nije to planirano, pa možda više da Služba obrati pažnju na zaključke koje donese Vijeće, jer ja smatram da ono Vijeće što izgleda i donese, da je to obavezno po Službu, pa vjerujem da će to u konačnici prijedloga budžeta da bude.

Pošto sam pričao 10 minuta i 20 sekundi, ja ću se uključiti još jednom. Hvala ljepo.

NATAŠA PERIĆ

U redu. Hvala. Sljedeći za riječ se javio vijećnik Nedžad Jusić. Izvolite. Ispred Kluba nacionalnih manjina. Izvolite.

NEDŽAD JUSIĆ – nezavisni vijećnik iz reda nacionalnih manjina

Hvala predsjedavajuća. Poštovana predsjedavajuća, zamjenici i zamjenice predsjedavajuće, koelge vijećnici i vijećnice, poštovani sekretaru, gradonačelnice, predstavnici gradskih službi i drugi, želim sve da vas pozdravim i nadam se današnja sjednica, kao i svaka koja bi trebala da bude, u smislu da građani i građanke grada Tuzle imaju određene benefite. A danas na Dnevnom redu, kao evo što vidite imamo između ostalog, pa ja bi ekao i najvažnije dokumente, odnosno dokumenat, a to je Nacrt budžeta Grada Tuzle (NATAŠA PERIĆ – Molim vas malo tišine. Pozivam vijećnike. Izvinite Nedžade molim vas, pošto stvarno nema dovoljno vijećnika. Ipak raspravljamo o budžetu i mislim da bi trebali svi da prisustvujemo). Jel može? (NATAŠA PERIĆ – Izvolite. Možete. Izvinite). E hvala. Znači, jer raspravljamo o jednom od najvažnijih dokumenata. A to je budžet Grada Tuzle, odnosno Nacrt budžeta Grada Tuzle za period 01.01. do 31.12.2024. godine, jer sa ovim dokumentom planiramo aktivnosti, odnosno budžet za narednu godinu i da vidimo koje ćemo aktivnosti raditi. Normalno, ukoliko imamo finansijska sredstva i predviđena finansijska sredstva. Tako ćemo i raditi određene aktivnosti. Ukoliko ne bude, normalno postoji mogućnost za određeni rebalans u toku godine, ali ipak smatram da ovaj dokument treba da sadrži sve potrebe odnosno realne potrebe koje se mogu realizovati za 2024. godinu.

Prije samog mog izlaganja vezano za Nacrt budžeta Grada Tuzle, želim još jednom da podsjetim da je dobro, ponovo i mi svi, kao vijećnici da se uključimo onoliko koliko možemo,

da se poveća ovaj budžet. Mi možemo ovdje sada govoriti svi želje koje su naše i šta bi trebali raditi za u 2024. godini, al evo ja želim još jednom da podsjetim ja sam na jednoj od prethodnih sjednica pokrenuo inicijativu da zajednički sa Gradom Tuzla apliciramo sa određenim projektima višim nivoima vlasti. Ta inicijativa prihvaćena i evo ja očekujem do kraja godine da će se potpisati jedan ugovor sa Ministarstvom za ljudska prava i izbjeglicu u visini nekih od oko 85.000 maraka i što će se povećati ovaj budžet za ta finansijska sredstva, a za rekonstrukciju i sanaciju dijela puta u Mjesnoj zajednici Kreka, odnosno, naselju Krojčica, prva ulica, odnosno, sokak do Kartonaže.

Nadalje želim napomenut ovo, kolegica Selma je govorila vezano za Javnu ustanovu „Naše dijete“ i dobro je da imamo Ustanovu koju između ostalog i mi evo, moram bit iskren, da i ranije nešto nisam obraćao pažnju koji mi kao grad sufinansiramo boravak naše djece u pomenutoj Ustanovi, a to je bilo u prethodnom periodu negdje oko dva mili...ne negdje, nego tačno 2.175.000. Sada je predviđeno za 2024. godinu 2.385.000 plus 179.000 za kapitalne izdatke. To je dobro. Između ostalog, mi smo takođe na jednoj od prethodnih sjednica dali saglasnost za povećanje cijena usluga, odnosno za sufinansiranje djece, odnosno roditelji koji plaćaju, ovaj, boravak svoje djece i tako da sada jedno dijete, odnosno za jednog djeteta plaća se otprilike roditelji nekih 200 maraka. I kada sam sračuno ovo sve, u stvari koliko košta boravak jednog djeteta u našem vrtiću, to je negdje oko 350 maraka. U privatnom vrtiću to je nekih 250 do 300 maraka, što znači da najskuplji boravak našeg djeteta u vrtiću je u Javnoj ustanovi „Naše dijete“. I što je dobro. Možda ima najkvalitetniju uslugu i primaju, ali ipak s druge strane imam informacije da to i baš i nije tako, al sad ne bi ulazio o tome i možd treba se još jednom razmisliti vezano stvarno dal treba povećati, ovaj, ova finansijska sredstva pomenutoj ustanovi, jer ja sam postavio jedno vijećničko pitanje na prethodnoj sjednici i zašto se troše dodatna finansijska sredstva koja su se dobijala od djece, koja su se dobijala za boravak djece, koja smo mi dali saglasnost. Između ostalog, nisam dobio konkretan odgovor, nego to je negdje bilo između redova da su oni povećali svoje plate, odnosno za usluge. I OK. To i treba tako. Ali s druge strane, povećali su plate, a smanjili usluge. Na web stranici su postavili da pružaju usluge za djecu do drugog razreda osnovne škole, a od pojedinih osoba sam dobio informacije da su im bili teško, mrsko, da djecu vode iz vrtića do škole, tako d su ukinuli za djecu drugih razreda. Smanjili su usluge i sad ne znam zbog čega se u stvari povećaju finansijska sredstva za pomenutu Ustanovu.

Da se još jednom razmisli dal su stvarno potrebna ta sredstva da se dodijeli pomenutoj Ustanovi. Evo kolegica Selma je tačno i govorila vezano i na njezino vijećničko pitanje. Ja sam pročitao ovaj odgovor, da na žalost nemamo djece koja su socijalno ugrožena u vrtićima, ovaj, našim javnim. I to je stvarno za poražavajuće, ovaj, na kraj krajeva i normalno je da su nam ta djeca poslije toga isključena iz svih dešavanja u društvu.

Nadalje, želim da se osvrnem na Službu za kulturu, sport, mlade i socijalnu zaštitu i hvala gradonačelniku i šefici službe, odnosno pomoćnici gradonačelnika, gospođi Asji, vezano što u kontinuitetu na kraj krajeva podržavaju socijalne programe, između ostalog, transfer za ostvarivanje zdravstvenog osiguranja za lica u stanju socijalne potrebe i na kraj krajeva treba se vidjet u tom pravcu kako ići za naredni period, ovaj, kako da se ta lica osiguraju i da nastave koristiti zdravstvenu zaštitu.

U potpunosti podržavam ovaj novi budžetski kod. To je transfer za rad nervnog centra za djecu sa višestrukim smetnjama „Koraci nade“ i dobro je na kraj krajeva da imamo udruženja nova koja će biti finansirana iz budžeta. Evo imamo nagovjesti i za druga udruženja. I to je dobro. I trebamo podržati dva udruženja koja rade, koja imaju na kraj krajeva rezultate.

S tim u vezi takođe, evo ne vidim u stvari razlog, al nema veze, neću tražiti povećanja u ovom budžetskom kodu, grant za realizaciju akcionog plana za Rome. Imali smo pedeset hiljada. U Nacrtu je četrdeset. I OK. Može bit onih četrdeset i trideset na kraj krajeva, jer sve manje i manje su socijalne problemi odnosno aktivnosti koje prate Rome u gradu Tuzla, jer

imaju probleme ko i svi drugi. Međutim, ja evo niz godina pokušavam, pokušavam da radim na tome na očuvanju kulturnog identiteta Roma u gradu Tuzla. Evo brzo ću ja (NATAŠA PERIĆ – Ne, ne, imate vi još tri minute). OK. Važi. Očuvanju kulturnog identiteta Roma u gradu Tuzla i evo već u skladu sa tim je i registrovano ja mislim prije dvije godine Udruženje Kulturni centar Roma koji obilježava i radi na očuvanju kulturnog identiteta između ostalog, evo zajedničkim naporima smo i uspjeli da se uvede u nastavni plan i program romski jezik sa elementima nacionalne kulture, obilježavanje značajnih datuma Roma. Al je stvarno žalosno što Romi u Tuzli ne mogu još da se u potpunosti posvete očuvanju kulturnog identiteta. Žalosno je što mi još nemamo ni kulturno umjetničko društvo, niti bilo šta drugo, što može, ovaj, se prepoznati u Tuzli. Mi smo pokušavali u više navrata da se ovo udruženja takođe finansira iz, u budžetu Grada Tuzle i ja ovom prilikom takođe ću predlažem da se još jednom razmotri mogućnost da Udruženje Kulturni centar Roma se uvrsti u budžetsko finansiranje sa iznosom od 40.000 maraka, jer u ranijem periodu je to potrebe su bile nekih do 100.000, al ovo Udruženje obezbjeđuje pedeset do šezdeset hiljada maraka na godišnjem nivou da bi imali u potpunosti rad pomenutog Udruženja.

Evo i ovo prilikom koristim, koristim, pozvani ste svi 3. novembra, gdje Kulturni centar Roma obilježava svjestki dan romskog jezika, gdje će po prvi put, evo u Tuzli ugostiti, ugostit ćemo četiri doktora nauka romske nacionalne manjine, koji će nam govoriti o značaju i očuvanje romskog jezika. A ponovo kažem zahvaljujući svima nama, između ostalog i Gradu Tuzla i drugim donatorima, ta manifestacija će se održati.

I za kraj, još jednom, da podcrtam i zvanično će na kraj krajeva služba i gradonačelnik dobiti od pomenutog Udruženja prijedlog, zahtjev da se uvrste u budžet, jer zaslužuju. Ova sva druga udruženja se bave socijalnim pitanjima Roma. Ovo je isključivo Udruženja, specifično Udruženje koje se bavi isključivo očuvanjem kulturnog identiteta Roma u gradu Tuzla i to Udruženje zaslužuje da ima konstantnu pomoć od Grada Tuzle. Hvala.

NATAŠA PERIĆ

Hvala Nedžade. Da li se još neko javlja ispred klubova vijećnika prvi put? U redu. Drugo javljanje. Vijećnik Senad Mehmedinović. Izvolite.

SENAD MEHMEDINOVIĆ

Eh završavam brzo. Takođe kad je u pitanju nacrt budžeta hoćemol akobogda u narednoj godini završit onu kupovinu prostora za Mjesnu zajednicu Sjenjak na Sjenjaku? Ja mislim kako smo mi svi u ovom sazivu Vijeća, evo već je četvrta godina, da mi govorimo o kupovini tog prostora za Mjesnu zajednicu Sjenjak i ja ne znam šta se dešavalo u tom periodu. Bilo je planirano jel tako 200.000 konvertibilnih maraka zbog povećanja cijena i evo ne kupovinom tog prostora došli smo da je sad taj iznos 400.000 i volio bi stvarno bar da se u narednoj godini zaokruži ta priča. Podržavam ovo i izuzetno mi je drago što vidim da je nacrtom planirano povećanje sredstava na stavci tekuće održavanje trotoara i arhitektonskih barijera, al mislim da bi bilo dobro da podvučemo...Dešava se nekako da...Imam osjećaj da nedostaje na-dzor nad radovima kada su u pitanju ove stvari i naprimjer kad imamo negdje gdje su uklonjene arhitektonske barijere, (NATAŠA PERIĆ – Molim vas malo pažnje.) kada su uklonjene arhitektonske barijere kad dođe do sanacije onda se i pokriju na način da više nije uklonjena arhitektonska barijera i imam osjećaj da nema, da nema nadzora nad ovim radovima. Bilo bi dobro da to u budućnosti bude.

Takođe vidimo da je planirano povećanje, što mi je takođe drago, subvencija-sanacija zajedničkih dijelova zgrada i mi kad smo imali sjednicu u Narodnom pozorištu ja sam rekao da me je samo strah vezano za ovu stavku i za arhitektonske barijere u zajedničkim dijelovima

zgrada da li će bit dovoljno aplikanata i povećanjem ovih sredstava i uvidom u prošlu i pretprošlu godinu može se vidit da imamo sve veći broj aplikanata koji traže da se ove stvari saniraju, tako da mi je izuzetno drago i evo vidimo da je tu planirano povećanje 150.000 konvertibilnih maraka.

Kada su u pitanju zvučni semafori i taktilne staze naravno da to podržavam i evo želim da naglasim da je možda prije par godina bio održan sastanak u Gradskoj upravi gdje su došli kolege sa našeg fakulteta koji treba da bude partner po pitanju ovih stvari i gdje je prezentovan projekat kompletan kako bi to na nivou grada trebalo da izgleda po pita-nju zvučnih semafora i taktilnih staza. Dakle, govorim ovde o kolegama koji dolaze sa uže naučne oblasti tifologija, odnosno koji se bave sa osobama koji imaju problema sa oštećenjem vida i slijepim osobama.

I na kraju kada su u pitanju igrališta. Da li postoji neka mogućnost da, ne znam kako, da vidimo u budućnosti naprimjer građani koji imaju pse, znači, nije baš rijetko da vidimo da psi budu tamo u parkovima i ostaju pod navodnicima nagazne mine tamo i onda imamo problem da mlađa djeca se igraju po tim parkovima i onda diraju te fekalije rukama, što naravno može da bude problem za, za djecu. Naravno da podržavam da ljudi imaju pse i treba, al već kad se imaju nekako vodit računa da, onaj, te fekalije ni-su po zelenim površinama, a naročito da nisu po zelenim površinama tamo gdje se igraju djeca. Hvala.

NATAŠA PERIĆ

Hvala Senade. Zaključujem raspravu klubova vijećnika.

Jel se Selma javila? (SELMA ĆATIBUŠIĆ – Ja. Ja.) Aha. Izvolite. Izvinite.

SELMA ĆATIBUŠIĆ

Ovo ću zaista kratko u drugom javljanju. Voljela bih da podcrtam napominjem opet dvije stvari o kojima sam govorila i o kojim govorim evo četiri godine.

Zaista bih ovim putem evo zamolila i Gradsko vijeće i gradonačelnika i nadležne službe da zaista prepoznaju bitnost inicijative koja se odnosi na djecu za predškolskog uzrasta što je kolega Nedžad spomeno. Morate biti svjesni da djeca korisnici socijalnih primanja, djeca koja su žrtve nasilja da li direktno ili indirektno, djeca koja su u slučajevima naprimjer femicida izgubili majku mora...i ujedno su izgubili i oca zato što otac je najčešće ili bude zatvoren ili presudi nakon toga sebi. Ta djeca su cijeli svoj život naredni na neki način nažalost obilježena. Dovoljno su istraumizirana. Neophodno je da se uključe u socijalizaciju a prvi stepen socijalizacije upravo su predškolske ustanove. Isto tako se radi o djeci roditelja koji su invalidi. Isto tako djeci redovnih studenata čiji roditelji su zaista zauzeti i je li odlaskom na fakultete i brigom za, za njih.

Djeca socijalnih primanja uvijek su tokom cijelog svog života, odnosno djetinjstva je li marginalizirana i ponavljam trenutno ih nema u Javnoj ustanovi „Naše dijete“, a isto tako ne postoji mogućnost naravno da budu u privatnim ustanovama jer nemaju zato sredstava. Prvi stepen njihove socijalizacije su vrtići. Zaista bih voljela da Grad Tuzla prepozna tu potrebu, da se pokaže kao, kao jedna zajednica koja zaista brine o prvenstveno naj, naj-vi-še pogođenom kategoriji društva a to su naša djeca. Ja kao mlada osoba koja nemam svoje djece sam prepoznala ovu potrebu zato što radim sa djecom, tako da bih voljela zaista da ovaj put nadležne službe na čelu sa gradonačelnikom prepoznaju evo prvenstveno ove kategorije, a pošto svako dijete je jednako i svako dijete ima pravo na vrtić da su u budućnosti ova subvencioniranja šire.

Kada sam govorila više puta o Javnoj ustanovi „Naše dijete“ imam osjećaj da sam kod direktorice ili kod menadžmenta znala da, hajde da tako kažem lajički rečeno naletim na neko nerazumijevanje kao da ja neku ustanovu napadam. Ne. Sve naše javne ustanove, sva naša javna preduzeća su nešto što mi branimo, što mi cijenimo. Ali isto tako ukoliko neke stvari se

mogu poboljšati tu smo da mi kao izabrani vijećnici i vijećnice na to sugerišemo. Neće doći do, ne znam zatvaranja određenog vrtića koji je pod nadzorom Javne ustanove „Naše dijete“ ako mi subvencioniramo i boravak djece u privatnim vrtićima. I dobro je kolega Nedžad primjetio. (NATAŠA PERIĆ – Molim vas malo tišine.) Svi govorimo kako su privatni vrtići preskupi, kako su nedokučivi i kako tu idu samo pod navodnicima djeca jako imućnih roditelja. Ne. U 80% slučajeva u privatne vrtiće, za privatne vrtiće se odlučuju roditelji koji ne mogu doći na red za javni vrtić ili su na listi čekanja i sl. Niko ne želi naravno da plaća nešto što je, što je skuplje. Ali u ovom slučaju moramo biti svjesni da privatni vrtići ni-su skuplji samo što Grad Tuzla sufinansira jednim dijelom je li, većim dijelom boravak djece u javnim vrtićima.

I druga stvar koju bi stvar-no konačno željela da podrčtam upravo je bila dosadna, ne bila, to je potreba studenata za tom čitaonicom. Ne mogu da svatim da se ne može po ugovoru o djelu ne znam zaposliti jedan čovjek koji će ako ništa biti čuvar tokom noći u evo našoj Univerzitetskoj biblioteci, al da će jedan student u svakom periodu dana il noći moć doći da sprema svoje ispite. I onda se mi nazivamo univerzitetkim gradom. A isto tako da ne možemo napraviti jedan prostor. Ako ništa tu može možda surađivat centar za kulturu za, za neki prostor koji može biti korišten na pravi način. Javila se potreba. Ljudi mi sugerišu o tome. O tome sam govorila u svojoj ponavljam izbornoj kampanji, tako da bih voljela zaista da konačno i Grad Tuzla prepozna ove potrebe. Hvala.

NATAŠA PERIĆ

Hvala. Vijećnik Jusić. Izvolite. Drugi krug.

NEDŽAD JUSIĆ

Hvala. Ja ću samo nakratko zbog javnosti i zbog drugih zbog čega nisam spomenuo Budžetsku liniju grant za druge nacionalne manjine jel smo se dogovorili da ćemo održat zajednički sastanak. Pozvat ćemo ih na Komisiju za zaštitu prava nacionalnih manjina i tada ću sa drugim Udruženjima nacionalnih manjina zajedno vidjeti dal su ova sredstva dovoljna il se treba tražiti dodatna sredstva. Zbog toga nisam u prvom krugu, ovaj, ni komentarisao pomenutu liniju. Hvala.

NATAŠA PERIĆ

Hvala. Zaključujem raspravu klubova vijećnika.

Samo malo. Samo da napomenem. Ne znam da li je gradonačelnik bio. Vidim da nešto zapisuje vezano za diskusije koje su nastale za Nacrt Budžeta. Dakle, sve ćete dobit putem stenograma, a na pitanja ćete samo odgovorit ova vezano ev ko je postavio pitanja, a na prijedloge danas nećete davati nikakve odgovore. Et samo u tom smislu da znate.

Dobit ćete stenogram. Pa vidim da nešto zapisujete. Jel ovo je dio javne rasprave pa samo iz tog razloga. Znači, ovo što je Senad i ne znam još neko postavio možete odgovoriti kratko, ovo ostalo ćete Vi naknadno. Ne morate sad. Evo dok...Izvinite što ste ustali. Ovaj, kad završimo evo vijećnič...

Prva za riječ se javila vijećnica Merima Softić Sprečić. Neka se pripremi vijećnik Alen Kapidžić. Podsjećam vijećnike da diskusija vijećnika traje 5 minuta, naravno uz drugi krug još jedan. Izvolite Merima.

MERIMA SOFTIĆ SPREČIĆ – vijećnik Socijaldemokratske partije

Pozdravljam sve prisutne. Evo obzirom da se radi zaista o jednom dokumentu koji je po svom obimu ovaj zaista širokog spektra. Radi se o različitim sferama u koje ulažemo, koje zavise i utiču na poboljšanje života sredine u kojoj živimo. Ja...Dosta toga su rekli vijećnici, predstavnici klubova ispred svojih opcija i mislim da ću se ja evo bazirati samo na ono što sam u suštini, zašto sam već posljednje dvije-tri godine imala inicijativu, a to je evo hram sporta i možda još par, par stavki koje se tiču inicijativa.

Drago mi je što je gradonačelnik u svojoj diskusiji spomenuo ovaj, na neki način povećanje sredstava Mejdanu koja bi mogla da koriste ovaj, u svrhu oplemenjivanja ovakve jedne sportske sobe čiju inicijativu sam evo u posljednje dvije godine zaista pokušala u što više navrata da predstavim i u diskusijama o Izvještaju o radu i poslovanju samog Mejdana ali i na inicijativama i na Komisijama za mlade i sport i naišlo je naravno na odobravanje vijećnika i menadžmenta preduzeća i od gradonačelnika.

Takođe se zahvaljujem Senadu što je u svojoj raspravi ovde spomenuo da direktori preduzeća trebaju sami da budu menadžeri i da pokušavaju za jedne dobre projekte koji su sa analizom evo društva pokazali da su dobre ideje trebaju se znači uključiti za nabavku određenih sredstava. Ja se zaista izvinjavam ali me...(NATAŠA PERIĆ – Molim vas malo. Izvinite evo ja sam sad htjela da, zamolit...) Dekoncentrišu me diskusije iza leđa. (NATAŠA PERIĆ – Molim vas samo malo tišine. Molim vas.) Ovaj, voljela bih zaista kada bi takvi jedni projekti bili podržani od strane određenih fondova. Naime, u cilju nam i jeste da napravimo nešto što je ovaj, reprezentativno i ako svi oni koji na bilo kakav način mogu da učestvuju kako bi svojim finansijama omogućila da takav jedan projekat zaživi dobro bi došlo, tako da Senade hvala ti takođe što si uzeo koju rečenicu da opišeš na koji način trebaju se menadžme...direktori kao menadžeri uključiti u realizaciju ove ideje.

Ono što je meni zasmatalo je da je menadžment olako prihvatio ideju a samim tim i svoje uključenje za realizaciju iste.

Znači, često se diskusije o izvještaju o radu i poslovanju preduzeća svedu na obavezujuće, na ne obavezujuće zaključke i ja sada obzirom da je Budžet u pitanju ovaj, i da se radi o važnom dokumentu imam obećanje gradonačelnika takođe za govornicom da će podržati ovakav jedan projekat, ali isto tako znači, rečenicu da sam menadžment ni-je predao nikakav projekat, nešto našto bi se naravno ovaj, budžetska sredstva gradska mogla osloniti i ja nisam imala takvu informaciju posljednje dvije godine. Imali smo ovdje i predstavnika menadžmenta. Imali smo ga i na Komisiji za mlade i sport. Meni je prezentovano da oni imaju projekat i da imaju ovaj, određeni, određeni budžet sa kojim bi ovaj, koji bi mogli predstaviti.

Zato ja sada želim da u suštini ovo bude obavezujući zaključak da planirana sredstva kapitalnim grantom budu namjenska za realizaciju projekta hrama sporta u narednoj 2024. godini. To je što se tiče ove ideje.

Što...Ja bi voljela, jer sam vidjela da udruženju „Nirina“ znači, za azil pasa su smanjena ovaj, određena sredstva. U nekom informativnom razgovoru saznala sam u suštini da su smanjena radi smanjenog broja pasa. Međutim, takođe imamo informaciju da je njima inspekcija naložila da oni smanje broj pasa i ja zaista prepostavljam da i evo zbog Budžeta kojima raspoložemo moramo voditi raču...računa na kojim ovaj, pozicijama se određena sredstva trebaju smanjiti, na kojima povećati, ali evo da se razmotri mogućnost do prijedloga Budžeta, možda i u razgovoru sa njima da vidimo na koji način da im olakšamo rad, jer ne bih voljela da ponovo imamo određeni ovaj, problem što se tiče pasa lualica na, na cesti i ako je to razlog možda ovih, ne znam koliko, koliko su smanjena budžetska sredstva možda da se nešto do samog prijedloga Budžeta dogovori i sa samom ovaj, udruženjem. (NATAŠA PERIĆ – Imate minutu još samo.) Dobro.

I još samo jedno pitanje evo ako je, ako je isteklo moje vrijeme ovaj, za diskusiju? (NATAŠA PERIĆ – Minuta ima.)

Što se tiče ovog koda - Izgradnja puteva i mostova, izgradnja semaforne signalizacije i ovih sredstava obzirom da su malo umanjena na ovoj stavci ovaj, volila bih samo odgovor Službe da li su planirana obzirom da je prošle godine u Budžetu su planirana sredstva za projektnu dokumentaciju izgradnju i pješačkog mosta u Slavinovićima da li je u ovoj?

Sa ove Budžetske stavke su planirana sada sredstva za iz-grad-nju pješačkog mosta ovaj, u Slavinovićima u blizini škole. Eto toliko.

NATAŠA PERIĆ

Hvala Merima. (OMER BERBIĆ – Poslovnička.) Izvolite.

OMER BERBIĆ – vijećnik Naše stranke

Pa sam...Pošto je sad u diskusiji Merima kolegica spomenula obavezujući zaključak u odnosu na ne obavezujući. Zanima me samo da mi neko protumači jel imamo mi tu mogućnost da idemo u tom pravcu? Nije ništa, nije ništa...(NATAŠA PERIĆ – Nemamo. Ne postoji.) Nije ništa negativno prema diskusiji. (NATAŠA PERIĆ – Pa ne ona...) Nego zanima me jel imal razlika neka? (NATAŠA PERIĆ – Pa dobro ona je...) (SLAĐANA KRAJINA – Svi prijedlozi čiju, kao dio javne rasprave je u stenogramu i dostavljen je predlagачu i obrađivaču materijala da se izjasne znači, nema tu nikakve razlike. (NATAŠA PERIĆ – U redu.) (SLAĐANA KRAJINA – Svi prijedlozi, primjedbe i sugestije, naravno koji se odnose na predlagачa i obrađivača, a oni koji se odnose na druge institucije (NATAŠA PERIĆ – Će bit prosljeđene.) (SLAĐANA KRAJINA - Javna preduzeća i ustanove će biti prosljeđeni od strane obrađivača, a nakon analiziranja rasprave.

NATAŠA PERIĆ

Sljedeći za riječ...Hvala Merima. Sljedeći za riječ se javio vijećnik Alen Kapidžić. Neka se pripremi vijećnik Bijedić. Izvolite.

ALEN KAPIDŽIĆ – vijećnik Socijaldemokratske partije

Hvala predsjedavajuća. Pozdravljam sve prisutne s obzirom da se prvi puta javljam. Ja imam ovdje nekoliko prijedloga. Znači, prvi prijedlog: Da se povećaju sredstva na Grantu za aktivnu politiku zapošljavanja za sa pedeset na 70.000 konvertibilnih maraka.

Druga stvar i pitanje: Ujedno pitanje. Zašto je na izdacima za tekuće održavanje urbanog mobilijara smanjeno, smanjen izdatak za ovu godinu sa 470.000, oko 470.000 na dvjestopedeset?

Drugo pitanje: Izgradnja i rekonstrukcija puteva.

U prošlom Budžetu znači, procjena ostvarenja ukupnih rashoda Budžeta za 2023. godinu je oko 4 miliona i 800 hiljada. Sad u Nacrtu za 2024. godinu predviđeno milion i po. Definitivno znači, svako od nas svaku sjednicu, svaku sjednicu ima najmanje po dvije inicijative za ovaj, rekonstrukciju i sanaciju ulice i mislim da je ovo previše umanjeno, a evo ako ima neki razlog volio bi da mi, da mi se objasni?

Sljedeće, sljedeće što želim da kažem: Izdaci za tekuće održavanje prostorija mjesnih zajednica.

Mi smo nekad čini mi se prije dvije godine imali inicijativu i tražili u prijedlogu Budžeta na Nacrt tad, tad Budžeta da se povećaju ova sredstva i čini mi se da smo tad povećali za

60.000. Onaj ko radi na terenu zna da ljudi u mjesnim zajednicama što se tiče ovog održavanja mjesnih zajednica imaju puno problema i da smo tad se izborili da se ta sredstva, a ona su bila daleko veća u prethodnim budžetima, iz nekog razloga su nekad smanjena i ostalo je to na otprilike nekih dvjestohiljada. Prije dvije godine otprilike čini mi se dvije-tri godine smo rekli da to se povećava za 60.000. Nije...I ovo što je bilo 260.000 nije, nije dovoljno al evo ja ako, ako može predlažem da se ovo, ovaj, ova stavka ne smanjuje za, za ovih 60.000 nego da se ostavi kako je bilo na, u prethodnom Budžetu.

E sad što se tiče ove Javne ustanove „Naše dijete“. Meni ovdje neke stvari stvarno nisu jasne. Znači, mi smo na nekoj od prethodnih sjednica i evo sad problematiziramo povećanje sredstava koja se dodjeljuju javnoj ustanovi, ovaj, a na prethodnoj sjednici smo usvojili ili na nekoj od prethodnih sjednica smo usvojili Odluku o povećanju cijena usluga i čini mi se da je to bilo jednoglasno. Evo dobro. (NATAŠA PERIĆ – Nemojte dobacivat.) Ja sam rekao čini mi se, (NATAŠA PERIĆ – Nemojte.) znači, moguće da je neko bio suzdržan il protiv nije ni bitno.

Ali evo ovdje je sad recimo, ovo što kolega Jusić potencira, zadnje tri sjednice da mu nešto nije baš što se tiče te odluke i, i stalno nešto što se tiče odluke u vezi Javne ustanove „Naše dijete“ problematizira rad, a na sav glas je branio odluku o poskupljenju cijena usluga. I tad u toj odluci jasno je pisalo, ko je čitao odluku, jasno je pisalo da se cijena usluga ne povećava, u stvari povećava se samo iz razlo-ga da bi nivo dostignutih usluga bio na istom nivou, a razlog povećanja cijena je povećanje cijena namirnica.

I u prethodnim godinama smo puno puta razgovarali o ovoj javnoj ustanovi i subvencioniranju onaj, boravka djece u, u školama. Ne možemo problematizirat pitanje koliko, dal mi trebamo da dajemo pare javnoj ustanovi jer evo sad ću uzet Zakon o predškolskom odgoju i obrazovanju i član 77. kaže:

Osnivač predškolske ustanove osigurava sredstva potrebna za osnivanje, rad i provođenje programa predškolskog odgoja i obrazovanja u skladu sa standardima i normativima. Tad nekad kad je bio, kad je bila inicijativa ili više inicijativa od strane više vijećnika ili vijećnica bila je inicijativa da se subvencionira, subvencionira boravak djece u privatnim predškolskim ustanovama i tad smo rekli da tad takođe u zakonu, mada ja nisam protiv toga al na kraju ću dati jedan zaključak, jer u zakonu piše da u...Isti član, stav 3. Izuzetno ukoliko na području grada ili opštine sa područja kantona nije osnovana i nije započela sa radom javna predškolska ustanova obavezni program predškolskog odgoja i obrazovanja grad ili opština može sufinansirati i realizovati u privatnim predškolskim ustanovama. Ja nisam protiv toga, ali u članu 81. treba vodit...Ako ćemo izradit neki prijedlog, a ovom prilikom tražim da izglasamo zaključak: Da nam nadležna služba na nekoj od narednih Vijeća predloži način subvencioniranja jel, a vodeći se kriterijima iz člana 81. gdje piše da iz sredstava Budžeta i kantona u skladu sa zakonom sufinansira se dio troškova predškolskog odgoja i obrazovanja za djecu bez roditeljskog staranja, djecu s posebnim potrebama, djecu invalida, djecu civilnih žrtava rata, djecu nezaposlenih roditelja, djecu samohranih roditelja, djecu korisnika socijalnih primanja i djecu redovnih studenata. (NATAŠA PERIĆ – Alene isteklo vam je vrijeme.) Sve ove kategorije da se uzmu u obzir. Molim? (NATAŠA PERIĆ – Isteklo vam je vrijeme.) Okej. (NATAŠA PERIĆ – A možete se javit drugi put.) Dobro. Dobro. Hvala.

NATAŠA PERIĆ

A evo ja se izvinjavam. Vijećnik Elvir Bijedić. Neka se pripremi Zoran Jovanović.

ELVIR BIJEDIĆ – vijećnik Socijaldemokratske partije

Zahvaljujem predsjedavajuća. Pozdravljam sve prisutne s obzirom da se prvi put javljam. Dakle, zaista ću se truditi da, da budem što je moguće kraći obzirom da je dosta toga već rečeno i u raspravi ovaj, klubova vijećnika i samih vijećnika.

Ono što je bitno naglasiti jeste, a nismo se baš puno toga dotakli o onom o čemu je govorila onaj, šefica Službe za budžet i finansije gospođa Suada Isaković i gradonačelnik nakon nje, a to je dakle, ta prihodovna strana koja je značajno manja. Dakle, evo ja sam pokušao da procentualno izračunam ne znam, pogriješit ću možda, ali čini mi se za onoliko koliko smo možda planirali nekad prošle godine, a evo dobili smo informaciju dakle, da jučerašnja informacija ili jutrošnja kako je gradonačelnik ovaj, rekao da je to manje projekcija znači, od, od prihoda raspodjele sredstava PDV-a otprilike nekih 2 miliona maraka i stalno se ovih zadnjih godina kroz naše rasprave vrtila cifra od nekih pet i po miliona maraka ostvarenih radom termoelektrane. Imali smo, evo imamo informaciju da je to sad negdje oko 3 miliona. Znači, praktičnim, praktički mi smo tu negdje znači, za nekih pet i po miliona manje budžeta nego što smo to možda mogli da predvidimo u nekom prethodnom periodu. Dakle, mislim da ovo zaslužuje posebnu raspravu možda i u nekom od narednih sjednica čak i sa tematskim dijelom na ko...kako i na koji način ovaj, da se, da čuje glas ovog Gradskog vijeća kad su u pitanju raspodjele javnih prihoda, jel u kontinuitetu imamo dakle, takvu jednu usudujem se reći lošu politiku koja neminovno vodi ka gušenju lokalnih zajednica jer uopšte ne znam kako i na koji način lokalne zajednice mogu da usmjere svoje pravce djelovanja i sve ono što su naše ingerencije na ovako nepravednu ovaj, preraspodjelu javnih prihoda.

Nadalje, dakle, kolegica, odnosno gospođa Suada Isaković šefica Službe za budžet i finansije kao i sam gradonačelnik dali su nam detaljno obrazloženje rashoda budžeta. Smatram to izuzetno ovaj, jednim domaćinskim i izuzetno prihvatljivom raspodjelom. Ono što me posebno raduje jeste dakle, prioritarno rješavanje puteva u kojima građani vlastitim sredstvima učestvuju znači, sa nekih 20% u izgradnji tih puteva i da će to zaista u perspektivi bit prioritet i da ćemo te stvari prioritarno raditi.

Također bilo je riječi o Domu zdravlja. Ja želim istaknuti zaista potrebu podrške, nastavka podrške Javno zdravstvene nastavne ustanove Dom zdravlja Tuzla u smislu dakle, ono zašto i jesmo nadležni u smislu opreme i prostora dakle, i želim da se naslonim na ovu prethodnu diskusiju mislim kolegice Selme Čatibušić dakle, da je zaista bitno, možda i prevažno i obzirom da dolazim iz te branše da se i te kako obrati pažnja na završavanje opreme Poliklinike za fizikalnu medicinu i rehabilitaciju kao i svih ostalih tamo gdje menadžment smatra i gdje već postoje indicije da se treba ovaj, rekonstruisati prostor ili, ili završiti oprema.

Izuzetno sam ponosan na ovo Gradsko vijeće koje je u prošlom mandatu uvrstilo u budžet stavku za Udruženje građana Vive žene i Sigurnu kuću i pokazalo se danas koliko nam je to bitno. Dakle, to je bila inicijativa naše vijećnice gospođe Rejhane Dervišević. I evo ponosan sam dakle, i da je to danas dostiglo cifru od 60.000 ovaj, konvertibilnih maraka dakle, vidimo koliko je to bilo i kako je Grad Tuzla to prepoznao to još u prethodnom periodu a koliko danas je to izuzetno, izuzetno važno i svakako da treba i nastaviti i dalje davati podršku.

Bit ću rekao sam kratak i za kraj sam ostavio možda i najbitniju stavku zbog koje sam se i javio, to jeste Udruženje građana „Koraci nade“, Centar „Koraci nade“. I ja želim da se zahvalim svim vijećnicama i vijećnicima koji su podsjetili, odnosno odazvali se na poziv uposlenika i uposlenica Centra. Dakle, tamo rade i kolege fizioterapeuti dakle, koji da-leko sa svim ostalim uposlenicima rade posao koji nadmašuje izuzetno i predaleko nadmašuje sav ovaj profesionalni odnos u smislu dakle, zbog čega su tamo. Zbog finansija nisu, sigurno nisu zbog finansija. Dakle, to je jedna izuzetna empatija, jedan strašan rad sa djecom sa višestrukim smetnjama u razvoju i želim se zahvaliti i gradonačelniku i Gradskoj upravi i Službi za budžet

i finansije što su takođe ovaj, prepoznali ovaj, kao i Službi naravno gospođe Asje Redžić koja, koji su prepoznali potrebu podrške ovom Centru koraci „Koraci nade“

Dakle, ono što bi htio da naglasim i podržat ću dakle, i gospodina vijećnika Senada Mehmedinovića ukoliko je moguće dakle, da, kažem opet ukoliko je moguće, već sam rekao da je to vrlo teško to sad obzirom da imamo i vjerovatno umanjen budžet da im se poveća ta podrška na nekih 50.000 maraka kako je to pomenuo vijećnik Mehmedinović. Zaista radi fantastičan poso. Iz mog nekog ugla gledanja dakle, stepen razvitka jednog društva, pa tako i lokalne zajednice se mjeri po stepenu senzibiliteta odnosa prema ranjivim kategorijama stanovništva. Tuzla je uvijek bila grad broj jedan u Bosni i Hercegovini i siguran sam da će tako u perspektivi i ostati i puna podrška dakle, svim ovim i socijalnim i razvojnim projektima. Hvala.

NATAŠA PERIĆ

Hvala. Sljedeći za riječ se javio vijećnik Zoran Jovanović. Neka se pripremi vijećnik Omer Berbić.

ZORAN JOVANOVIĆ – samostalni vijećnik

Hvala predsjedavajuća. Pošto sam ja malo kasnije ja bi volio da mi objasnite koja je tačka dnevnog reda? (NATAŠA PERIĆ – Budžet.) Budžet. (NATAŠA PERIĆ – Da.) Ja imam osjećaj...(NATAŠA PERIĆ – Nacrt Budžeta i Rebalans.) imam osjećaj da su ovo vijećnička pitanja i inicijative. (NATAŠA PERIĆ – Pa ne morate ustajati.) Ja znam da je rasprava o Nacrtu Budžeta. (SLAĐANA KRAJINA – Sjedite.) Hoću da ustanem iz poštovanja prema svim kolegama i kolegicama i mislim da...Ovdje svi kažu nećemo bit dugi, a ja se osjećam ko zarobljenik. Moram slušat diskusije koje se po-navljaju. Sasvim je nepotrebno posle jedne Suade kojoj je ovo dvadeseti Nacrt Budžeta nisam pogriješio...(NATAŠA PERIĆ – Ja bi vas zamolila ipak da sjednete jel ne čujemo vas kad pričate. Ne može stenogram... Izvinite.) I posle gradonačelnika da mi diskutujemo. Ako ćemo populistički ja ću sad predložiti niz izmjena u ovom Budžetu. Pa imamo javnu raspravu, imamo amandmane. Evo već raspravljamo dva sata. Ja mislim da je to suvišno. (NATAŠA PERIĆ – Pa dobro, al ove sve...Izvinite.) Al ne možemo mi po Poslovniku oduzet nikom riječ, al nek se svako procjeni. Evo ako ćemo populistički ja ću sad predložiti da se iz Budžeta obezbijedi povećanje penzija penzionerima Grada Tuzle. Njih 35 hiljada za 50% šta ćemo onda? I ja izađem u medije i kažem, ja predložio neće da prihvati Vijeće. Mislim da, da nismo ovaj, korektni prema svima nama između sebe i ne želim više diskutovati. Ovo je Nacrt Budžeta. Imamo Odluku o provođenju javne rasprave. (NATAŠA PERIĆ – Dobro, al imaju vijećnici pravo da diskutuju.) Pa imaju pravo. Ne možemo im uzet, al hajmo se procijenit. (NATAŠA PERIĆ – Pa naravno, al sve njihove ovaj, diskusije su usmjerene ka tome da se određena sredstva ovaj...) Al to možemo amandatski sve u javnoj raspravi. (NATAŠA PERIĆ – Molim vas nemojte. Pa znam ali imaju pravo i u Nacrtu.) Pa dobro. (NATAŠA PERIĆ – Pa znam al suvišno je.) Pa mislim pretjerujemo. Hvala.

NATAŠA PERIĆ

Izvinite. Nemojte molim vas ovaj, nema...(ELVIR BIJEDIĆ – Ispravka krivog navoda. Ispravka krivog navoda.) A izvolite. Evo samo ispravka krivog navoda. (ELVIR BIJEDIĆ – Dakle...) Elvir Bijedić.

ELVIR BIJEDIĆ

Hvala predsjedavajuća. Dakle, moram ovdje, ovdje nisu nikakve...Ispravka je krivog navoda u smislu dakle, što ovdje nisu nikakve inicijative i nikakva vijećnička pitanja. Kolega Jovanoviću mi smo svi došli...Dakle, ja sam došao na vrijeme i nisam kasnio i jako dobro znam koja je tačka dnevnog reda i jako dobro znam šta pričam. Dakle, ovdje ništa ne iniciram, nego raspravljam i javna rasprava počinje da vas informišem, počinje upravo sad u trenutku kad imamo Nacrt i želim da kažem da tamo gdje smatram kao vijećnik ispred Kluba u kojem djelujem, Kluba SDP-a da ukažem na stvari koje mo-gu da nađu mjesto u Budžetu kad bude prijedlog Budžeta. (NATAŠA PERIĆ – Hvala.) Dakle, ne smatram to nikakvim populizmom. Naprotiv dakle, vi imate puno pravo da to isto tako uradite bez ikakvih ovaj, lekcija koje nam držite. Hvala.

NATAŠA PERIĆ

U redu. Hvala vam. Replika. Vijećnik Berbić. (ZORAN JOVANOVIĆ – Replika isto.) Elvire isključiti. (ELVIR BIJEDIĆ – Evo, evo. Okej.)

OMER BERBIĆ

Pa ništa, hoću da kažem, mislim ja...Žao mi je što se moram ponavljat tri, četiri puta u toku mandata na slične izjave kolega koji dođu i ka-žu nemojte nam oduzimati vrijeme nismo vam došli...Mi dođemo ovdje jednom mjesečno. Više nego dobro smo plaćeni što dođemo jednom mjesečno. Ja ne znam ko ima još ovakvu dnevnicu osim vrhunskih advokata i ne znam ni ja, vrhunskih trenera. I što se mene tiče mi možemo danas do dvanest sjedit ako će to jedan dobar i kvalitetan prijedlog donijet. Iz svake diskusije ja sam čuo bar po jedan kvalitetan prijedlog i ne vidim nikakav razlog da se diskutuje na način da se nešto ponavlja, da je populizam, da je x-y. I ja ću dati evo 10-12 kvalitetnih prijedloga i nadam se da će se tri usvojiti. Ako nam je problem da sjedimo ovdje bujrum možemo izaći. Nikom ovdje nije zabranjeno da izađe. I niko se ovdje ne forsira da dođe. Dobili smo mandat. Ima da sjedimo. Što se mene tiče ja ću ovdje sjedit do osam i reću sve ono što želim da kažem i mislim da je ovo jako neodgovorno da se na, na ovaj način diskutuje, pogotovo tri-četiri puta da se diskutuju u toku ovog mandata u tri godine. Ja tri puta isto slušam. Ko nema snage i energije bože moj nemojte se kandidovati, ko ima nek ostane i nek bude ovdje do dvanest ako treba. (NATAŠA PERIĆ – U redu. Hvala vam Omere.) U koroni smo...(NATAŠA PERIĆ – Evo ja sam skrenula pažnju.) Izvinite. U koroni smo do dva ujutro sjedili (NATAŠA PERIĆ – Pa naravno.) i nikom nije ovdje ništa smetalo. (ZORAN JOVANOVIĆ – Replika.)

NATAŠA PERIĆ

Naravno. Replika. Zoran Jovanović. Molim vas ovaj, nemojte...

ZORAN JOVANOVIĆ

Kolege, ja znam dobro o čemu raspravljamo i od svih ovih diskusija petnest, šesnest koliko je bilo do sad deset se ponavlja. (NATAŠA PERIĆ – Pa dobro imaju pravo izvinite.) Pa imaju pravo. Ja kaem po Poslovniku imaju pravo. (NATAŠA PERIĆ – Pa nemojte, onda vi suviše mislim komentarišete i vidte...) Al ja ću ovdje sjedit do sutra. (NATAŠA PERIĆ – Pa dobro vijećnici imaju pravo. Ja da sam primjetila da išta ide mimo ove tačke Dnevnog red ja bi skrenula pažnju.) Slažem se. (NATAŠA PERIĆ – Košto i za sve skrenem pažnju.) Slažem

se. (NATAŠA PERIĆ – Znači, vijećnici su se u skladu s Poslovnikom...) Al nema potrebe ponavljat.

NATAŠA PERIĆ

Al ne možemo mi sugerisat niko, niko nema pravo nikome, ako je na pravom putu što bi rekli. (Smijeh.) Ma dobro mislim na diskusije. Na diskusije mislim. Nemojte govorit molim vas. E hajmo. Vijećnik Omer Berbić. Izvolite. Neka se pripremi vijećnica Esana Kavazbašić Huskanović.

OMER BERBIĆ

Hvala ljepo. Jako je ljepo i iskreno vidjet gradonačelnika sa nekom novom energijom koji dođe ovdje i objasni tačku po tačku, zna gdje će mu se šta radit, u kojem dijelu grada i zna šta hoće da radi iduće godine.

Evo do sada dok sam ja bio to nije bio na-čin, nama se ovdje dolazilo po četerest minuta i nismo ništa skontali, e sada sam skontao tačno šta je u pitanju, šta će se radit i ja ovaj, moram na neki način da kažem svaka čast gradonačelniku i da se vidi ta neka energija koju je unjeo. I ja kad kažem ovo iz opozicije mislim da se više pika nego kad kažu ljudi iz pozicije koji to moraju. Ne mora niko, ali na neki način ste uslovljeni. Tako da drago mi je da to vidim i drago mi je da gradonačelnik uvažava prijedloge drugih ljudi i ja ću ovdje isto iznjeti niz prijedloga za koje mislim da su dobri za Grad Tuzlu.

Ono što mi nije drago jeste da su i gospođa Suada i gradonačelnik rekli da imamo 2 miliona manje. Žao mi je ako imamo 2 miliona manje i opet ih trošimo na neke stvari za koje mislim da nisu korektna tipa Cum grano salis koji kao i svaki drugi ne, ne Vladina organizacija može ići na Javne pozive Grada Tuzle il na Javne pozive Federacije itd., ili što ih trošimo recimo na povećanje plata. Danas imamo odluku kojom će se povećavat koeficijenti i Pravobranilaštvu, hajde gradonačelniku treba ovaj, nije, nije taj dio sporan, ali Pravobranilaštvu, zamjenik Pravobranilaštva itd., kada tu dižemo plate, a ovdje kažemo da imamo 2 miliona manje u Budžetu, mislim da to nije korektno i da to na neki način nije fiskalni odgovorno. Iz tog razloga mislim da...evo hoću da kažem da razumijem da imamo manjka velikih kapitalnih projekata. Apsolutno mi je to okej. Ali hajmo, evo kada vidimo da ima energije, kada vidimo da ima pokušaja zaokretu nekoj novoj politici Grada pa i u industrijskim zonama i u nekim drugim situacijama hajde da malao probamo razmišljati na drugi način pa da probamo napraviti dva-tri velika projekta privatnim kapitalom umjesto da se uvijek krpimo nekim budžetskim novcem. Ja govorim recimo o stadionu Tušanj gdje možemo završiti stadion Tušanj privatnim kapitalom i dati prostore dole poduzetnicima, a da gornji prostori ostanu za tribine. Ili govorimo recimo o izmještanju zatvora iz centra grada gdje je Federalno ministarstvo dalo zeleno svjet-lo na moju inicijativu. I sada Grad Tuzla treba da pod, podstakne taj prvi korak da napravi novi regulacioni plan tamo umjesto zatvora, Federalno ministarstvo da proda to zemljište, poveća kapacitet na Kozlovcu, a da mi dobijemo jedan novi centar grada, potpuno novi centar grada koji će ovo ruglo koji zatvor predstavlja izmjestiti. I zato mislim da je dobro da imamo tu novu energiju.

Takođe mislim da bi bilo jako dobro za ovaj Budžet Grada da se usvoji moja inicijativa koju ću kasnije reći a to jeste da damo gradsko zemljište mladim bračnim parovima da grade svoju kuću. Recimo 300, 400 kvadrata da se napravi Regulacioni plan i da se tamo doveze cesta, sve instalacije i da na neki način subvencioniramo ne onako kao što smo do sada subvencionirali stanove pa subvencioniramo jedan kvadrat stana, nego da im damo džaba zemljište il na korištenje na 100 godina 300, 400 kvadrata, sve priključke i da oni tu mogu

započet neki svoj zajednički život naravno uz neke dobro napravljene kriterije koje, koji će definisat da se te kuće kasnije neće, kasnije neće prodati.

Imamo ovdje još x-y stvari gdje se može smanjiti ova naša izdavanja tipa izdavanje političkim partijama, izdavanje RTV 7 koji sada je objavio jedan sramni konkurs, čuj savjetnik direktora RTV 7. Pa sada je to savjetnik direktora, to je još 3.000 na platu pa će nam opet ovdje nakon ovog Nacrta tražit 45.000 da im se poveća radi te plate. Pa ne možemo tako imati fiskalno odgovornu razmišljanje ako ćemo mi objavljuvat takve konkurse koji ni po čemu nemaju nikakve logike, ni ekonomske ni društvene, ali eto kao idemo da, da spasimo ne, ne, neko radno mjesto koje je tamo zaposleno a koje će se mijenjat. (NATAŠA PERIĆ – Imate još minutu samo da vas podsjetim.) Pošto imam još minutu (NATAŠA PERIĆ – I drugi krug.) javit ću se za drugi krug. (NATAŠA PERIĆ – Može.) Al hoću da kažem. Volio bih da ovdje vratimo novac „Nirini“. Jako je bitno, znači. Vi svi znamo da imamo ovaj veliki problem. Volio bi da se ide u proces vraćanja novca RSD Slobodi. Vidimo da je FK-a Sloboda na pragu vraćanja, da, da KK Sloboda, OKK-a Sloboda ide dobro, možda čak prema višem rangu, RK-a da igra Evropska takmičenja. Volio bi da vratimo novac RSD Slobodi, volio bi da se novac od termoelektrane namjenski troši za zagađenje zraka. To je kampanja koja se radi ljudi četiri, pet godina i taj novac se smanjuje, a mi ga opet ne trošimo namjenski nego ga trošimo na projekte na koji ga možda ne-bi trebali trošiti.

Zanima me...Evo jedna još stvar i, i s tim ću, odnosno dvije stvari i stim ću završavati. Prvo je:

Šta je sa izborom u mjesnim zajednicama? Pa mi ovdje tri godine kršimo sav Statut koji smo mi ovdje izglasali, a prošle godine je se već u Nacrtu Budžeta našao novac za izbore u mjesne zajednice, pa sada se opet ove godine nisu proveli izbori u mjesne zajednice jel to nekima ne odgovara. Šta je sa izborom u mjesnim zajednicama? Da li je Budžetom predviđeno da se izbori u mjesnim zajednicama napokon završe, da Grad Tuzla prestane da bude grad slučaj koji krši Statut koji je sam sebi donjio i to ovo Gradsko vijeće ga donjelo. Nije neko drugo.

I na kraju me zanima: Služba za budžet i finansije je, ima ugovorne obaveze je podiglo mislim za tridesetak hiljada maraka. Do-kle i zbog čega su se ove ugovorne obaveze ovoliko povećane? To je mislim čak i više nego duplo što je, što je, što je bilo prošle godine. To me zanima. I zanima me:

Da li se planira velika investicija u industrijske zone kao što je industrijska zona u Gornjoj Tuzli? Jel ovo što je gradonačelnik govorio da se vama produži cesta. Da li se planiraju investicije industrijske zone, jer bez industrijskih zona nema ni Grada Tuzle? Hvala ljepo.

NATAŠA PERIĆ

Hvala Omere. Ispravka krivog navoda. Vijećnik Ibeljić. Izvolite.

ANEL IBELJIĆ

Hvala predsjedavajuća. Ja ću samo kratak bit, al stvarno sam se morao javit, i meni je žao što je kolega iskoristio ovu tačku da raspravlja o tački šest, Razmatranje i usvajanje Odluke o plaćama uposlenika Gradskih organa i što na neki način druge evo vijećnike možda ne namjerno dovodi u zabludu. Ali mi danas ne dižemo platu uopšte gradonačelniku. Mi danas donosimo odluku kojom ćemo uskladiti koeficijente samo za Gradskog pravobranioca i zamjenika, a što smo možda trebali i ranije uraditi. Što je bila naša zakonska obaveza. A evo imali smo mi sreće što su Gradski pravobranioци bili razumni i što možda svoja prava nisu ovaj, zaštitili pred sudom. Al znači, mora se znati da samo danas donosimo odluku o izmjeni odluke

u dijelu koji se odnosi na Gradske pravobranioce koji svakako zaslužuju to povećanje plate koji im pripada, a naravno sve u skladu sa zakonom. Hvala.

NATAŠA PERIĆ

U redu. Hvala. Samo malo. Imamo još jednu ispravku krivog navoda, a ona ima prednost pa ćete vi onda. Izvinite.

Vijećnik Hasanbašić. Ispravka krivog navoda.

ADMIR HASANBAŠIĆ – vijećnik Tuzlanske alternative

E hvala predsjedavajuća. Ispravka krivih navoda gospodina Berbića koji je rekao da vijećnici većine mo-rajaju pohvaliti gradonačelnika. To nije istina. Svaki vijećnik ima svoj lični stav. I svaki vijećnik koji ga pohvali zaista tako misli i meni je drago da i vi tako mislite gospodine Berbiću. Hvala.

NATAŠA PERIĆ

Hvala. Replika. Kome Omere? (vijećnik Omer Berbić govori bez uključenog mikrofona opa.) Anele? Nemojte. Pa recite imena mislim nemojte...Pa imaju imena mislim. Dobro hajde.

OMER BERBIĆ

Prvo drago mi je da me je, da me je ispravio jer, nisam znao da se ne diže. Kažem opet da se gradonačelniku kad vako radi duplo diže ja bi, ja bi za obje ruke glasao, jer nije...Nema, nema nikakvih problema kad neko radi svoj posao da se nagradi. Drago mi je evo da se ne diže i to je jedna stvar fiskalne odgovornosti, a, a ispravljat ćemo se krivim navodima kad dođe tačka broj šest. A i ne slažem se s vama, da, da, da treba dizat Pravobranilaštvu (NATAŠA PERIĆ – Dobro nemojte sad to.) pa da nekog sa VSS-om u Gradskoj upravi (NATAŠA PERIĆ – Dobro nemojte sad to. Ja.) ima faktički 70% (NATAŠA PERIĆ – Molim vas kad dođe tačka.) manju platu u odnosu...(NATAŠA PERIĆ - Molim vas kad dođe tačka dnevnog reda.)

A druga, druga, mislim druga replika na ispravku krivog navoda. Svatate vi šta sam ja želio reći. Većina znamo svi kako se ovdje većina pravi i dijeljenjem nekih javnih insti...javnih pozicija i direktorskih pozicija itd., odnosno preuzimanje odgovornosti za određene pozicije i to na neki način i naravno i Komisija i mjesnih za x,y stvari, tako da moja, moja insinucija nije bila da vi morate hvalit gradonačelnika il neke kolege iz, iz većine vrlo to oštro kritikuju, nije to ništa sporno, ja samo kažem da, da, da više znači kada ja koji nisam ni na koji način vezan za većinu pohvalim, da to ima jednu posebnu težinu u odnosu na ovaj...(NATAŠA PERIĆ – U redu. Hvala Omere.) Hvala ljepo.

NATAŠA PERIĆ

(ZORAN JOVANOVIĆ – Replika.) Replika. (ZORAN JOVANOVIĆ – Gospodinu Omeru.) Zoran Jovanović. Replika.

ZORAN JOVANOVIĆ

Nije povećanje plaća, već je usklađivanje plaća sa važećim koeficijentom propisanim Pravilnikom...(NATAŠA PERIĆ – Dobro, al nismo sad na toj tački molim vas.) Al, al to pričamo evo peti puta i to ljudi slušaju.

NATAŠA PERIĆ

Dobro. Dobro. Kad dođemo do tačke šest onda ćemo to sve.

Sljedeća za riječ se javila vijećnica Esana Kavazbašić Huskanović. Neka se pripremi vijećnik Mišković.

ESANA KAVAZBAŠIĆ HUSKANOVIĆ – vijećnik Platforme za progres

Ja bih da pozdravim sve kolege, kolegice, gradonačelnika. Ovaj, ja bi isto se složila sa kolegom Omerom Berbićem ovaj, da je gradonačelnik unio novu energiju i da smo zaista sretni zbog toga u odnosu na prethodni period kad je vladalo strahopoštovanje. Ovaj, ja imam par stvari iz Budžeta koji mi se baš ne sviđaju.

Na prvom mjestu je ovaj, smanjenje izdavanja sredstva, sredstava za smanjenje zagađenosti. Znači, zašto se u Budžetu sa 2 miliona i 800 hiljada smanjuju sredstva na milion i 980 hiljada kad živimo u jednom od naj-zagađenijih gradova u Evropi? Mislim da smatram da je to ovaj, veliki problem za sve građane, za svu našu djecu, jer kad dođe zima znači, u Tuzli se ne može živjeti, a mi uzimamo u Budžetu skoro mi-lion od sredstava koja su trebala biti utrošena i štedimo na našem zdravlju, na zdravlju naše djece, na zdravlju svih ovaj, građana Tuzle jer mi se godinama borimo protiv ovog zagađenja, a sve što radimo na tome jeste da smanjimo sredstva umjesto da povećavamo da idu u tome ovaj, smislu.

Druga stvar me interesuje: Zašto se radi povećanje od 200.000 konvertibilnih maraka za Gradsko vijeće? Na osnovu čega smo mi povećali te troškove? Da li je to zbog novih članova koje sad imamo u ovaj, koji vode ove sastanke?

Zatim me interesuje jedna druga stvar: Zašto Centru za socijalni rad znači, jednom gradu gdje imamo toliko socijalno ugroženih porodica znači, ovaj, samohranih majki, majki zlostavljanih od strane svojih partnera smanjujemo sredstva sa 2 miliona i 360 hiljada na milion i petsto? Mi Centru za socijalni rad znači, štedimo na socijalnom radu 800.000 konvertibilnih maraka. To je skoro 30% od prošlog Budžeta. Meni to nije normalno. Šta trebaju ti ljudi što nemaju šta jesti, gdje nemaju gdje raditi, nemaju gdje živjeti, imaju čitave porodice? Njima ukidamo sredstva na uštrb nekih luksuza koja su potrebna Gradu. Ovo mi je van svake pameti. Mislim izvinite al...(NATAŠA PERIĆ – Nemojte samo tako mislim se izražavati.) Pa...(NATAŠA PERIĆ – Možete reći da se ne slažete, al nemojte govoriti nije normalno.) Ne slažem se da se oduzme osamsto hiljada, 30% od Budžeta to je stvarno...Onda isto bi se složila sa kolegom Alenom. Smanjenje onaj, sredstava sa 380 hiljada na 150 hiljada za urbani mobilijar. Mislim, ja svako jutro trčim po gradu i to čitav grad pretrčim i sve to, ako išta u ovom gradu treba to su kante za smeće. I ja otkako sam došla u ovo Vijeće molim da se poveća broj tih kanti za smeće da bi nam grad bio čišći i da ne bismo bacali papire po ulici i da bi Komunalac imo puno manje posla nego što jeste. I molila bi gradonačelnika, a to je bilo onaj, jedan od mojih zaključaka prije ovaj, usvojen, da se na dječija igrališta postave inkluzivne naprave za djecu ovaj, sa invaliditetom. Jer to nije u redu. Ta su djeca diskriminirana, izdvojena su iz društva i najmanje što možemo uraditi za njih je staviti jednu ljulju, dvije ljulje na kojima se oni mogu...(NATAŠA PERIĆ – Pa već je to rekao da je...) To je bila moja inicijativa (NATAŠA PERIĆ – Pa dobro vašu.) i to prije godinu dana i donesen je zaključak sa gradonačelnikom. (NATAŠA PERIĆ – Pa jeste. Al rekao je da se...) Tu...Ja želim da se to planira.

Onda. (NATAŠA PERIĆ – Već se radi na tome.) Sredstva koja smo primili od termoelektrane. Na osnovu zagađenja su 4 miliona 800 hiljada konvertibilnih maraka. Grantovi za nabavku i ugradnju toplotnih pumpi Mjesne zajednice Šićki Brod, Bukinje i Husino je 80 hiljada. Najzagađenija mjesta. Mjesta koja imaju mjesne zajednice naj-veće zagađenje od Gra-

da Tuzle dobijaju 80 hiljada konvertibilnih maraka od 4 miliona i osamsto. (NATAŠA PERIĆ – Isteklo vam je vrijeme.) Javljam se za drugu.

NATAŠA PERIĆ

Dobro. Sljedeći za riječ se javio vijećnik Mirel Mišković. Neka se pripremi vijećnik Hirkić. Izvolite.

MIREL MIŠKOVIĆ – samostalni vijećnik

Evo sve vas lijepo i srdačno pozdravljam. Ja bih se samo nadovezao na Esaninu diskusiju. Obratit ću posebnu pažnju na Mjesne zajednice Bukinje, Šićki i Husino i na njihovo toplificiranje. Mi smo svjedoci da smo prije dva Vijeća imali posljed dugo vremena i građansku inicijativu iz ovih mjesnih zajednica da su se građani i potpisali, ispoštovali sve članove zakona i donjeli nam ovdje na noge građansku inicijativu da se toplificira kompletna mjesna zajednica Bukinje, Šićki i Husino koliko se može. Međutim, ja u ovom Nacrtu Budžeta ne-vidim da je ta inicijativa ovaj, njihova uvrštena, da će taj projekat biti realiziran u 2024. godini vidim da se spominju neke toplotne pumpe. Evo da vam prenesem. Ti ljudi sa tog područja ne-žele toplotne pumpe. Oni žele da se toplificiraju.

Napominjem da smo imali i odluke Gradskog vijeća i 2012-te iz 2014-te, gotov svaki mandat ja donesem po jednu il dvije te odluke da se toplificira kompletna mjesna zajednica Bukinje i Šićki Brod. Evo poslje ne znam ni ja, jedanest, dvanest godina ponovo u 2024.godini vjerovatno neće te mjesne zajednice biti toplificirane. Evo ja bi želio samo da mi se kaže hoćel da mogu prenjet tim ljudima da se oni mogu planirat za 2024. godinu dal da nabavljaju ogrev, dal da ne nabavljaju, šta da rade, dal će biti urađe-na toplifikacija ovih mjesnih zajednica? Evo toliko.

NATAŠA PERIĆ

Hvala Mirele. Sljedeći za riječ se javio vijećnik Hasib Hirkić. Neka se pripremi vijećnik Mensur Alić.

HASIB HIRKIĆ – samostalni vijećnik

Zahvaljujem predsjedavajuća. Evo i ja bi da pozdravim sve prisutne i da nam zaželim danas što uspješniji rad.

Ja ću pokušat biti kratak. S obzirom da je gradonačelnik u svom izlaganju kazao, izvinuo se vijećnicima i vijećnicama što nije sa svima uspio razgovarati oko Budžeta, sad vidimo i zašto je dobro da nije razgovarao. Ovo bi bio Budžet ili spisak želja nas vijećnika, a ne bi bio Budžet ovakav kakav jest kako je i planiran razvojni i socijalni. Zašto? Pa zato smo danas svi neke naše želje samo ovdje promovisali ili pričali o nečemu što nekome lično treba. Gradonačelnik i službe su to malo drugačije postavile. I da je bio Budžet napravljen i da je razgovarao gradonačelnik s nama svima, onda više ovaj Nacrt Budžeta ne bi trebao ići ni u javnu raspravu ni na doradu. On bi...On je mogo danas biti već i usvojen i završen. Mislim da, da, da na taj način ako pogledamo stvari i ovo sve danas o čemu se razgovaralo kažem da je ovo što je napravljeno vrlo dobro i da je za svaku pohvalu i zbog toga smo danas ovdje da samo korekcije male napravimo tamo nešto što se je zaboravilo ili nije baš najbolje sagledano.

Ja bi ovdje samo pokušao da sugerišem ili da zamolim ukoliko se može u ovom Nacrtu, a svakako će biti u javnoj raspravi. Pisat ćemo o tome i amandmanima ćemo djelovati. Vezano je za hitne pomoći. Već tri godine o tome pričam. Istoka i Zapada. Mislim da našim građanima

treba malo više zdravstvene zaštite ili njege na način kako da mi pomognemo u ovom teškom vremenu našim građanima. I mislim da se ovdje samo radi o ovim hitnim pomoćima koje su vrlo bitne za Istočni i Zapadni dio grada. Al ako je, ako imam informaciju da je već sve riješeno na Istoku puno će nam biti lakše riješiti ovo na Zapadu gdje bi predložio: Ukoliko se dođe do realizacije ovoga jednu od najboljih mjesta za Zapadni dio grada bi bila Mjesna zajednica Šićki Brod iz razloga zato što ta mjesna zajednica sa nekih četiri, pet hiljada stanovnika koji su ja mislim čak i po biračkom spisku uvedeni znači, da ih ima puno više, jer ovih do 18 godina ne mogu biti na, na, na tim spiskovima znači, da je to opuno veći broj građana.

Mjesna zajednica Šićki Brod ni danas nema ambulantu, a mi pričamo nekome treba završit igralište i sve drugo. De da malo približimo i te ljude ili da im na neki način pomognemo da riješe svoj osnovni problem, a to je pravo na liječenje ili zdravstvo. Vjerujte da ljudi iz Šićkog Broda idu u Bukinje u ambulantu da se liječe. Zamislite kad imate jednog starog čovjeka, il jedno dijete, ili nekoga da treba otić pješke tamo il vratiti se, o tome možda treba malo više razgovarat.

Mi ćemo kao Klub glasat i dat podršku ovome svemu i mislim da je ovo izuzetno i jako dobro urađeno. Evo male korekcije samo da se urade i to je to. Hvala.

NATAŠA PERIĆ

Hvala vijećniku Hirkiću. Replika. Vijećnik Berbić.

OMER BERBIĆ

A mislim da je opet ja...(NATAŠA PERIĆ – Kome?) Hirkiću, pa jedini je diskutovo. (NATAŠA PERIĆ – Pa dobro moram, moram radi stenograma.) Kolegi Hasibu. (NATAŠA PERIĆ – Hirkiću.) Ja Hasibu Hirkiću i dobit ćete napismeno.

Mislim da je jako prvo neodgovorno opet ovo voditi ovakvu diskusiju gdje se govori da gradonačelnik nije trebao da sjedne sa svim vijećnicima. Izrazio je želju. Izrazio je želju da sjedne, ja to znam i prije sam sjednice. Svi mi ovdje predstavljamo ja mislim 50% biračkog tijela, 50% ne izađe, ali 50% faktički kad se, kad se izbije ovih što nisu (nerazgovjetno izgovorena riječ op.a.) hajde da kažem 40%. Mislim da je jako bitno da svako od nas bude barem konsultovan na neki način ili da vidimo da li možemo uraditi neke stvari koje su dobre za grad, s tim mislim da kada se s nekim priča se dobije neka nova dimenzija, neki novi pogledi. Kada se priča sa kolegom Hasibom vjerovatno se vide problemi mjesnih zajednica koje su malo dalje od centra. Kada se priča recimo sa mnom meni smetaju oronule fasade u centru grada i hoću samo da kažem da se ne slažem sa ovim stavom i da te manje korekcije o kojim se priča mogu biti korekcije na, na Budžet od 65, 70 miliona, a mogu biti korekcije glat u milion, dva maraka. Hvala ljepo.

NATAŠA PERIĆ

U redu Omere. Replika. Hasib Hirkić vijećniku Berbiću.

HASIB HIRKIĆ

Kada sam kazao gospodine Berbiću. Gospodine Berbiću kada sam kazao znači, da je dobro da bi Budžet bio spisak želja i potreba nas vijećnika zato sam rekao znači, da je dobro i uvijek smo bili za to da gradonačelnik s nama razgovara i to...Ali evo dao nam je priliku danas da razgovara. S nama je tu. Evo sve što ste danas kazali ušlo je. Znači, i dobit ćete putem znači, stenograma, sve što smo kazali danas smo kazali pred gradonačelnikom. Nismo mu rekli iza

leđa ništa. Čovjek je tu čitavo vrijeme i čeka (NATAŠA PERIĆ – U redu.) šta ćemo mi reći i sugeristati. (NATAŠA PERIĆ – Nema replike.) Hvala.

NATAŠA PERIĆ

Nema. Replika je jedna po jedna vijećnik vijećniku. Sljedeći za riječ se javio vijećnik Alić. Izvolite. Mensur Alić. Izvolite.

MENSUR ALIĆ – vijećnik Tuzlanske alternative

Hvala predsjedavajuća. Pozdravljam sve prisutne. Pa šta reći nakon ovaj, ovoliko diskusija i replika. Ja mislim da nema potrebe za replikama kad je u pitanju Nacrt Budžeta i treba uvažiti i svačije mišljenje i svačiju diskusiju bez obzira u kom ona pravcu išla ili poznavanje ili ne poznavanje Nacrta Budžeta to je opet stvar vijećnika. Ali ne trebamo jedni drugima replicirati na ovako važnom jednom dokumentu. Mislim da je to jedno od važnih pitanja kako jedni druge da ispoštujemo kao kolege i vijećnici i onda...Na početku odmah da kažem da podržavam ovaj, Omera kolegu ovaj, na njegovoj prvom uvo-du. Njegov je fantastičan uvod i ja se slažem s time i evo Omere i ja ću pohvalit kao pozicija gradonačelnika da je kreno punom parom i teško ga je pratiti i Službe ga teško mogu pratiti njegovom energijom i snagom koliko ide i što je naj-važnije što ona sredstva koja su prenešena iz prethodne godine, to je oko 16 miliona da su skoro sva utrošena, a to se vidi u gra-du ovaj, šta se sve uradilo u toku ove godine.

Ja samo želim da...Zato sam rekao da ću biti kratak. Želim da kažem da malo vijećnika govori o prihodovnoj strani znate. Prihodovna strana je veoma važna kad razgovarate i o rashodu, rashodnoj strani. Zašto? Pa vi kad pravite ovaj, finansijsku koncepciju ili program za godinu dana u svom samom privatnom ili javnom preduzeću vi prvo pravite ovaj, prihodi koliko će biti, kolki će biti prihodi, pa na osnovu prihoda pravite rashode. Mi imamo nesreću što se evo juče dogodilo to što se dogodilo. Ja se nadam da to neće biti tako, da će to biti drugačije da će biti umanjena ovaj, iz poreza 2 miliona. Znači šta znači 2 miliona? To su ogromna sredstva. A danas smo želja puno. Naravno svi imaju pravo da traže i da ovaj, da se neki projekti ubace koji su veoma važni za ovaj grad.

Ali gledajući Parlament Federalni juče koji je imo Rebalans Budžeta 200 i nešto miliona viška prihoda imaju. 200 i nešto. Naravno sve je to raspoređeno ovaj, kako valja i slažem se ja ono što je...Ali zašto umanju-ju gradovima i općinama prihode? To mi, to mi nije jasno. Izgleda da se ovdje želi da se stvori da opštine budu samo kao mjesne zajednice ili gradovi il tako ja to posmatram. 2 miliona skinut nekom je strašno. Umjesto, svake godine imamo povećanje i ja to dobro pratim ovaj, zato što znam kroz poso sam, da imamo povećanje za 20 do 30% prihoda poreskih državi, a nama se umanjuje kao Gradu. E to mi ne ide u glavu. Pa zbog, zbog toga govorim da kažem da malo obra...malo obraćamo pažnju na prihode, a svi gledamo ovaj, kako ćemo neke, naravno projekte treba sve uvrstiti. Nama će biti potrebno i to sigurno da bi iduću godinu realizovali sve ono što je gradonačelnik napomenu. Neke stvari su...bit će pokrive-ne ovim Nacrtom Budžetom neki projekti, ali neki neće moći. Jedan kružni tok, drugi kružni tok. Neće moći. Mi ćemo morati ovaj, pogotovo umanjenjem ovih 2 miliona, mi ćemo morati ići u kreditno zaduženje. To je sasvim normalno i mi...Ja mislim da nam u ovoj godini da Suada mislim da ima, da zna tačno podatke. Mislim da nam u ovoj godini istiće jedan kredit il dva, il je isteko jedan, dva, i mi možemo sasvim normalno po zakonu se zadužiti za određena sredstva od, od banaka čime bi u idućoj godini sve ovo o čemu je gradonačelnik govorio da bi urad...A to su veliki projekti. Veliki projekti.

I na kraju želim da predložim gradonačelniku da formira jedan tim stručnjaka koji će se baviti samo projektovanjem i raditi projekte za ovaj grad. Zašto to govorim? Mi ćemo

vjerovatno u idućoj godini ovaj, potpisati sporazum o, u stvari otvorit će se pregovori sa Bosnom i Hercegovinom, nadamo se svi, i time će se nama otvoriti svi fondovi kada je u pitanju Evropska unija. A to se radi o milijardama. Ako budemo imali dobre projekte, ako budemo pripremili projekte sve, kad se pojavi aplikacije lako je onda samo priložiti projekat i dobit sredstva. Ako nemate projekata nigdje niste dospjeli, to ja znam iz iskustva svog. Zato predlažem gradonačelniku da napravi jedan tim koji će se baviti samo projektovanjem i naravno lobiranjem za dobivanje tristo stanova. Zahvaljujem.

NATAŠA PERIĆ

Hvala Mensure. Evo ovaj, tri replike vam idu. (SELMA ĆATIBUŠIĆ – Ja povlačim svoju.) Dobro dvije. (MENSUR ALIĆ – Nek sam završio.) Završite. Evo samo malo. Imamo dvije replike. Jel i vi repliku Aco imate, Aleksandre? Dobro. Znači, vijećnik Anel Ibeljić ima repliku i vijećnik Berbić. Izvolite.

ANEL IBELJIĆ

Hvala predsjedavajuća. Ma mene je kolega Mensur ovaj, podsjetio na ono što sam zaboravio reći, što sam u uvodnom izlaganju istakao da ću se osvrnuti na kraju vezano za izlaganje gospođe Suade kada nam je rekla ovu vijest, ali evo promaklo mi i hvala vam evo što ste i vi spomenuli tu prihodovnu stranu Budžeta.

Ja ću predložiti evo jedan zaključak s obzirom da evo prvo ja nisam...(NATAŠA PERIĆ – Dobar dan.) Nema zaključka? (NATAŠA PERIĆ – Al ovo nije replika.) Ajd. (NATAŠA PERIĆ – Al Anele javi se ti za...) Ma ne, nego samo da probamo...(NATAŠA PERIĆ – Zna se šta je replika.) Evo ne mora ići u formi zaključka, nego evo pošto smo svi tu prisutni da se možda ovaj, oformi neka stručna Komisija koja će predložiti izmjene i dopune eventualno nekih propisa iz...koje regulišu Federalne propise vezane za raspodjelu (NATAŠA PERIĆ – Anele?) poreza i drugih naknada (NATAŠA PERIĆ – Anele, Anele?) a sve na pravedniji način (NATAŠA PERIĆ – Anele?) koje bi išlo za lokalne jedinice i lokalne samouprave. (NATAŠA PERIĆ – Anele replika je jedno. Ovo je sad ko izlaganje i ne može kad je replika. Samo da kažem. Ne može) Pa kolega Mensur je isto spominjao pa sam samo replicirao na te stvari. (NATAŠA PERIĆ – Pa niste. Ovo je, ovo je ko izlaganje.) Dopunio. Pa ja to nisam kao, kao izlaganje. (NATAŠA PERIĆ – E pa tako trebate reći zato što na za...Mislim moram da kažem zbog ostalih vijećnika. Znači, na repliku ne ide zaključak. Imate drugi krug.) Dobro. Evo ja kažem ne...neće biti zaključak samo kažem ako smo svi tu da, da, da razmotrimo, evo i gradonačelnik je tu i Službe su...(NATAŠA PERIĆ – Ali vi ste rekli...Ma ja. Hajde dobro. Pa dobro da je rekao dopuna, to govorim zbog drugih zato što...da ne bih bilo zabune. Jedno je dopuna ovaj, nečijeg izlagana, izlaganja a drugo je replika.) (vijećnik Anel Ibeljić govori bez uključenog mikrofona op.a.)

NATAŠA PERIĆ

Al niste rekli tako pa se odmah bune i drugi vijećnici. Moram da reagujem.

Vijećnik Berbić. (SLAĐANA KRAJINA - U pravu je, u pravu je predsjedavajuća. Nema...Ovo nije replika.)

OMER BERBIĆ

Gospodin Mensur je spomenuo pitanje projekata. Replika se odnosi samo u tom pravcu, a upravo to je nešto što je nama potrebno. Al, ali treba razmotrit da, da ta upravo kancelarija o

kojoj vi pričate četiri sata za privre-du pregleda projekte, a četiri sata da piše za, za Grad Tuzlu kako bi i privrednici kada naprave projekat dobili neku stručnu da kažem firbeck prije nego što ga apliciraju prema Evropskoj uniji. Eto samo u tom, u tom pravcu da se razmisli.

NATAŠA PERIĆ

Dobro. U redu.

Zaključujem prvi krug rasprave vijećnika.

Imamo dvoje prijavljenih, nadam se da neće više ni bit. Vijećnica, vijećnica Esana Kavazbašić, pa onda vijećnik Berbić.

ESANA KAVAZBAŠIĆ HUSKANović

Evo pošto smo već počeli tu temu ovaj, problema našeg Budžeta i kako nemamo dovoljno sredstava u Budžetu i da trebamo gledat tu prihodovnu stranu, ono nešto, nešto o čemu ja pričam zadnje tri godine jeste upravo to da trebamo što više ulagat ovaj, u ekonomski razvoj Tuzle, u industrijsku zonu, da moramo privući strane investitore, intenzivno raditi na tome. Znam da se to ne voli u Tuzli spomenut, ali kad vidite Živinice šta su uradile za dvije godine. Da smo mi počeli prije tri godine iste korake praviti mi bismo sad imali Budžet koji bi bio najmanje 20 do 30 onaj, procenata veći nego što jest sad.

Međutim, pored ukidanja ova 2 miliona problem sledeće godine u Budžetu će takođe biti zatvaranje Tuzlanskog aerodroma. Pošto sam ja privatnik i ovisna sam dosta o radu samog aerodroma mi, moja branša i puno drugih branši, jako osjetimo ovaj, nedostatak tih sredstava zbog zatvaranja aerodroma. Mislim da o istim treba vodit računa, jer Budžet će još biti poprilično manji, jer ćemo imat manji broj posjetitelja, manji broj ovaj, novca koji se ulaže u Tuzlu itd.

E sad nastavljam s ovim dalje. Sledeće što me interesuje: Grant za realizaciju plana upravljanjem otpada za Grada Tuzlu. Znači, sa 50 hiljada smanjuje se na nulu. Zar ne bi trebalo biti suprotno? Da čitava Evropska unija i EU projekti idu prema, idu onaj, prema...(NATAŠA PERIĆ – Nemojte dobacivat.) Izvinite, ali zaista...(SUADA ISAKović – Izvinjavam se.) (NATAŠA PERIĆ – Nemojte dobacivati.) EU projekti ovaj, idu upravo prema tome da trebamo ići na recikliranje otpada pa treba ići na tom pravcu. Znači, ako hoćemo prilaziti tim Evropskim projektima, tom njihovom iko...ekološkoj svijesti mi onaj, trebamo ići na finansiranje i izdvajanje većeg ovaj, novca za te projekte, a ne onaj, u potpunosti ih ukidati.

Zatim druga stvar koja mi nije jasna: Znači, mi imamo u Tuzli veliki problem. Pošto imam četvero djece koja izlaze napolje i igraju se, a oko naših zgrada ima jako puno pasa lotalica. I zaista imamo veliki problem sa tim psima. Ovaj, nije mi jasno zašto Grad Tuzla preko ovoga granta za Veterinarsku stanicu-Program kontrole populacije pasa smanjuje sa 100 hiljada na 30 hiljada, a povećava nam se broj pasa lotalica? Znači, imat ćemo ko Sarajevo problem. Sve veći broj ugriza. I onaj, jedino udruženje koje se bavi znači, o brigom o tim psima „Nirina“, njima sredstva sa 48 hiljada smanjujemo na 35 hiljada. Znači, ukidamo ta sredstva Veterinarskoj stanici, jednom udruženju znači, koje je zadnjih 10 godina ovaj, imalo kroz njihovu, kroz njihovo prihvatilište je prošlo negdje oko 3 hiljade pasa lotalica. Znači, oni rade vakcinaciju pasa i sterilizaciju, odnosno ovaj, i sve ostalo i znači, mi njima ukidamo sredstva. I onako im je teško onaj, sa ovim sredstvima koji smo im već dali i sad im ukidamo 13 hiljada, a isto to radimo ovaj, Veterinarskoj stanici. Za-ista mi imamo veliki problem sa psima lotalicama. Ako ukinemo ova sredstva za godinu, dvije mi nećemo znati šta ćemo s tih pasa. Jel vi znate koliko je to opasno, koliko je to opasno za malo dijete? Ti nikad ne znaš kako će jedan pas u gradu...mislim ja živim na Stupinama, a tamo već imate dvadesetak tih pasa koji lutaju okolo, koji reže na djecu i koji nam prave velike probleme. Tako da zaista onaj, smatram

da ovo nije u redu da, da bi ako ništa drugo trebali i ovom udruženju i onaj, Veterinarskoj stanici održat ova sredstva da bi mogli raditi tu sterilizaciju onaj, pasa i vakcinaciju. Ako te već ujede, pošto znajući da na tržištu nema adekvatne vakcine ovaj, protiv bjesnila, onda da bar smo zaštićeni na taj način. (NATAŠA PERIĆ – Isteklo vam je vrijeme.) I (NATAŠA PERIĆ – Esana isteklo vam...) Pa to bi to bilo. Otprilike je to. (NATAŠA PERIĆ – U redu.) Eto hvala vam.

NATAŠA PERIĆ

Hvala vama. Vijećnik Berbić. Izvolite. I izvinjavam se kolegi Aleksandru Vujadinoviću. Sad ću vam dati riječ. Zaboravila sam na vas. Pa jeste eto. Evo ajde. (ČERIM RASTODER – Prvo je završeno.) Prvo je završeno, al nema veze evo.

ALEKSANDAR VUJADINOVIĆ – samostalni vijećnik

Hvala kolega Berbiću. Podravljam sve. Čestitao bih i gradonačelniku i Suadi na stvarno temeljitoj pripremi ovog Nacrta znači, Budžeta.

Apsolutno bih podržao i zamolio i gradonačelnika i sve Službe da i dalje pokušaju pronaći rješenja i sredstva za borbu protiv aerozagađenja, jer to je mislim u hijerarhiji onoga što nam je naj-važnije i mislim da je to dugoročno neka stvar koju moramo kontinuirano nastaviti znači, rješavati. To je nešto što je za sve isto pogubno i misli da je tu, eto da se pokuša nać što više sredstava za rješavanje tog problema.

Takođe „Korake nade“ bi podržao maksimalno znači, i sa ljudske strane i sa njihove profesionalne strane u njihovom funkcionisanju i da im se na svaki način moguće olakša, naravno u skladu sa svim mogućnostima koje ćete vi bolje prepoznat nego što će to bilo ko od nas vijećnika koji nisu iz neke ekonomske struke.

I vezano za „Nirinu“ i s te strane, evo čuli smo i razloge. Isto zaista mislim da treba podržati, pogotovo zbog činjenice da je, rjetke su situacije kada vam neko pruži ovaj meil koji smo dobili cirkularni, uporedno analizu nečega što je nekad izgledalo ovako, pa kako sada izgleda znači, tako da i mi možemo steći uvid u to kakav je tu napredak bio i ovaj, a i to mislim da je od nekog društvenog značaja. Ništa, hvala ljepo u ime Kluba našeg.

NATAŠA PERIĆ

Hvala vijećniku Berbiću. Joj izvinite. Vijećniku Vujadinoviću. Vijećnik Berbić se javio. Izvolite.

OMER BERBIĆ

Ja ću nastaviti sa diskusijom i iznjeti spisak želja što bi reko kolega Hirkić a za koji se nadam da će barem dvije, tri želje ili profesionalno rečeno projekta biti uvršteni u sam Budžet.

Prvo je bilo da radimo inkluzivna igrališta i evo gradonačelnik je odgovorio u svom uvodnom izlaganju. Drago mi je da je odgovorio. To je jedna od inicijativa naše Ane Zec i mislim da je to dobra inicijativa i da treba ić u tom pravcu.

Druga stvar bi bila: Nabavka automobila koja bi vozi...koji bi vozio djecu sa invaliditetom po uzoru grada Bijeljine. Grad Bijeljina koji je manji i ekonomski slabiji od nas i na svaki drugi način inferiorniji može izfinansirat ovakav jedan automobil. Ovo možda ne bi trebalo ni nova sredstva na neki način izdvajati nego trenutni automobil koji se koristi ili nešto što struka predloži, ali mislim da bi bilo dobro da se Grad Tuzla na ovom, na, na, na ovaj način obaveže da ta djeca nemaju, nemaju probleme u samom prevozu.

A broj tri: Volio bi da razmislimo o uvođenju trakera za stare iznemogle ljude koji imaju problem sa demencijom. Vidimo da je u prethodnom periodu bilo više problema koji su nažalost nekada završavali i najgorim ishodom. Mislim da Grad Tuzla može iznaći rješenja, nema tu previše ljudi, a mislim da bi do-bro bilo da se na ovaj način ova stvar razmotri.

Broj četiri: A javni wc na „Trgu soli“. Mi znamo da se na Sonom Trgu veliki broj ljudi okuplja koji kasnije moraju vršiti malu nuždu jel i u kafićima okolo gdje su velike gužve, ili tamo na fakultetu što je ka-ta-strofa i za vidjeti a i onako simbolički i ovaj javni wc je meni bio obećan od strane gradonačelnika Jasmina Imamovića prije dvije godine u pozorištu. Još uvijek ga nije ispunio. Neće ga on ni ispuniti, ali evo nadam se da će, da će kolega Zijad uzeti to obećanje njegovo ozbiljno i da će on izvršiti, odnosno postavljanje ovog javnog wc-a.

Igralište za djecu ispred stare Mjesne zajednice Ši Selo: Na onom području nema ni jedno igralište. Djeca koja moraju, moraju preći, moraju preći tamo ulicu, moraju preć magistralu i to zaista predstavlja jedan od velikih sigurnosnih problema. Tako da mislim da to može biti jedno manje igralište do nekih sedam, osam, deset hiljada maraka ali da bude inkuluzivno i da bude za djecu iz Mjesne zajednice Ši Selo.

A subvencije za rješavanje oronulih fasada u centru grada: Ovo se nadovezje na jednu od mojih inicijativa koja će biti da se po kvadratu ne, ne, ne, ne završene fasade u centru grada obračunava porez onima koji drže te, te prostore, al da im se na neki način posta...podstakne da se oni angažuju da se riješi pitanje oronulih fasada u centru grada.

Zamjena žardinjera uz Jalu: Svi smo svjesni da su žardinjere u katastrofalnom stanju. Njih treba skloniti i treba staviti možda neku moderniju ogradu, željeznu ili na neki drugi način. Možda neke umjetnike angažovati da se to napravi, projektante i da to bude jedan od nako ljepših prizora. Sada je to zaista zaraslo, oronulo i ni na šta nije nalik, pogotovo ljude koji dolaze u grad Tuzlu prolaze onom, onom magistralom.

Dalje: Ovo se sad nadovezuje na izlaganje gospodina Alića. Mislim da bi trebali napraviti Projektni plan za kolektor otpadnih voda i da vidimo koliko bi nas to koštalo da u Jali napravimo, i to bi bio recimo Projektni plan gdje bi mi mogli faktički tražiti pare od Evropske unije kroz fondove, kroz neke druge fondove. To je veliki projekat da ga mi ovdje sami isfinansiramo.

Dalje: Projekat želim...Volio bi da vidim rampu za pedijatriju napokon nakon ovog Gradskog vijeća tri godine moljakanja, zaključaka a nakon što su se pare da-le u Dom zdravlja i to se nije završilo. Rampa za pedijatriju je projekat od tri, četiri hiljade maraka a i može se završiti relativno brzo i (NATAŠA PERIĆ – Privodite kraju.) i jeftino i da bude svima zaista na neki ponos, te, te sitne stvari su zaista bitne.

Postavljanje kamera na dječija igrališta: Novi ekonomski kod bi se tu trebao napraviti. Znamo da nam uništavaju igrališta, mi još uvijek ne razmišljamo o postavljanju kamera. Kamere bi zaista riješile veliki dio tih problema.

A projektna dokumentacija također išlo preko ove agencije za projekte. Za multifunkcionalni open space za nevladine organizacije koji sada zauzimaju puno gradskih prostora a koriste tipa jednom sedmično. To bi bio open space gdje bi ljudi mogli iznajmiti, bilo bi im da tu registruju i nevladinu organizaciju da se može koristit, da mogu zakupit kancelarije kada im je to potrebno. (NATAŠA PERIĆ – Isteklo vam je vrijeme.)

Evo ja ću još samo dvije stvari i završavam. A volio bi da vidimo način, možemo poslati sliku Oslobođenje Tuzla na restauraciju najbitnija slika u istoriji Tuzle Ismet Mujezinović. Ovdje nam je u Ateljeu „Ismeta Mujezinovića“ ona je oronula, zapuštena, ima rupe po sebi i vlaga je poprilično uništila, da vidimo koliko bi koštala da se ona restaurira jer zaista je to svima na ponos.

I na kraju da kažem da bih volio da vidimo balon na stadionu „Tušanj“. Sada nažalost jedan il dva čovjeka drže monopol nad rekreacijskim fudbalom i to sada košta 80 do 100 maraka sat vremena. Malo na Tušnjku bi smanjio, faktički uveo konkurenciju, smanjio tu cijenu

i volio bi da se to predloži ovim Budžetom. To je moj spisak želja ili oni projekti koje bi ja volio da se naprave od čega očekujem da će se barem tri, četiri projekta, da će se za njih naći mjesto u ovom novom Budžetu. Hvala lijepo.

NATAŠA PERIĆ

U redu. Hvala vam Omere. Zaključujem raspravu vijećnika.

Sada ću zamolit gradonačelnika, pošto će se on samo javiti da odgovori samo na pitanja koja su vijećnici...i molim vas kratko da odgovorite na sva pitanja. Znači, nema više rasprave i onda prelazimo na glasanje.

ZIJAD LUGAVIĆ – gradonačelnik Grada Tuzla

Ja vam se zahvaljujem na kvalitetnim diskusijama i na kvalitetnim prijedlozima a siguran sam da ćemo naći načina da određeni dio ovih prijedloga uvrstimo u naš Budžet i nađemo adekvatne načine za njihovu realizaciju, jel ja već kako ste vi raspravljali neke stvari sam već redao. Pa evo ja bih krenuo nekako redom da pokušam dati odgovore na što veći broj postavljenih pitanja.

APOTEKE dakle, da direktorica napravi neki prijedlog mijera koje će oni poduzimati. To je super zaključak, ali mislim da je pre-za-ka-sni-o, jel ovakve zaključke treba praviti kad se usvajaju izvještaji o radu i moj je prijedlog ovdje, obzirom da ste vi osnivači svih ustanova i svih preduzeća, da se malo svi ozbiljnije odnosimo prema izvještajima o radu i dajemo kvalitetne prijedloge tada. Jer direktorica je u svom kolko ja znam, kolko sam ga pročitao izvještaju navela razloge zbog čega je stanje ovakvo kakvo je, kakvo jeste. Navela je koje su to apoteke koje su nerentabilne, a to su opet apoteke za koje je Gradsko vijeće donijelo odluku da rade tamo. Pored tih apoteka imamo i privatne apoteke. Pa dajte da malo razmislimo o tim izvještajima, da vidimo možda neku možemo da zatvorimo, možda neke koje su blizu mogu da rade 4 sata u jednoj, četiri sata u drugoj. Dakle, postoji ni-z mogućnosti, al trebamo zajednički da raspravljamo kvalitetno kada je zato vrijeme. Slažem se sa ovim zaključkom. Svi direktori treba da razmišljaju na takav način, a ne saamo da traže pare od nas ovdje, jel vidimo da para isto kao u kućnom budžetu, isto i u Budžetu Grada Tuzle ne-mamo. Ovo je osnovna definicija ekonomije dakle, nepresušan izvor ideja uz ograničene resurse. To je osnovna ona definicija ekonomije. I mi kod kuće kad sebi svašta redamo šta ćemo uraditi kad primimo plaću, onda počnemo da križamo šta je ono što ne možemo da uradimo. E tako je, tako, tako je isto i ovdje.

Što se tiče VETERINARSKJE STANICE ja moram da ispravim sve krive navode. Veterinarskoj stanici ni-su umanjena sredstva. 100 hiljada konvertibilnih maraka koje su bile planirane u Službi civilne zaštite su po zahtjevu Veterinarske stanice radi bolje operativnosti, posebno na ovom dijelu, kako se već zove zbrinjavanja pasa lotalica, raspoređena sredstva 30 hiljada maraka je ostalo u Službi civilne zaštite i 70 hiljada je prešlo na ekonomski razvoj. Dakle, nisu smanjena sredstva, nego je samo došlo do ras-po-dje-le.

ŠTO SE TIČE, ŠTO SE TIČE OVDE ODMAH ĆU „NIRINE“ UZETI. „Nirina“ kad je imala 50 hiljada maraka iz Budžeta imala je šeststotina pasa. Danas ima nešto više od dvjesto. Dajte da realno pričamo o kompletnoj situaciji. Prije godinu dana je situacija po pitanju pasa lotalica bila odlična i Veterinarska stanica je preuzela na sebe dio odgovornosti i poslova da Komunalac što uhvati pasa oni ih zbrinjavaju i rješavaju i ja mislim da u tom kontekstu je preče da pomažemo na-šoj Veterinarskoj stanici koja, nad kojom imamo kontro-lu kvalitetniju i koji su stručnjaci u tom segmentu i da na takav način rješavamo ove probleme. Ako kolegice imate dvadeset pasa pa molim vas dajte, evo ja ću odmah pozvat direktora Komunalca da pošalje gore svoju službu i da pohvata te pse. Ja ne vidim razloga, svi znate direktore, svi imate brojeve telefona, pa takva stvar je nedopustiva znači, krenimo od lične odgovornosti. Svi smo dužni da

lično kontaktiramo odmah direktora, ako je to u njegovoj nadležnosti i da rješavam taj problem. Ja to stalno radim vjerujte. Ja sam na društvenim mrežama, gledam šta građani traže i samo prosljeđujem direktorima inicijative građana i zahtjeve građana i puno toga je i urađeno. Mislim da Komunalac radi dobar posao, a i po ovom segmentu će oni sigurno učiniti jednu stvar. Ovdje predlažem još jedan zaključak. (NATAŠA PERIĆ – Ne možete Vi zaključak.) Ne može zaključak. Još jednu stvar, ali ja ću inicijativu sa policijom da dogovorimo sastanak, jel prema podacima koje ja imam veliki dio pasa nam dolazi iz Republike Srpske. Znači, iz Lopara, Ugljevika, ostavlja se gore, pa sam neki dan imao sa poljoprivrednicima sastanak koji se žale da na potezu Požarnice, Ba-ra je puno pasa lualica. Dakle, moramo to zajednički rješavati, jel ovo nije samo problem koji mi kao Gradska uprava, vi kao vijećnici i naše preduzeće može rješavati, nego moramo otvoriti širu, otvoriti širu priču.

ŠTO SE TIČE „MEJDANA“ 60 hiljada maraka po njihovom zahtjevu ide na pumpe i bojlere za grijanje tople vode jel bez toga svlačionice neće funkcionisati. To je ono najneophodnije što je bilo potrebno da ide. Oni su aplicirali prema Federalnom ministarstvu okoliša s jednim projektom, utopljanja čini mi se objekta, a mogli su da apliciraju još sa stotinupedeset i nešto hiljada maraka na druge aktivnosti koje su nabrojali. I ovo je još jedna od stvari koju i vi kao vijećnici treba da znate kod raspravljanja u kojem pravcu treba naša preduzeća da idu i da ih mi vodimo zajedno.

ŠTO SE TIČE, ŠTO SE TIČE ISTO HAJDE JA ĆU REĆI SOBE SLAVNIH. Evo sada sam dobio. Dakle, tamo ima samo odgovor na vašu inicijativu gdje je nacrtana slika i stavljene četiri stavke koliko to košta. Jedna od te četiri stavke je naknada arhitekti za izradu projekta. Tolko. Samo da potvrdim ono što sam rekao.

ŠTO SE TIČE FINANSIRANJA, FINANSIRANJA POLITIČKIH PARTIJA dakle, u zakonu je 1% rečeno. Zbog čega je povećano 60 hiljada? Pa zbog tog što nam je priliv sredstava u ovom periodu u Budžet povećan. Zbog čega iduće godine je manji za 20 hiljada? Pa zbog tog što nam je pla-n prihoda manji u odnosu na realizaciju ove godine. E to je objašnjenje. Dakle, za-kon je rekao kako se to, kako se to određuje.

PJEŠAČKI MOST U SLAVINOVIĆIMA dakle, raspisan javni poziv. Javna nabavka pardon. Ispravljaju me stalno ja miješam javni poziv dakle, javna nabavka čim se okonča a nadam se da neće biti žalbi, pare imaju planirane u Budžetu idemo u izgradnju toga. Dakle, pravimo naš gradski most za pješake, a taj je javni, javna nabavka raspisana prije nekih skoro 20 dana možda, mjesec dana i mislim da je pri kraju, pri kraju završetak.

ŠTO SE TIČE MJESNE ZAJEDNICE SJENJAK do kraja novembra će biti raspisana javna nabavka za nabavku prostora Mjesne zajednice „Sjenjak“. 400 hiljada je planirano u ovome Budžetu. Nadam se da nećemo imati problema po pitanju te nabavke, odnosno nadam se da će se neko javiti. Jel je prvobitno bilo da smo imali jednu, čini mi se ili dvije, a imali smo dvjesto i nešto hiljada, pa nam nisu bila dostatna sredstva, pa smo sad obezbjedili veća sredstva, pa da vidimo dal ćemo moć, dal ćemo moć da nabavimo.

OVDE KADA SE GOVORILO ZBOG ČEGA SU SMANJENA SREDSTVA u dvadesetčetvrtj godini putna infrastruktura, održavanje mjesnih zajednica. Pa moramo biti svjesni da nam je manji Budžet nego, nego ove godine znači, negdje smo morali ljudi smanjivati. Al mislim da nam je preče socijalne i boračke da nam ostanu iste, da nam ekonomski razvoj ostane isti, nego da napravimo jedan ili dva puta. Mislim da mi moramo građane staviti u fokus, a najpotrebniji su nam i najznačajniji oni koji su u stanju bilo kakve potrebe, od individualnih lica, stanja socijalne potrebe. Boračka populacija nam je sve starija i sve bolesnija znači, moramo se brinuti o njima. Mi izdvajamo ogromna sredstva. Naj-veća sredstva kada se saberu s-ve opštine Tuzlanskog kantona i mi koliko izdvajamo zahvaljujući opet vama, mi izdvajamo više nego svi oni, a nismo imali više brigada nego svi oni kad se saberu. Nismo. Ovo je naša odgovornost prema onima koji su branili naš grad i dali svoje živote, dali svoje dijelove tijela. Znači, veoma bitno, veoma bitno da to, da to održimo. Isto tako za penzionere.

NAŠA PREDUZEĆA dakle, moramo...Ja sam s njima već razgovarao. Prvo mi moramo u Gradskoj upravi krenuti da još više apliciramo na prema međunarodnim organizacijama, prema Federalnim nivoima vlasti, državnim nivoima vlasti i da probamo osvojiti za iduću godinu što veća sredstva iz toga. Evo prvi nam je sad izazov ima Federalno ministarstvo za raseljena lica je u ponedjeljak čini mi se, 23-ćeg raspisalo javni poziv koji je otvoren. Ne znam tačno do kada. Gdje se do 2 miliona može aplicirat. Ja sam odmah u ponedjeljak napravio sastanak i napravili smo zaduženja da ko šta treba da pripremi da bi na vrijeme dostavili su dokumentaciju i da probamo povući maksimalno sredstava kolko možemo da povučemo. Tu će nam trebati vaša pomoć i vi se nećete ljutiti ako meni bude negdje zatrebala vaša podrška da vas zovem i da idemo zajedno da radimo ove, ove stvari.

ŠTO SE TIČE POLJOPRIVREDNE PROIZVODNJE dobro je da je ona ostala na istome nivou, jel opet se kažem, ovdje ćemo tražiti pare od drugih. Evo ja ću vam odmah dati informaciju da smo na osnovu naše intervencije. Pošto ove godine nismo mogli, neg svake druge možemo. Uvršteni smo kod Muslim Ajda dakle, za dodjelu granta za iduću godinu. Čini mi se da je to nabavka bila prošle godine 20 plastenika za mlade osobe u socijalnoj potrebi. Dakle, evo samo jedan od projekata na koji ćemo aplicirat i dobiti dodatna, još dodatna sredstva. To je taj naš proaktivni pristup koji ćemo koristiti da obezbjedimo sredstva od drugih, a da na takav način povećavamo Budžet. Evo što se tiče oblasti poljoprivrede.

GRADONAČELNIKU SE NE POVEĆAVA KOEFICIJENT ostaje i-sti. Samo još jednom da napomenem, al se morao nalaziti u onoj tabeli, tako su, tako su rekli ostali, usklađivanje sa zakonom. (SLAĐANA KRAJINA – Ni sekretaru.) I sekretaru. (NATAŠA PERIĆ – Ni sekretaru.) Ni sekretaru. Evo. Ispravka krivog navoda. Gradonačelniku i sekretaru.

SREDSTVA ZA IZBORE U MJESNIM ZAJEDNICAMA su planirana i u Budžetu, Nacrtu Budžeta za 2024. godinu i sredstva za ove lokalne izbore su također planirana, što nam je i zakonska obaveza. Tako da što se nas tiče kao Gradske uprave mi planiramo sredstva, a vi provodite proceduru pa vidite šta ćete. (NATAŠA PERIĆ – Politika.) Vidite šta ćete. Mi smo obezbijedili preduslove.

CENTAR ZA SOCIJALNI RAD dakle, Centru za socijalni rad ni-su smanjena budžetska sredstva za dvadesetčetvrtu godinu. U dvadesetčetvrti su ona iznosila milion i 414 hiljada, u dvadesetčetvrti je plan 1. 523.000. Ono šta ste vi vidjeli 800.000 je dakle, prihod njihov koji je vanjski od strane Federalnog dakle, nivoa vlasti koji je zakonom propisan i oni sufinansiraju njihove plate i on se uplaćuje na mjesečnom nivou, tako da će se ovaj iznos od 1.523.000 konvertibilnih maraka iduće godine svaki mjesec uvećavati za transfer sredstava po pitanju ovog granta koji jeste. Tako da ni-su smanjena sredstva, nego su, nego su uvećana iz Budžeta.

ŠTO SE TIČE TOPLIFIKACIJE BUKINJA I DRUGIH MJESNIH ZAJEDNICA sad su me obavijestili da će vrlo brzo za neku od narednih sjednica biti pripremljen novi zoning plan kojim moramo da obuhvatimo sad šire pojase kojim ćemo reći idemo sa toplifikacijom i onda ćemo krenuti u realizaciju ovih aktivnosti.

NABAVKA, NABAVKA OVIH PLASTIČNIH KANTI PO MJESNIM ZAJEDNICAMA ide i dalje. Ali mi ćemo evo prvi u Bosni i Hercegovini iduće godine prvo u centru grada ugraditi podzemne kante. Dakle, to je što sam ja vidio u Štutgardu kad sam bio, gdje se neće prosipati ništa više po trgovima, po parkovima, nego će sve biti podzemno i vaditi će se na takav način, sadržaj toga i gdje ćemo napraviti još bolji ambijent i ugođaj na području našeg grada. To već pripremamo pilot-projekat kako to treba da izgleda, kolko da košta i iduće godine idemo u realizaciju. Ako ne budemo ovo realizovali kriv je šef Službe za komunalne poslove. (NATAŠA PERIĆ – Dobro.) Pa da neko ima kriv, nije samo ja ovdje. Dobro.

MOBILIJAR NA DJEČIJIM IGRALIŠTIMA to smo rekli da već ide to, nastavljamo. Mislim da je to prijeko potrebno već sam rekao da smo pokazali već i dokazali senzibilitet prema, prema djeci sa poteškoćama u razvoju. (NATAŠA PERIĆ – To je to.) Radit ćemo i na

izradi projekata. I još nešto što ću vas možda tek iduće Vijeće upoznat, neću da trčim pred rudu, a vidjet ćete da korespondira sa ovim današnjim izlaganjima. A nešto što ja planiram već sigurno četiri, pet, četiri pet mjeseci.

I JOŠ SAMO JEDNA STVAR I TIM ĆU ZAVRŠIT EKONOMSKI RAZVOJ dakle, broj preduzeća ne utiče na povećanje našeg Budžeta 20 ili 30% zbog tog što to nije direktni prihod Grada Tuzle, nego se ta sredstva dakle, prikupljaju na nivou Federacije u obliku direktnih i indirektnih poreza i onda se raspoređuju na kantone, kod nas u Federaciji na opštine, a prethodno se umanju za kreditno zaduženje. Zbog čega je kod nas ovakvo stanje? Pa zbog tog što je to kreditno zaduženje iz godine u godinu sve veće i veće pa mi nemamo to povećanje od 20% pošto je na državnom nivou, odnosno entitetskom nivou, nego imamo evo od 10% i to ne zahvaljujući prihodima ova od direktnih i indirektnih poreza, nego zahvaljujući prihodima od plaća. A ekonomski razvoj utiče na kvalitetniji život i cjelokupan razvoj grada i veoma je, veoma je bitan, al evo ne utiče toliko da možemo vidjeti 20 il 30% povećanje Budžeta. (NATAŠA PERIĆ – Hvala.) Ovo je još jedan dokaz da ćemo zajedno morati raditi na osvajanju sredstava iz drugih izvora u idućoj godini. A evo kao što sam rekao iduće Vijeće ili ono decembarsko ću vam ja predočiti na koji način ćemo to moći kvalitetno uraditi.

NATAŠA PERIĆ

Hvala gradonačelnice na...Hvala gradonačelnice na iscrpnom objašnjenju.

Sada stavljam na izjašnjavanje pod:

a) ODLUKU O IZMJENAMA I DOPUNAMA BUDŽETA GRADA TUZLE ZA PERIOD 01.01. DO 31.12.2023. i molim vijećnike da se izjasne. Glasanje je okončano. Poništavam glasanje. Poništavam glasanje. Moraju glasati svi koji su u sali. (SLAĐANA KRAJINA – Evo sad će samo da promjeni bateriju.) Molim samo još za malo pažnje. Možel to?

Pozivam vijećnike da se izjasne o tački a) koju sam već pročitala.

Alene? Esana? Znači, ovamo prema govornici. Glasanje je okončano.

Konstatujem da je ODLUKA O IZMJENAMA I DOPUNAMA BUDŽETA GRADA TUZLE ZA PERIOD 01.01. DO 31.12.2023. usvojena sa,
29 glasova za, nije bilo protiv i nije bilo suzdržanih.

Sada stavljam na izjašnjavanje ODLUKU O DOPUNI ODLUKE O IZVRŠAVANJU BUDŽETA GRADA TUZLE ZA 2023. Molim vijećnike da se izjasne. Glasanje je okončano.

Konstatujem da je ODLUKA O DOPUNI ODLUKE O IZVRŠAVANJU BUDŽETA GRADA TUZLE ZA 2023. usvojena sa,
29 glasova za, nije bilo protiv i nije bilo suzdržanih.

Sada stavljam na izjašnjavanje NACRT BUDŽETA GRADA TUZLA ZA PERIOD 01. 01. DO 31. 12. 2024. i molim vijećnike da se izjasne. Glasanje je okončano.

Konstatujem da je NACRT BUDŽETA GRADA TUZLA ZA PERIOD 01. 01. DO 31. 12. 2024. usvojen sa,
29 glasova za, nije bilo protiv i nije bilo suzdržanih.

Sada stavljam na izjašnjavanje. Samo malo. NACRT ODLUKE O IZVRŠAVANJU BUDŽETA GRADA TUZLA ZA 2024. Molim vijećnika da se izjasne. Glasanje je okončano.

Konstatujem da je NACRT ODLUKE O IZVRŠAVANJU BUDŽETA GRADA TUZLA ZA 2024. usvojen sa,
29 glasova za, nije bilo protiv i nije bilo suzdržanih.

Stavljam na...Sada stavljam na izjašnjavanje ODLUKU O NAČINU PROVOĐENJA JAVNE RASPRAVE. Mirele? Glasanje je okončano.

Konstatujem da je ODLUKA O NAČINU PROVOĐENJA JAVNE RASPRAVE usvojena sa,

29 glasova za, nije bilo protiv i nije bilo suzdržanih.

Zamoliti ću samo sekretara Gradskog vijeća da pročita tri zaključka koje smo obavezni da usvojimo.

SLADANA KRAJINA – sekretar Gradskog vijeća Tuzla

1. Gradsko vijeće Tuzla traži od Gradonačelnika Grada Tuzle i Službe za budžet i finansije da razmotre i analiziraju prijedloge, primjedbe i sugestije svih vijećnika, date tokom rasprave o Nacrtu Budžeta Grada Tuzle za period 01. 01. - 31. 12. 2024. godine i Nacrtu Odluke o izvršenju Budžeta Grada Tuzle za period 01. 01. - 31. 12. 2024. godine.

Zadužuje se Stručna služba Gradskog vijeća da gradonačelniku Grada Tuzle i Službi za budžet i finansije dostavi izvod iz stenograma sa 32. redovne sjednice Gradskog vijeća Tuzla, u dijelu rasprave o Nacrtu Budžeta Grada Tuzle za period 01. 01. - 31. 12. 2024. godine i Nacrtu Odluke o izvršenju Budžeta Grada Tuzle za period 01. 01. - 31. 12. 2024. godine.

3. Gradsko vijeće Tuzla traži od gradonačelnika i Službe za budžet i finansije da one prijedloge, primjedbe i sugestije vijećnika date tokom rasprave a koje se odnose na javna preduzeća i javne ustanove čiji je osnivač ili suosnivač Grad Tuzla ili na druge organe, ustanove i institucije, istima prosljede na razmatranje odnosno postupanje.

NATAŠA PERIĆ

Molim vijećnike da se izjasne o pročitanim zaključcima. Glasanje je okončano.

Konstatujem da su pročitani zaključci usvojeni sa,

29 glasova za, nije bilo protiv i nije bilo suzdržanih.

Zahvaljujem se gradonačelniku i Službi za budžet i finansije i vijećnicima koji su učestvovali u diskusiji.

Dajem pauzu od 30 minuta. (Pauza.)

ĆERIM RASTODER- zamjenik predsjedavajućeg Gradskog vijeća Tuzla, -samostalni vijećnik

Uvažene kolegice i kolege, s obzirom na vrijeme, ima dovoljno, s obzirom da smo od trinest tačaka samo jednu tačku do sada završili, nadam se da ćemo malo bit kooperativniji kako bi ovih narednih dvanest, trinest tačaka završili u nekom razumnom vremenu.

Prelazimo na drugu tačku:

RAZMATRANJE I USVAJANJE:

a) NACRTA PROGRAMA RADA GRADSKOG VIJEĆA TUZLA ZA 2024. GODINU

b) ODLUKE O NAČINU PROVOĐENJA JAVNE RASPRAVE O NACRTU PROGRAMA RADA GRADSKOG VIJEĆA TUZLA ZA 2024. GODINU

Predlagač je: Kolegij Gradskog vijeća.

Obrađivač: Stručna služba.

Materijal su razmatrali: Komisija za statutarna pitanja, Komisija za ekonomske odnose, Komisija za poduzetništvo, Komisija za komunalne poslove, Komisija za prostorno uređenje, Komisija za mlade i obrazovanje, Komisija za zaštitu prava nacionalnih manjina, Komisija za kulturu i očuvanje kulturno - historijskog naslijeđa, Komisija za izbor i imenovanja, Komisija za ljudska prava i slobode i klubovi vijećnika.

Da li ima potrebe da nam se obrati obrađivač akta? (Ne). Hvala.

Da li ima potrebe da se pročitaju izvještaji komisija? (SLAĐANA KRAJINA - Ima, ima kvorum). Ima, ima kvorum.

Da li ima potrebe da se pročitaju izvještaji komisija? (Nema). Dobro.

Otvaram raspravu klubova vijećnika. Hvala.

Zatvaram raspravu klubova vijećnika.

Otvaram raspravu vijećnika. Vijećnik Berbić.

OMER BERBIĆ

Hvala ljepo. Pa evo, program rada Gradskog vijeća opet je u Nacrtu, pa shodno tome se javljam da predložim neke stvari za koje mislim da su jako bitne, a koje ovim programom nisu tretirane. Prije svega, kao i što sam prošli puta govorio, mislim gradonačelnik nama da izvještaj o svom radu na kraju godine i mislim da bi bilo dobro da ga na početku same godine stavimo na neku uvodnu tačku i da kaže šta on planira raditi, kako planira raditi, šta su prioritete te godine, šta nisu prioritete te godine, pa da onda možemo ocijeniti rad gradonačelnika na neki način na kraju godine, ili evo pohvaliti kao što sam ja sada pohvalio bio kada je bio Nacrt budžeta ili na neki način reći da se nešto nije završilo što je bilo obećano. Mislim da je to na nekom menadžerskom principu dobra stvar, jer kada imate i firmu, kad radite bilo šta u životu imate neki zacrtani plan, program i ako prebacite taj plan, program, svaka čast. Ako ga ne prebacite, onda se barem mi kao Gradsko vijeće imamo za nešto uhvatiti i reći, ovaj gradonačelnik je bilo obećano (ĆERIM RASTODER – Molim malo tiše) to, to i to i da li postoje realni razlozi za to. Zato ja mislim da bi bilo dobro da mi na početku same godine i u januaru ili u februaru imamo takvu vrstu izvještaja gradonačelnika i da imamo na kraju godine izvještaj, imamo izvještaj gradonačelnika na kraju godine. I to mislim da bi ukomponovalo jedno drugo.

Dalje ovdje ja ne vidim kada su nam planirani izbori u mjesnim zajednicama. Volio bi da se na Kolegiju donese pitanje, odnosno donese neki datum kada ćemo mi uskladiti sve statute mjesnih zajednica sa statutom Grada i da dođe do zaista izbora u mjesnim zajednicama, jer nema više smisla. Mi kršimo sam statut koji smo donijeli.

I zato ovdje i predlažem zaključak da se Komisiji, jel za statutarna pitanja? Jel se tako zove komisija? Da se, da, da, da se dostavi na tumačenje da li Grad Tuzla krši statut koji je sam donio, odnosno da li je Grad Tuzla u nekoj vrsti prekršaja ovakvog ili onakvog? Tako da bi volio autentično tumačenje Komisije povodom, povodom ovog pitanja.

Treća stvar za koju mislim da je jako bitna, koju smo spominjali i prošli puta kada je bilo pitanje FK Slobode, RSD-a, OKK-a Slobode, koje mi finansiramo kumulativno više od milion dvjesto, tristo hiljada maraka. Mislim da je to možda jedini veliki potrošač. Kad kažem veliki potrošač, mislim na preko sto hiljada koji nam ovdje ne podnese nikakav izvještaj. I mi smo ovdje donijeli jedan zaključak da ćemo pozivati FK Slobodu i ostale klubove unutar RSD-a, da svoj izvještaj predoče Vijeću i da vidimo mi šta se radi s našim novcima i na koji način ide taj cijeli proces.

I zato bi volio da Kolegij, odnosno evo i Nacrtu, pa da mi kasnije u samom prijedlogu rada imamo i taj izvještaj FK Slobode, odnosno OKK-a Slobode, odnosno RSD, RSD Slobode, pa da vidimo šta nam je, šta nam je od toga najbitnije. FK je naravno najveći potrošač i ja mislim da je jako bitno da čujemo njihovu stranu priče i da vidimo šta se dešava, šta se dešava na Tušnju.

Eto toliko od mene u Nacrtu i nadam se da će se u prijedlogu ove stvari uvažiti i da ćemo zajedno glasati za bolji program rada Gradskog vijeća za dvadeset četvrtu godinu. Hvala ljepa.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Zahvaljujem se kolegi Omeru. Ima li još diskutacija? Ako nema, zamolio bi samo sekretara da nam da kraće obrazloženje vezano za ove prijedloge zaključaka.

SLAĐANA KRAJINA – sekretar Gradskog vijeća Tuzla

Pa ja ne znam, vi znate da je Kolegij Gradskog vijeća predlagač ovog akta, pa predlaže da i kod ove tačke, kao i kod prethodne, da se stenogram sa sjednice dostavi Kolegiju, da Kolegij razmotri ove prijedloge i primjedbe, jer Kolegij je predlagač, Stručna služba je obrađivač. I da se zaduži Služba da dostavi izvod. (OMER BERBIĆ - Mogu li ja inicijativom tražit od njih...). Možete naravno. Možete naravno, ali...(OMER BERBIĆ - Evo, ja ću povući ovaj zaključak, samo da...Ugasite mikrofon). Hoću.

OMER BERBIĆ

Evo ja povlačim ovaj zaključak, a inicijativom ću tražit autentično tumačenje od strane Kolegija.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Dobro. Dobro. Zahvaljujem se.

Stavljam na izjašnjenje. U stvari predlažem da i pod tačkom a) i b) odmah glasamo ako je izvodljivo sad. (SLAĐANA KRAJINA – Može). Može.

Stavljam, znači, na izjašnjenje pod a) NACRT PROGRAMA RADA GRADSKOG VIJEĆA ZA 2024. GODINU, pod b) ODLUKU O NAČINU PROVOĐENJA JAVNE RASPRAVE O NACRTU PROGRAMA RADA GRADSKOG VIJEĆA TUZLA ZA 2024. GODINU. Molim vas da pristupimo glasanju.

Glasanje okončano.

Konstatujem da je Nacrt i Odluka dobila
23 glasa za, nije bilo suzdržanih, niti je bilo protiv.

Idemo onda zaključak.

SLAĐANA KRAJINA – sekretar Gradskog vijeća Tuzla

Kolegij Gradskog vijeća će razmotriti prijedloge, primjedbe i sugestije, date tokom rasprave o Nacrtu Programa rada Gradskog vijeća za 2024. godinu. Zadužuje se Stručna služba

Gradskog vijeća da članovima Kolegija Gradskog vijeća dostavi izvod iz stenograma sa 32. redovne sjednice Gradskog vijeća Tuzla, u dijelu rasprave o Nacrtu Programa rada Gradskog vijeća Tuzla za 2024. godinu.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Molim vas da pristupimo glasanju. Hvala.
Glasanje okončano.
Konstatujem da je pročitani zaključak sa,
24 glasa za dobio podršku, nije bilo protiv niti suzdržanih.

Prelazimo na treću tačku Dnevnog reda:

**RAZMATRANJE I USVAJANJE ODLUKE O DODJELI JAVNIH PRIZNANJA
U 2023. GODINI**

Predlagач je: Komisija za odlikovanja i priznanja.
Obradivač: Stručna služba Gradskog vijeća.
Materijal su razmatrali: Komisija za statutarna pitanja i propise i klubovi vijećnika.

Da li ima potrebe za uvodno izlaganje? (Nema). Hvala lijepa.
Da li ima potrebe da se pročitaju izvješaji komisija? (Nema).
Otvaram raspravu klubova vijećnika.
Zatvaram raspravu klubova vijećnika.
Otvaram raspravu vijećnika. Vijećnik Berbić.
Molim vas, molim vas bez...

OMER BERBIĆ

Ništa, ja ću brzo naravno. Čestitam svim budućim dobitnicima. Želim da izdvojim prvo gospodina Berkslanda, koji će dobit nadam se ovu titulu koja je sada ovdje predložena. Mislim da je čovjek koji je puno, puno uradio i da je ovo na neki način da mu se mi zahvalimo. On je između ostalog za one koji ne znaju zadužen što smo mi ovdje dobili BIT centar. On je bio taj koji je izlobirao taj projekat. Ja znam da se ovdje neki volili, ovaj, kitit tuđim perjem, al on je bio zaslužan. Mislim da je tom čovjeku ovo nešto najmanje što smo mogli dat, da ne govorim o nekim drugim stvarima, oko bolnica i tako dalje i tako dalje, što je radio i što je dao, posvetio veliki dio svog života Tuzli i želim da čestitam (ĆERIM RASTODER – Malo tiše molim vas) i našem kolegi, našem kolegi vijećniku Jovanoviću, nadam se kada to izglasamo na, na evo ovom, ovom priznanju koje je dobio ispred vrlo respektabilnih nevladinih organizacija. Eto. Hvala ljepo.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Zahvaljujem se kolegi Omeru. Pridružujemo se i mi, znači, čestitkama i molim vas da se izjasnimo o Odluci o dodjeli javnih priznanja za 2023. godinu.

Glasanje okončano.

Konstatujem da je Odluka o dodjeljivanju javnih priznanja u dvajstrećoj godini usvojena sa 22 glasa za (SLAĐANA KRAJINA – Svi vijećnici koji su u sali moraju glasat.

Poništite glasanje). Poništavam glasanje. (SLAĐANA KRAJINA – Budite suzdržani ili izadite). Molim vas, molim vas da pristupimo glasanju po navedenoj odluci.

Glasanje...Anele. Glasanje okončano.

Konstatujem da je Odluka o dodjeli javnih priznanja u dvajstrećoj godini usvojena sa, 23 glasa za, nije bilo protiv, niti je bilo suzdržanih.

Prelazimo na tačku četiri Devnog reda:

RAZMATRANJE I USVAJANJE:

a) NACRTA DRUGE IZMJENE DIJELA OBUHVATA IZMJENE REGULACIONOG PLANA PROSTORNE CJELINE „STUPINE“ U TUZLI

b) NACRTA ODLUKE O IZMJENAMA I DOPUNAMA ODLUKE O PROVOĐENJU IZMJENE REGULACIONOG PLANA PROSTORNE CJELINE “STUPINE“ U TUZLI

c) NACRTA ODLUKE O PROVOĐENJU DRUGE IZMJENE DIJELA OBUHVATA IZMJENE REGULACIONOG PLANA PROSTORNE CJELINE “STUPINE“ U TUZLI

d) PROGRAM JAVNE RASPRAVE O NACRTU DRUGE IZMJENE DIJELA OBUHVATA IZMJENE REGULACIONOG PLANA PROSTORNE CJELINE „STUPINE“ U TUZLI

Predlagač: gradonačelnik Grada.

Obrađivači: UO Zavod za urbanizam i Služba za prostorno uređenje i zaštitu okoline.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Da li ima potrebe za uvodnim izlaganjem? (Ima). Dobro.

Zamolio bih kolegicu za kraće uvodno izlaganje koje...Znači, imate...Po Poslovniku možete do petnest minuta, al to može da bude i kraće. Vi procijenite.

GORDANA JAKOVAC – BAJREKTAREVIĆ - Šef Odjeljenja za prostorno planiranje, razvoj i zaštitu okoline

Pa evo, ja ću biti kratka, neću biti sama, pa evo... Pozdravljam sve prisutne. Ja sam Gordana Jakovac – Bajrekaterević. Dolazim ispred nosioca pripreme planskog dokumenta, odnosno Službe za prostorno uređenje i zaštitu okoline Grada Tuzla, kako bih kroz uvodnu riječ obrazložila koji su dokumenti danas predmet usvajanja. Naime, želim nas sve malo podsjetiti, obzirom da su konfuzna možda malo ime...ovi nazivi odluka, ali evo da samo podsjetim sve da smo u septembru 2017. godine donesena Odluka o provođenju Regulacionog plana, čiji je osnovni naziv izmjena Regulacionog plana prostorne cjeline Stupine u Tuzli i on se odnosi na ovaj cijeli obuhvat od transverzale T-7 na istoku, do transverzale T-6, odnosno ulice ZAVNOBiH-a na zapadu, rijekom Jalom i ograničen je ulicom Maka Dizdara. Taj osnovni dokumenat je u tekstualnom dijelu mijenjan u decembru 2019. i u 2020. godine, kada su tim izmjenama su se dale mogućnost prevazilaženja određenih prepreka i pravnih dilema i omogućena je efikasnija realizacija projekata izgradnje u okviru ovog planskog dokumenta.

U julu 2021. godine donesena i Odluka o izmjenama i dopunama osnovne odluke, znači, za cijeli obuhvat i naravno provođenje, donesena je odluka naistočniji dio obuhvata koji je ograničen, znači, isto ulicom 15. Maja, zatim rijekom Jalom i ulicom Maka Dizdara. Tako da obzirom da se ovom izmjenom nije mijenjala koncepcija Regulacionog plana, tada je cijela

procedura rađena po skraćenom postupku. A sve se opet radilo u cilju efikasnije realizacije projekta izgradnje.

Nakon svih ovih izmjena, znači, važeći planski dokumenat, na važeći planski dokumenat i u skladu sa zakonom i metodologijom, na sjednici Gradskog vijeća održanoj dana 30.05. ove godine, usvojena je Odluka o pristupanju drugoj izmjeni osnovnog Regulacionog plana, a na osnovu inicijative koju je zajedno sa prijedlogom izmjene podnio vlasnik Hotela Dženex d.o.o. Tuzla i to za zapadni dio obuhvata, koji uglavnom obuhvata Hotel sa okolnim zemljištem, tako da, koji se znači opet isto njega ograničava rijeka Jala, znači, ulica Maka Dizdara sa istočne i sa južne strane i sa zapadne strane ulica ZAVNOBiH-a i ona ima neku površinu od cirka dva hektara.

Kao razlog za pokretanje te navedene inicijative, tada smo rekli i što još uvijek i jeste, rješavanje problema koji je nastao u ranijem periodu, kada je u postupku privatizacije kompleks Hotela „Tuzla“ ostao bez osnovnog sadržaja parkinga koji je bio na južnom dijelu, znači, gdje su sada izgrađeni stambeni objekti i samim tim je ugrožena funkcionalnost i održivost ovog veoma važnog gradskog sadržaja.

Obzirom da je „Dženex“ u 2022. godini, postao vlasnik Hotela „Tuzla“ i okolnog terena, te započeo sa investicionim ulaganjem u obnovu Hotela, kao najveći problem je prepoznao nedostatak parking, adekvatnog parking prostora, što za posljedicu može imati gubitak turističke kategorije i zaustavljanje poslovanja.

U toku same izrade ovog planskog dokumenta u Nacrtu, Upravna organizacija Zavod za urbanizam kao nosilac izrade, analizirajući dostavljeni idejni projekat, urađen od strane Studio Kreitmayer d.o.o Ljubljana, zatražio je i geološko mišljenje o mogućnosti izgradnje predložene tri podzemne etaže garaža, pošto je to bio osnovni način i koncept rješavanja parkiranja na ovom području i nakon sagledavanja elaborata od strane tima geologa koji rade u Gradskoj upravi je praktično rečeno, odnosno predloženo da se mogu izvoditi maksimalno dvije podzemne etaže umjesto predložene tri. Na osnovu tog podatka, te na osnovu podataka dobijenih od imaoča infrastrukture na predmetnom lokalitetu, a u skladu sa odredbama Odluke o provođenju prostornog plana grada i u skladu sa metodologijom izrade planskih dokumenata nosioci pripreme i izrade su pripremili planski dokumenat u Nacrtu koji predstavlja drugu izmjenu osnovnog planskog dokumenta. A planirani zahvat u prostoru se uklapa u koncepciju osnovnog Regulacionog plana.

Izgradnjom podzemnih etaža u kojima je planirano parkiranje vozila bi se prije svega riješio nedostajeći broj parking mjesta za Hotel. Za potrebe Hotela preostali dio parking mjesta bi koristio korisnicima planiranog stambeno – poslovnog objekta i ostalih potencijalnih korisnika iz naselja Stupine.

Odlukom o provođenju druge izmjene osnovnog Regulacionog plana utvrđuju se uslovi korištenje, izgradnja objekata uređenje i zaštite prostora i dobara na tretiranoj prostornoj cjelini. Na području obuhvaćeno Regulacionim planom definisani su objekti, znači, podzemne garaže sa istočne, sjeverne strane i evo kao što vidite i ove i zapadne i naravno jedan stambeno – poslovni objekat i naravno i dalje se zadržavaju saobraćajne površine, pješačke površine, zelene površine, da se i dalje taj dio prostora bude u nekom, za korištenje javnog, javno korištenje.

Obzirom da se izmjenom dijela Regulacionog plana mijenjaju određene odredbe osnovnog planskog dokumenta. Zato imamo ovaj drugi planski dokumenat. Odluka o provođenju izmjenama Regulacionog samog osnovnog planskog dokumenta.

Ukoliko Gradsko vijeće donese Odluku o izmjenama i dopunama osnovnog planskog dokumenta, te Odluku o...drugu izmjenu, provođenju druge izmjene osnovnog planskog dokumenta, iste će ići u proceduru javne rasprave prema programu koji je sastavni dio materijala koji smo, koji ste naravno dobili.

Koncepciju planiranog zahvata u predmetnom obuhvatu će detaljnije prezentirati njegov idejni tvorac, gospodin Srećko Kreitmayer, koji je ujedno i autor postojećeg kompleksa Hotela izgrađenog osamdesetih godina prošlog vijeka. A i jedna interesatna činjenica koju sam čula upravo prije samog izlaska je da je gospodin Srećko Kreitmayer rođen baš na ovom spratu, prije 83 godine i za dva dana bi mu bio rođendan, tako da evo čisto jedna mala informacija.

Eto. Toliko, a evo sad bih pozvala gospodina Srećka da, da kaže o tehničkom rješenju i sve ostalom.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Izvolite gospodine. Znači, petnestak minuta je ukupno. Kolegica je uzela pola. Vi se nadam se da ćete se uklopiti u ostalo.

SREĆKO KREITMAYER – dipl.ing.arhitekture, Studio Kreitmayer d.o.o. Ljubljana

Hvala. Pored ovako napornog posla koji ste imali danas da i nas da imate vremena i nas saslušate. Suštinu je rekla kolegica. Ja bi vam prezentirao skoro sa tehničke strane, što kraće.

Vidili ste osnovni vitalni problem, to je znači adekvatan prostor za zamjenu parkinga. Urbanisti su jedino rješenje i to bi trebalo da bude praksa općenito da se te garaže stave ispod zemljišta. Ali, Urbanizam je postavio zahtjev logičan i legitiman da zadržimo niveletu postojeću. I ono zelenje i da ispod toga radimo garaže. Znači, nema nikakvih deformacija, novih objekata na, ovaj, površini terena.

S druge strane, mi smo bili limitirani utjecajem Jale, pa se moralo odustati od tri garaže da se ide na dvije, podzemna voda Jale. Onda time imate glavni konektor isto uz Jalu koji diktira šta smijete napraviti, sa ovaj, zapadne strane imamo jedan kanal koji opet diktira udaljenosti. Tako da je to jedan složen, kako bi reko zahvat, al moram se zahvaliti kolegicama i kolegama iz Zavoda i Službe, jer su nam pomogli i tumačili propise i to smo stalno usklađivali, tako da je taj projekat evoluirao do te granice da vam ga možemo pokazati.

Ako imate vremena, kad bi samo preletjeli vizualno bez da komentiramo, da se podsjetimo sa par slika na Hotelu kakav je bio i par slika koje govori u kakvom je stanju zatečen Hotel sada, jer i to je jedna suština problematike ovdje. Ovdje već zatečeno stanje...možeš ti to. Vi pogledajte do koje mjere je devastirano to. I to vitalni programi bazena, banket sala, restorana. Znači, spominjem to, radi toga što moramo biti korektni prema ulagaču. Nije problem samo nadomjestiti garaže. A garaže za mene donose neki profiti. Nego on cijelo vrijeme paralelno mora sanirati ovaj Hotel. Radi toga i pao prijedlog da se napravi jedan objekat koji bi impresionirao donekle te ogromne troškove.

Evo ovdje vidite. Ovo je dispozicija prizemlja, gdje vidite da su zadržane sve ove zelene površine. Objekat je, koji vidite u desnom onome uglu. On, to bi bila jedina pozicija koja nije smetala ni okolnim objektima ispunila sve uvjete distance provjetravanja instalacija na ostale objekte.

A s druge strane. Možeš vratiti...vratiti mi garaže. Vidite kako smo postavili garaže. Da bi dobili taj kapacitet, morali smo koristiti cijeli ovaj obim. Prvo smo pokušali sa ovom, uz ulicu AVNOBiH-a kod glavnog ulaza. Tu nam nije bilo dovoljno kapaciteta. Onda smo išli na istočnu stranu koja je najpovoljnija za izvedbu jedne racionalne garaže. Tu smo negdje bili na knapu, tako da smo povezali i ovaj sjeverni dio uz Jalu. Tu ima (nerazgovjetno izgovorena riječ op.a.). Ima tu svega. Da vas sad ne zamaramo. Ima problema postojećih instalacija. Neke moramo izmjestiti. Neke od Hotela moramo direktno voditi. Sve je to utjecalo da li je dva nivoa

garaža ili jedan nivo garaža. Primarno je da geolozi u geomehanici nisu dozvolili da idemo na tri nivoa, jer to je bio limit koji je vezan na Jalu.

E sad, možemo pokazivat svaku posebnu garažu kako se racionalno, kako se evakuacijski puti, kakvi su, kako su riješeni da se ne miješaju, ovaj, promet i pješaci. Mislim da je kod toga učinjeno sve što je trebalo i oko vatrogas...problema gašenja požara i eventualne evakuacije, ovaj, ovdje koji su...Ovo je za spomenut.

Kad imamo ta tri povezana, taj vezni dio recimo da nije sa stajališta otkrivanja ovih potreba, nije nužda. Ovdje čak i najteži za izvest, jer morate vodit računa o nekim kotama ulaza u podrum koje diktiraju.

A s druge strane, to ova veza daje neke mogućnosti različite, ovaj, eksploatacije. Mi ne znamo kad će kome trebat koji dio. Kada će ko imat gostiju. Šta će se dogodit. I onda ova komunikacija. Ona je uvijek protočna. Dobivamo direktne, ovaj, tople veze sa Hotelom i s tim bi mi zadovoljili sve ono što se pretpostavlja.

Vidite, to je taj visoki objekat. Očeš ga malo dat jer neću vidjet (SLAĐANA KRAJINA – Ja se samo izvinjavama gospodine. Ako možete samo bliže mikrofону zbog stenograma. Nećemo moć...Moramo). Nisam ja naviko na ove stvari. Dobro. Pogledajte, dali smo jedan visoki objekat koji, kad pogledate na Stupinama imate dva ova visoka objekta. Nama kad smo gledali tu dispoziciju nije to bila stabilna forma. I mi smo išli sa ovim trokutasnom pozicijom visokog dijela da ćemo moć pomoći Urbanizmu. To bi bio jedan ovako za mene visoki objekat, koji bi i sa svojom obradom i sa ovim perforacijama gdje imamo, to su ozelenjene terase, ovaj, samo pomoglo da, da ovaj kompleks Hotela nanovo zaživi, jer on je nekad vi znate valda ima još neko tih godina kakav je taj Hotel bio prije i faktički sada je to jedna devastirana zakrpana površina.

A od vas, kao ovlaštenih, da tako kažem, zastupnika grada, mi očekujemo da nam pomognete da iskoristimo ovu priliku. Da objektu opet damo onaj značaj koji je on imo za grad. Ne bi ja...Hvala.

ĆERIM RASTODER- zamjenik predsjedavajućeg Gradskog vijeća Tuzla, -samostalni vijećnik

Zahvaljujem. Zahvaljujem se kolega. Evo možete ovdje sjest, ovaj, pa ako bude kakvih pitanja, a bitno je da ima ovdje još stručnih službi, pa evo kroz diskusiju ako bude kakvih pitanja da pokušamo da damo odgovor.

Da li ima potrebe da se pročitaju izvještaji komisija? (Ne). Dobro. Hvala.

Otvaram raspravu klubova vijećnika, uz napomenu da smo mi o ovoj tematici i na prošlom Kolegiju i na nekim drugim vanrednim sastancima govorili da je grupa vijećnika razgovarala sa investitirom, tako da otprilike manje više sve znamo, pa evo da imamo to u vidu kod diskusija da se ne bi puno ponavljali.

Predsjednik Kluba vijećnika SDP-a Ibeljić.

ANEL IBELJIĆ

Hvala dopredsjedavajući. Ja nisam imao iskreno namjeru da se javljam povodom ove tačke, ali evo današnja ova prezentacija gospodina Kreitmayera me je ponukla na to.

Ovaj Hotel Tuzla mene nikako ne može da zaobiđe i pored profesionalnog evo i u političkom životu se susrećem s njim. Prilično sam dobro upoznat o ovom stanju u Hotelu, ovaj, kroz moje zaposlenje. Znam da je od osamdesetčetvrtre godine od kako je Hotel izgrađen nije bilo nekih značajnijih ulaganja. Nažalost poslije rata Hotel je prošao tu neku nesretnu privatizaciju. Tako ću je nazvat koja je sad predmet krivičnog postupka pred Kantonalnim sudom u Tuzli. Kroz tu privatizaciju, desile su se mnogobrojne stvari. Svi radnici Hotela su

nažalost otpušteni i nisu im isplaćivane plate, doprinosi, mnogo toga. Sve to je kulminiralo mnogobojnim dugovima i obavezama, usljed čega je nekad prošle ili mislim pretpošle godine u jednom izvršnom postupku, ovaj Hotel prodat za 16.650.000, ukoliko se ne varam, jer sam bio prisutan toj licitaciji i drago mi je što je poslovni subjekt Dženex evo odlučio, ovaj, da kupi i da zaživi ovu, ovaj dio Stupina i upravo Hotel Tuzla koji je u stvari jedan i od simbola samog grada.

Evo danas smo imali priliku da vidimo kako će da izgleda ta neka buduća zgrada, naravno ukoliko danas usvojimo, ovaj, izmjene i dopune ovog Regulacionog plana. Meni se lično evo taj objekat sviđa, ali ja ono što želim da prokomentarišem u stvari jesu ove podzemne garaže. Od početka evo mog mandata, sigurno pretpostavljam ranije da su i drugi vijećnici insistirali na tome da se riješi problem saobraćaj u mirovanju, odnosno da se riješi problem nedostajućih parking mjesta u naselju Stupine. Lično sam predlagao da se napravi, pa neka montažna garaža, ali evo i ovo je super rješenje, ukoliko postoji, a evo vidimo da postoji mogućnost da se naprave tri podzemne garaže koje bi bile povezane, gdje bi imali ulaz na jednu, izlaz na drugu stranu. Sve je to prošlo zakonsku proceduru. Sve je u skladu sa zakonom. Što je najvažnije od svega. I evo mogu reći da ću ja lično, ovaj, ispred Kluba SDP-a podržati ovaj prijedlog. Hvala.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

I zahvaljujem se Ibeljiću. Ispred Kluba nacionalnih manjina. Kolega Jusić.

NEDŽAD JUSIĆ

E hvala. Pozdrav svima. Osjetio sam potrebu da se javim jer na moju inicijativu je i sa prošlog Kolegija skinuta ova tačka Dnevnog reda da bi mogli se malo pobliže upoznati vezano o aktivnostima koji će se dešavati, odnosno šta će se u stvari graditi na pomenutoj lokaciji.

Direktno što se mene tiče, ja nisam od ove struke. Što se tiče tu je struka rekla svoje šta, zakon je rekao svoje i ja nemam ništa protiv toga, ovaj, jednostavno da se Tuzla gradi i treba da se gradi. Da imamo sve više i više radilišta u gradu Tuzla i na kraj krajeva da benefit od svega toga imaju građani grada Tuzle, u što ne sumnjam da će i ovom prilikom građani Tuzle imati određene benefite.

Ja evo drugi mandat sam u ovom Vijeću i stalno sam pokušavao i idem na tome. Mi smo u prethodnom periodu dosta toga radili na izmjene i dopune regulacionih planova, kako bi udovoljili investitorima, odnosno ljudima koji žele da naprave profit, profit i da zarade. I to treba. Normalno. Oni ulažu svoj novac i rade i trebaju na kraj krajeva i da zarade. I dobro, ja sam siguran u tome, kolega Anele da će se sa jednim dijelom riješiti parking mjesta la neće 100%. Znači, to moramo biti ovaj svjesni, jel dobivamo tu novih sto stanova, sto stanara. Ja pretpostavljam i više, a ne znam koliko će bit garažnih mjesta sada, ovaj da ne idem u tome. Al to je struka rekla. Sada da ne idem u tome.

Šta je u stvari moja poenta ovo zbog čega se ja javljam i zašto sam se javio? Ja sam na jednoj od prethodnih, u prošlom mandatu glasao, sad da ne idem u detalje, za izmjenu jednog regulacionog plana pretvaranje zemljišta u jednu, u drugo, u treće, sad da ne idem na tome i na kraju investitor je na tome zaradio novac. I neka je zaradio. To je, ovaj, njegova, ovaj, fah da zarađuje novac. A na kraju kad sam se upitao koliko ima, je taj investitor imao društvene odgovornosti prema građanima Tuzle? To je bilo nula. Tačno je to. Ja ne bježim od toga da investitori prilikom kupovine, prilikom izgradnje plaćaju određene takse, poreze Gradu Tuzla. To je u skladu sa zakonom i to hin sleduje. I to je bez daljnjeg.

Ja ne želim ni na kog da utičem. Al želim jednostavno da pošaljem poruku svim investitorima koji stvaraju profit u Gradu Tuzla, između ostalog zahvaljujući i Gradskom vijeću, jel mi usvajamo il ne usvajamo to šta će oni raditi da budu društveno odgovorni, jel imamo mi kategorije stanovništva kojima je stvarno potrebna pomoć. Malo prije, skoro smo razgovarali o budžetu gdje smo govorili da je budžet socijalni i da pomaže određene grupe stanovništva u gradu Tuzla. Al mislim da bi trebali i investitori da budu socijalno osjetljivi.

Mi itekako imamo djecu, ovaj, koji napuštaju Dom za nezbrinutu djecu. Gdje oni idu? Na kraju imaju određeno smje...Nemaju. Kako će oni doć do određenog stana? Il neke druge kategorije. Sad da ne ulazim u tome. Ali jednostavno ja ne znam, ne znam dal je i jedan investitor bio tolko društveno odgovoran da pokuša usmjeriti određenu svoju dobit. To ga niko, znači, ovo nije ništa, kako bi rekao da netko mora. To je samo dobrovoljno ukoliko želi. Na kraj krajeva svoju dob... da usmjere za te socijalne programe. To je na zapadu normalno. To je na zapadu normalno da investitori na neki način zarađuju određena finansijska sredstva i stvaraju dobit. Da određenu dobit daju u humanitarne svrhe. Ja ne znam koliko to naši investitori rade. Al evo sa ove govornice, ovaj, ja kao Jusić Nedžad želim da hajde preporučim danem sugestiju svim investitorima da malo povedu računa, ukoliko žele normalno, da budu malo socijalno osjetljivi i da na određeni način socijalne ugrožene kategorije stanovništva na neki način, ovaj, pomognu. Hvala.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Zahvaljujem se kolegi Jusiću. Ispred Kluba Platforma za progres kolegica Esana. Neka se pripremi kolega Alić Mensur ispred Kluba Tuzlanska alternativa.

ESANA KAVAZBAŠIĆ HUSKANović

Ovaj, ja se danas javljam drugi put. Prva stvar, želim se zahvaliti investitoru zato što su onaj planirali izgradnju dvije etaže ovih garaža. Ja živim na Stupinama i znam koliki mi problem imamo sa parking mjestima i smatram da je ovo izuzetno, izuzetno veliki benefit za samo naselje.

Druga stvar što mi se jako svidjeo projekat izgleda samog objekta. Smatram, ovaj, čestitam arhitekti, smatram da je izuzetno lijep, da je jako moderan, da ispunjava osnovne ekološke uslove koje trebaju za razliku od drugih objekata koji...ja sam stalno kritikovala ovo Vijeće što većina objekata koji se nalaze i trenutno grade na Stupinama su obične kockice bez ikakvog značenja, bez ikakvog smisla. Tako da smatram da ovako jedan lijep objekat će biti jednostavno ukras za ovaj dio Stupina.

Tako da mi iz Kluba Platforme za progres ćemo podržat ovaj Regulacioni plan.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Zahvaljujem se. Kolega Mensur Alić ispred Tuzlanska alternativa. Nek se pripremi kolega Hasib Hirkić ispred Kluba samostalnih vijećnika.

MENSUR ALIĆ

Pa evo ja ću biti veoma kratak, ovaj, pozdravljam prisutne. Naravno goste, koji su danas, ovaj, našli vrijeme da prikažu nam ono što žele graditi u dijelu Tuzla, Hotel Tuzla.

Ja sam i na ovom sastanku kada smo bili zajedno tamo u Gradskoj upravi. Došlo je nas samo šest. Ja sam rekao da ne treba ovo prikazivat uopšte nama, da to treba prikazat na Vijeću i da će Vijeće, ovaj, na kraju donijet odluku ili izvještaj kako je to urađeno sve. Bio sam u pravu 100% jel. Vidjeli smo jedan jako dobar projekat. I ono što je najvažnije gdje je riješeno, ja bi se, ovaj, moram samo kolegi, ovaj, reć da nije možda dobro upratio, da nisi upratio, da ima 245, ovaj, garažnih mjesta, a da 83 su višak od onoga što je predviđeno u dijelu, ovaj, zgrade i Hotela. Tako da ima viška tih 83 što je jako, jako dobro. Jako dobro za taj dio, jer evo danas imate, nemate, ako je neka (SELMA ČATIBUŠIĆ – Ne čujem vas ništa). (ČERIM RASTODER – Ma, ne možemo ni čut kad pričamo). Mislim da je struka odradila svoj dio posla kako treba i naravno mi ćemo, ovaj, pogotovo što znamo da je već uplaćeno devesto i nešto hiljada, ovaj, poreza od 5% na, ovaj, imovinu koja je kupljena, a predstoji još uplata što će ovo sigurno donijet, ovaj, u budžet određena sredstva, a imali smo danas, ovaj, budžet, Nacrt budžeta i vidjeli smo koliko nam novca fali. Ovo nije novac koji će neko pokloniti. Ovo je novac koji se plaća po zakonu, a to je renta koja će takođe doć u budžet.

Ja naravno i Tuzlanska alternativa daćemo podršku ovom projektu i hvala lijepo.

**ČERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Hvala kolega Mensure. Hasibe, izvolite.

HASIB HIRKIĆ

Zahvaljujem. Mislim da je ovo što je trebalo gradu i prvenstveno na ovom svemu se treba zahvaliti investitoru koji želi da uloži znači novac u nešto što bi recimo poboljšalo i kvalitet života građana, a i sam izgled grada Tuzle. Moramo se okrenuti i reći upravo ovo što je Mensur i pomenuo oko budžeta, sredstva koja su već uplaćena i koja su došla. To je od 832.000 KM-ova, a očekuje se znači još rente otprilike od milion i po, milion i osamsto hiljada maraka, plus sklonište. To je oko dva i po miliona maraka. Tako da mislim da je to onaj nešto što treba podržati i dat mogućnost da se to gradi u našem gradu. Hvala.

**ČERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Zahvaljujem kolegi Hasibu.

Zatvaram raspravu klubova vijećnika.

Otvaram raspravu vijećnika.

Vijećnik Berbić. Izvolite.

OMER BERBIĆ

Ja ću se prije svega zahvaliti gospodinu Kreitmayeru koji je evo, ovaj, da prvo je napravio fantastičnu prezentaciju, a drugo je došao iz, ne znam, iz daleke Ljubljane, ja mislim, da, da upravo Gradskom vijeću predoči ono što je, ovaj, što je zamislio i ono što je trebalo da se predstavi. I prošli put sam isto govorio kada je bila ova tačka. Problem parkinga na Stupinama je ozbiljan problem. Ali je još bitnije da je gospodin, koji je faktički projektovao Hotel, da se on brine o svojoj zaostavštini. A ko će drugi brinuti ako neće on. Tako mi slim da je imao tu vrstu istorijske odgovornosti da napravi objekat koji će biti reprezentativan, dobar. Što je Esana rekla moderan u smislu tih nekih zelenih standarda koji će se ispuniti i mislim da

cijela ona tamo, cijeli dio onog zemljišta, ovaj, zaslužuje na neki način da se malo modernizuje i da bude što ljepši i što bolji.

Ono što bi ja volio jeste da mi kao Gradsko vijeće razmislimo da možda napravimo odmah do onog objekta jedan željezni most preko Jale, pa da možemo dole parkirati i preći u, ovaj, ne samo mi, nego i zaposlenici Opštine i svi ostali, da odmah čim parkirate, možete se popeti faktički u taj objekat i preći Jalu preko puta, doći do Gradske uprave, ovaj, da se ne mora ići cik cak. Eto samo jedna onako mala sugestija. Možda za Urbanizam. Ne znam ko se tim bavi. Ne treba biti ništa megalomanski, nego nešto u pristojnoj cijeni. Ali evo samo neko malo razmišljanje. A sve u svemu, fantastičan projekat. Hvala ljepo investitoru i arhitekti. Eto.

**ĆERIM RASTODER- zamjenik predsjedavajućeg Gradskog vijeća Tuzla,
-samostalni vijećnik**

Dobro. Zajvaljujem. Ima li još diskutanata? Ako nema, s obzirom da nije bilo nikakvih konkretnih pitanja, ovaj prijedlog Omerov, mislim da je nadležne službe da su evidentirale. Evo ja predlažem da pređemo na glasanje.

Znači, glasamo za NACRT DRUGE IZMJENE DIJELA OBUHVATA IZMJENE REGULACIONOG PLANA...Aha. Kolegica. Zamijenite vi samo poziciju.

Eh. Znači, predlažem, s obzirom da je konstruktivna bila diskusija da za sve tačke a), b), c) i d) odjednom glasamo. Ja ću ih pročitati. Znači, glasamo za NACRT DRUGE IZMJENE DIJELA OBUHVATA IZMJENE REGULACIONOG PLANA PROSTORNE CJELINE „STUPINE“ U TUZLI pod a), pod b) NACRTA ODLUKE O IZMJENE I DOPUNE ODLUKE O PROVOĐENJU IZMJENE REGULACIONOG PLANA PROSTORNE CJELINE „STUPINE“ U TUZLI, pod c) NACRTA ODLUKE O PROVOĐENJU DRUGE IZMJENE DIJELA OBUHVATA IZMJENE REGULACIONOG PLANA PROSTORNE CJELINE „STUPINE“ U TUZLI I pod d) PROGRAM JAVNE RASPRAVE O NACRTU DRUGE IZMJENE DIJELA OBUHVATA IZMJENE REGULACIONOG PLANA PROSTORNE CJELINE „STUPINE“ U TUZLI. Molim vas da pristupimo glasanju.

Glasanje je okončano.

Konstatujem da su sve tačke a), b), c) i d) dobile većinu od Gradskog vijeća 22 glasa, nije bilo suzdržanih niti je bilo protiv.

I konstatujem, znači, da je ovaj Nacrt sa svim, sa svim tačkama a), b), c) i d) dobio saglasnost Gradskog vijeća.

Hvala vam kolegicama i kolegama koji su bili ovdje u gostima zbog ove tačke Dnevnog reda. Ja se zahvaljujem i evo da vas dalje ne bi zadržavao, vi možete ići. Hvala vam još jednom. Svako dobro. Sve najbolje. Hvala vam.

Eh nastavljamo, nastavljamo dalje.

Nastavljamo dalje sa radom. (Aplauz.)

Tačka pet:

RAZMATRANJE I USVAJANJE POD:

a) ODLUKE O DAVANJU PRETHODNE SAGLASNOSTI NA ODLUKU O UTVRĐIVANJU CIJENE USLUGE GRIJANJA PO m² I CIJENE USLUGE GRIJANJA PO MWh, POD

b) ODLUKE O DAVANJU SAGLASNOSTI NA ODLUKU NADZORNOG ODBORA „CENTRALNO GRIJANJE“ D.D. TUZLA O IZMJENAMA OPŠTIH

USLOVA ZA PRIKLJUČENJE NA SISTEM DALJINSKOG GRIJANJA I ISPORUKU TOPLLOTNE ENERGIJE SA TARIFNIM PRAVILNIKOM I POD

c) ODLUKE O DAVANJU SAGLASNOSTI NA ODLUKU NADZORNOG ODBORA „CENTRALNO GRIJANJE“ D.D. TUZLA O IZMJENAMA I DOPUNAMA TEHNIČKIH USLOVA ZA PRIKLJUČENJE NA SISTEM DALJINSKOG GRIJANJA I ISPORUKU TOPLLOTNE ENERGIJE

Predlagač. Molim vas tiše.

Predlagač ove tačke je gradonačelnik Grada Tuzle.

Obrađivač: Služba za ekonomski razvoj, poduzetništvo i poljoprivredu (pod a), Služba za komunalne poslove, izgradnju i poslove mjesnih zajednica (pod b i c), i Nadzorni odbor „Centralno grijanje“ d.d. Tuzla.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za komunalne poslove i pitanja mjesnih zajednica i klubovi vijećnika.

Da li ima potrebe da, za uvodno izlaganje? (Ima.) Ima. Molio bi predstavnika Centralnog grijanja il predsjednicu Nadzornog odbora da nam se ukratko obrati. Znači, petnestak...do petnest minuta, a možete i kraće.

ARNELA EFENDIĆ – predsjednik Nadzornog odbora „Centralnog grijanja“ d.d. Tuzla

Pozdravljam sve prisutne. Ja sam Arnela Efendić predsjednik Nadzornog odbora „Centralnog grijanja“. Pored svim problema, s obzirom da ste danas jako dugo ovdje, evo skoro je četiri sata pokušat ću biti kratka i jasna, konkretna, da vam u par rečenica pojasnim šta smo uradili.

Znači, vršili smo analizu opštih i tehničkih uslova. Što se tiče opštih uslova napomenut ću ono što je najvažnije da cijena centralnog grijanja, odnosno toplotne energije ostaje ne-promjenjena za naše kupce, samo je drugačija metodologija izračuna. Znači, cijena se sad sastoji iz fiksnog i varijabilnog dijela za kupce koji su imali kalorimetar, odnosno gdje ide potrošnja po megavatu.

U narodu pojašnjeno reći ću vam ovako: Do sada je bilo, znači, svi magistralni vodovi, one cijevi i sve podzemne instalacije koji idu do objekata bilo poslovnih, bilo stambenih su bili nula na računima. S obzirom da su tu velika ulaganja investiciona i održavanja mi smo uveli taj fiksni dio koji se sad obračunava i varijabilni dio koji se odnosi na realnu potrošnju po megavatu naših kupaca. Znači, cijena ostaje ne-promjenjena, samo je drugačiji način obračuna koja se sastoji iz fiksnog i varijabilnog dijela.

Što se tiče tehničkih uslova ja ne bih puno dužila. Tu su naši predstavnici grijanja, odnosno direktorica i tehnički direktor. Za sva tehnička pitanja stojimo vam na raspolaganju.

Uzeli smo analizu kriterija da zadržimo stabilnost snabdijevanja i kvalitet toplotne energije naših kupaca. Smanjili smo neke kriterije, odnosno i ukinuli što se tiče cijevi, senzora i ostalih stvari da bi dobili jeftinije toplotne podstanice i zadržali kvalitet, a ono što je najvažnije povećali konkurentnost na tržišu. I to je ono što se mijenja u opštim i tehničkim uslovima. (ĆERIĆ RASTODER – Dobro.) Ako imate neka pitanja izvolite.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Hvala vam. Sjedite vi ovdje ako bude nekih pitanja s obzirom da je tu i direktorica i tehnički direktor pokušat ćete da odgovorite.

Da li ima potrebe da, da se pročitaju izvještaji komisija? (Nema.) Dobro. Hvala.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Nikica, a potom vijećnik Jovanović.

NIKICA VIDOVIĆ – vijećnik Hrvatske demokratske zajednice

Hvala. Sve vas srdačno pozdravljam pošto se prvi put javljam. Meni je samo jedna mala nedoumica ostala. Čitajući ove tekstove ova klauzula što je bila prije. Uz uvjet da cijena utvrđena metodologijom obračuna po megavat satu ne smije biti veća od visine naknade obračunate u stavu prve, jedan ove odluke.

Da li to ostaje kao što je i do sad bilo u slučaju da račun bude veći nego ono računanje po kvadratu? Da li za stanovništvo ostaje ona opcija da mogu pla-tit ako sam bio dovoljno jasan, da plate kao maksimum po kvadratu?

To ja kad sam čitao ove tekstove u novoj i u staroj nisam mogao vidit da u novom tekstu piše nešto slično.

I htio sam vidjet...Još jedno pitanje kratko ovaj, da ostaje cijena ne promjenjena iako tamo na nekih 90 kvadrata imamo nekih 20 maraka tog novog izračuna i ako je cijena manja po ovom megavatu isporučene znači, da neće cijena bit grijanja baš potpuno jednaka kao i do sad? Znači, bit će nekih razlika?

I ono što meni naprimjer mal-kice smeta, ako imate kuću od 90 kvadra-ta ovaj, plaćate ne znam 150-180 maraka grijanje a imate stare stanove koji su uvijek istoj cijeni a svi znamo pod navodnicima reći da vrlo često takvi stanovi griju nebo. Znači, čim im je vruće vi pootvarate, a u stambenim objektima gdje ih, evo utopljavate, ne znam ni ja šta više radite, da, da, što manja energija, pardon, bude vi morate što-šta činit i zavrtat radijatore i glave i svašta nešto da bi uspjeli držat ako je objekat veći kao što su kuće u nekoj normalnoj cijeni. Znači, ponavljam samo ovaj dio i na ovo malo što se vežem na ovaj sad dio što sam ispričao.

Znači, da li ostaje ova opcija da se plati po nekom maksimumu? Znam da se računa ono čitava sezona. Ako nije nešto bilo jasno vrlo rado ću dopunit. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem se. Vijećnik Jovanović.

ZORAN JOVANOVIĆ

Hvala predsjedavajući. Pa mislim ono što smo pričali kad smo raspravili Izvještaj centralnog grijanja o cijeni centralnog grijanja u gradu Tuzla ne treba ni pričat ona je najniža u Evropi, nije u ovom dijelu grada. Međutim, ovaj, da ovo ne bude ispostavljanje računa kao i Elektroprivreda što ispostavlja. Meni ni dan danas nije jasno šta ja plaćam. Znači, tamo u njihovom računu ne možete skontat šta sve plaćate. Sve je...Jel, jel ovaj fiksni dio koji će se obračunavat ide za nova investiciona ulaganja? Jel se ovo radi radi toga i radi održavanja ovog

parovoda ili je nešto drugo? Mislim da je u tom pravcu nešto ali nisam shvatio (tehnička smetnja op.a.) oni troše jako malo toplotne energije i oni sebi štimaju. Što kaže Ivica. Meni prevruće, ja moram otvoriti prozor ili zavrnut radijator malo.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem se. Ima li još diskutanata?

Ako nema molio bih nekog ispred Centralnog grijanja ili vi iz nadzornog odbora da kratko date odgovore bez obrazlo...bez širih elaboracija na pitanja koja su postavila dvojica vijećnika. Ako možete, ako ne onda u pisanoj formi dostavite? (SLAĐANA KRAJINA – Direktorica. Hoćete vi direktorice?)

Hoćete vi direktorice ili tehnički direktor? Ko god smatra da, da može da da...(SLAĐANA KRAJINA – Možete oboje. Možete obje. Nije nikakav problem.)

NERMINA BABAJIĆ – direktorica „Centralnog grijanja“ d.d. Tuzla

Evo ja ću prije svega iskoristiti priliku da vas sviju pozdravim. Ja ne govorim prvi put danas, nego prvi put u-op-će u ovoj sali iako već treća godina mandata bogami sigurno gazi.

Ja ću samo na ovaj dio pitanja vaš gospodine Nikica kada se odnosi na u-slov koji je postojao u ranijoj odluci dati sljedeći komentar:

Naime, opredjeljenje za izradu ove metodologije kako je i govorila predsjednica nadzornog odbora jeste svakako prije svega imperativni zahtjev Zakona o zaštiti potrošača koji ustanovljava pravo za potrošače da im se može fakturirati samo stvarna potrošnja s jedne strane, ako to idemo kroz argumenta a contrario, onda i mi možemo fakturirati samo stvarnu potrošnju. U tom smislu kada je u pitanju broj korisnika i zagrijavana površina koja se sad mjeri to je već preko 30%, a znamo da je preko 2 miliona metara kvadratnih zagrijavane površine na sistemu daljinskog grijanja, s toga takav uslov, budući da mi idemo ka energijskoj efikasnosti, ka stvarnoj isporuci, ka fakturisanju stvarne isporuke, dakle, takav uslov u ovoj odluci kako ste vi i primjetili ne postoji. Opet ponavljam da je to zahtjev Zakona o zaštiti potrošača, zahtjev Zakona o konkurenciji i na kraju krajeva zašto ne reći i zahtjev Zakona o komunalnim djelatnostima. Prema tome iz svi normativnih zahtjeva proizilazi da postoji obaveza na strani distributera da fakturiše samo ono što je stvarno uslovno rečeno i potrošeno i svi novi objekti mi znamo da su...jel idu na obračun po mjerenju, a s druge strane evo podatak samo u ovoj godini je podneseno oko petstotina zahtjeva za prelazak na obračun po potrošnji kada su u pitanju objekti u kojima ni-je takvo mjerenje do sad uspostavljeno. Evo to je taj dio.

Kada je u pitanju fiksni troškovi mislim, mislim da će kvalitetnije kolega tehnički direktor o tome govoriti, da evo ja ne parafraziram pa Adnan ponovo pojašnjava.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Hvala. Znači, bez obrazloženja ponovo konkretan odgovor ako može, ako ne onda u pisanoj formi nam dostavite.

**ADNAN KARAHMETOVIĆ – pomoćnik direktora za tehničke
poslove u „Centralnom grijanju“ d.d. Tuzla**

Što se tiče promjene cijena daljinskog grijanja znači, mi smo do sad imali cijenu po megavat satu i nismo imali fiksni dio. To je mislim jedinstven slučaj od svih ostalih preduzeća da nismo imali tu mogućnost i propis je donesen 2011.godine i u tom trenutku nije bilo puno korisnika koji su se obračunali po megavat satu. Danas negdje oko 31% sistema se obračunava po megavat satu i odlukama koje smo primjenili prošle godine sve više ljudi prelazi na, na megavat sate. Evo direktorica je rekla da je preko 500 korisnika već prešlo.

Mi smo cijenu megavat sata oborili za određeni iznos, a uveli smo fiksni dio o ugledu na sva ostala preduzeća. Znači, morate znati jednu stvar. Da gubici toplinske energije od termoelektrane do toplinskih podstanica da se kreću od 6 do 22%, ako korisnici ne troše tu energiju onda mi imamo problem. Znači, gubitci toplinske energije zavisi od vanjske temperature, odnosno koja diktira temperaturu u vrelovodu. Znači, uvodimo fiksni dio da bi te troškove fik-sne sanirali.

Što se tiče...Mislim da je 56 maraka po megavat satu. To za...Potrošnja sama od sebe, ona zavisi od vanjske temperature i nekih drugih faktora, podešenosti toplinskih podstanica i ostalo. Znači, obračunali ste fik-sni dio nekih 90 kvadrata, ali niste rekli koliko megavat sati vam je potrebno da se ugrijete. Znači, morate sve troškove gledat na 6 mjeseci, jer to je jedini ispravan način da bilo koju, bilo koju potrošnju gledate, jer u oktobru imate puno manje račune, dok u decembru, januaru, februaru imate puno, puno veće račune. Tako da ne možete reć da, da, da je, da je, da je napravljena greška ili da će račun biti veći. Postoji mogućnost da račun bude i manji zavisno koliko energije trošite.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Hvala. Diskusije smo završili nema više. Zaključili smo. Zaključili smo. Izvinjavam se. Ništa. Zahvaljujem se menadžmentu Centralnog grijanja.

Predlažem, predlažem da glasamo i pod tačkom a i b i c istovremeno. Jestel za? (Za.)
Dobro.

Znači, pristupamo glasanju pod tačkom a) ODLUKA O DAVANJU PRETHODNE SAGLASNOSTI NA ODLUKU O UTVRĐIVANJU CIJENE USLUGE GRIJANJA PO m² I CIJENE USLUGE GRIJANJA PO MWh POD

b) ODLUKA O DAVANJU SAGLASNOSTI NA ODLUKU NADZORNOG ODBORA „CENTRALNO GRIJANJE“ D.D. TUZLA O IZMJENAMA OPŠTIH USLOVA ZA PRIKLJUČENJE NA SISTEM DALJINSKOG GRIJANJA I ISPORUKU TOPLOTNE ENERGIJE SA TARIFNIM PRAVILNIKOM Jovanoviću? POD

c) ODLUKA O DAVANJU SAGLASNOSTI NA ODLUKU NADZORNOG ODBORA „CENTRALNO GRIJANJE“ D.D. TUZLA O IZMJENAMA I DOPUNAMA TEHNIČKIH USLOVA ZA PRIKLJUČENJE NA SISTEM DALJINSKOG GRIJANJA I ISPORUKU TOPLOTNE ENERGIJE

Molimo vas da pristupimo glasanju. Hvala. Glasanje je okončano.

Konstatujem da su navedene odluke usvojene sa,

18 glasova za, nije bilo protiv i 2 suzdržana.

Hvala vam. Hvala, hvala i gospodi iz Centralnog grijanja.

Tačka šest:

RAZMATRANJE I USVAJANJE ODLUKE O IZMJENAMA ODLUKE O PLAĆAMA UPOSLENIKA GRADSKIH ORGANA TUZLA

Predlagač: gradonačelnik Tuzle.

Obrađivač: Stručna služba za poslove gradonačelnika.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Da li ima potrebe za uvodno izlaganje? (Ne..) Hvala.

Da li ima potrebe da se pročitaju izvještaji komisija? (Nema, nema.)

Otvaram raspravu klubova vijećnika i molim vijećnike da ne napuste sjednicu jer ćemo izgubit kvorum. (SLAĐANA KRAJNIA – Sačekajte samo da utvrdimo imal kvorum. Janjo de pregledaj.) Evo napraviti ćemo kraću pauzu da vidimo da li imamo kvorum. (SLAĐANA KRAJNIA – Šesnaest. Nastavite.) Dobro. Dobro zamolio bih vas znači, da vas ovo što je ostalo da ne napuštamo. Bit ćemo brzi i evo možemo brzo raditi.

Otvaram raspravu klubova vijećnika. (Nema.) Hvala.

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika i molim vas da pristupimo glasanju o ODLUKI O IZMJENI ODLUKE O PLAĆAMA UPOSLENIKA GRADSKIH ORGANA TUZLA
Glasanje je okončano.

Konstatujem da je navedena odluka prošla sa,
19 glasova za, nije bilo protiv niti suzdržanih.

Tačka sedam:

RAZMATRANJE I USVAJANJE ODLUKE O DOPUNAMA ODLUKE O VISINI ZAKUPNINE ZA STANOVE U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA

Predlagač ove tačke je gradonačelnik.

Obrađivač: Služba za boračko – invalidsku zaštitu, stambene poslove i integraciju raseljenih lica.

Materijal su razmatrali: Komisija za statutarna pitanja i propise, Komisija za ekonomske odnose, Komisija za stambena pitanja i klubovi vijećnika.

Ima li potrebe za uvodno izlaganje? (SELMA ĆATIBUŠIĆ – Ja...Ima potrebe zanima me ovo.) Molimo, molim predstavnika Službe...Pomoćnik gradonačelnika za boračko-invalidsku zaštitu gospođa Admira Tupković. Eh molim vas...

ADMIRA ATIĆ TUPKOVIĆ - pomoćnica gradonačelnika za boračko-invalidsku zaštitu, stambene poslove i integraciju raseljenih lica

Dobar dan. Dobar dan. Sve vas srdačno pozdravljam. Kao što vam je poznato Gradsko vijeće je donjelo Odluku o zakupu stanova u vlasništvu Grada Tuzle i stanova na kojima Grad Tuzla ima pravo raspolaganja koja predstavlja pravni osnov za donošenje ove odluke i ovom odlukom je propisano da Gradsko vijeće ugovara, donosi odluku o sklopljeno ugovorenoj zakupnini posebnom odlukom, tako da smo u novembru prošle godine donijeli tu Odluku o visini zakupnine za stanove koji su u vlasništvu Grada Tuzle, stanova na kojima Grad Tuzla ima pravo raspolaganja i odredili smo određeni iznos zakupnine u zavisnosti od imovinskog

cenzusa potencijalne zakupoprimalaca tako da je taj iznos bio jednu marku za korisnika stana pometru kvadratom, za korisnika stana čiji je ukupni mjesečni prihodi po članu domaćinstva ne prelaze ispod 14% prosječne neto plate. Prevedeno u KM-ove to je znači 175 KM po članu domaćinstva, a za korisnika čiji ukupni mjesečni prihodi po članu domaćinstva prelaze tih 14% 3 KM po metru kvadratom.

Mi smo u pripremi realizacije ove odluke znači, u pripremi prvog javnog poziva ovaj, raspisivanje prvog javnog poziva dobili inicijativu koordinacije boračkih organizacija udruženja Grada Tuzle koji su smatrali da je ova visina zakupnine prevelika za korisnike boračko-invalidske zaštite s obzirom da su to lica koja su znači, uglavnom u ekonomski nezavidnoj poziciji. Nemaju mogućnost da bilo šta dodatno zarade i taj iznos zakupnine od eventualno 3 KM po metru kvadratom bi bio prevelik za njihov kućni budžet i tražili su da se znači, donese dopuna ove odluke u smislu da svi pripadnici boračke populacije neovisno znači, o visini primanja, odnosno svom cenzusu koji imaju u porodici plaćaju 1 KM po metru kvadratom.

Mi smo stanovišta bili znači, u pripremi ove odluke da osim ovaj, pripadnika boračke populacije koje naravno trebaju na ovaj način da budu riješeni, jer je Grad Tuzla i ovo Gradsko vijeće uvijek imalo veliki senzibilitet za ovu populaciju, osim njih znači, u ovu odluku, dopuni ove odluke uvrstimo i određene kategorije stanovnika našeg građanina iz člana 8. naše osnovne odluke koji također imaju sličnu socijalnu kartu i socijalnu sliku, odnosno vjerovatno nisu u mogućnosti da plaćaju ovaj veći iznos, znači, bez obzira na visinu primanja a to su: Porez znači, boračke populacije, civilne žrtve rata i logoraši, osobe sa invaliditetom i žrtve nasilja u porodici. Smatrali smo da sve ove kategorije znači, na ovaj način mogu znači, pristupiti i aplicirati za ove ovaj, naše stanove uz napomenu da sredstva prikupljena od zakupnine služe isključivo za održavanje tog stambenog fonda kako se ne bi dovelo u pitanje izvodljivost budućeg održavanja stanova koji su u vlasništvu grada Tuzle.

Sa ovim se složila također koordinacija boračke organizacije udruženja, smatraju da ima osnova za ovu dopunu i da u istom rangu budu ove kategorije našeg, naših građanina kojima bismo na ovaj način omogućili znači, da ovaj, da uđu u zakup gradskih stanova Grada Tuzle.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem se.

Imal potrebe da s epročitaju izvještaji komisija? (Nema.)

Otvaram raspravu klubova vijećnica. Selma Čatibušić.

SELMA ČATIBUŠIĆ

Mene samo zanima odgovor na jedno pitanje. Obzirom na javni poziv čini mi se da je otvoren konač...Pošto stvarno treba da bude otvoren sad trenutno, jer me više ljudi pitalo za to, a ja iskreno nisam bila upućena da je pokrenut, a ne znam otkud im ta informacija još uvijek, da li su oni nešto pogriješili ili slično pa me zanima eto kada je otprilike? Da li, da li ima nekih planova i eto zanima me konkretno? Ovaj, nadam se da, da,da će se pošto je naše...Za izmjenu ove odluke je upravo bila naša inicijativa vezano za žrtve nasilja. Znam lično par osoba koje planiraju da se prijave konkretno na ovaj javni poziv, pa nadam se da će svakako po osnovu njihovih prioriternih je li potreba biti uvrštene u opciju za, za dobijanje ovih stanova. Ne znamo uopšte koliko ih je trenutno na raspolaganju slobodnih. (ĆERIM RASTODER - Dobro.)

Također me zanima samo još jedna informacija vezana za stanove u vlasništvu Grada Tuzle. Da li postoji određen broj stanova koji moraju biti slobodni? Odnosno, ne znam da li gospođa iz Službe razumije o čem...ono želim da, da, o čemu zapravo govorim. (ĆERIM RASTODER - Neka. Neka. Nemojte, nemojte još. Kad završi. Dobro Selma. Hvala.) I samo da mi se odgovori zbog čega? Mislim vjerujem da gospođa zna zašto ovo pitam, pa da se pojasni građanstvu zašto određeni stanovi moraju da budu čini mi se slobodni, odnosno uvijek na raspolaganju?

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Hvala Selma. Ima li još? Diskutujemo klubovi vijećnika. Ima li? (Nema.)
Zatvaram raspravu klubova vijećnika.
Otvaram raspravu vijećnika. Vijećnik Jovanović.

ZORAN JOVANOVIĆ

Hva-la. Ja ću kratko. Ovdje su nabrojane kategorije jedna marka, jedna marka nije ništa. Imamo ovdje u kategoriji koji imaju isto pravo kao i ostali. Žrtve nasilja u porodici. Mi smo pričali ovdje na jednoj sjednici Gradskog vijeća ko su žrtve nasilja? Uglavnom žene materijalno neosigurane, bez zaposlenja, bez primanja i sad onaj, da joj damo stan ona ne može plaćat ni tu marku. Ja ne znam posto-ji li mogućnost da se oslobodi i ta jedna marka za ove žrtve nasilja u porodici, da je spa-simo, jer ona ako nema te marke ona se mora vatiti u onu porodicu gdje je vršeno nasilje nad njom. I ako postoji ikakva mogućnost da ovo izmjenimo i da ova kategorija koristi stan bez ikakve naknade. Imamo mi Centar za soc...imamo Budžet, imamo neka sredstva iz rezerve pa hajmo ovaj, upu...Ako treba platit nek plati neko drugi za tu osobu. Vratit ćemo je ponovo onome nasilniku.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Hvala Jovanoviću. Znači, Selma diskusija u svojstvu vijećnika. Vijećnice, pardon. Ne, ne. Pa u redu u svojstvu vijećnice. Izvolite.

SELMA ĆATIBUŠIĆ

Ništa, samo Klub vijećnica Platforme za progres podržava prijedlog kolege Jovanovića, jer govorili smo o mogućnosti i koliko zapravo Sigurna kuća može pomoći svaki put žrtvama nasilja. Nebitno da li su to žene ili muškarci. Na neki način ovaj, stanovi u vlasništvu Grada Tuzle u ovom slučaju i jesu Sigurna kuća mogućnost, one...Ili žene žrtve nasilja ili muškarci mogu hajde slobodno tako da kažem. Pogotovo ako imaju uzase djecu ako se nađu na ulici ne mogu zaista ni, ni platiti koliko god ta naknada bila simbolična.

Tako da bi predložila da se te stvari iz tekuće rezerve zapravo izdvoje za ove slučajeve. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem. Ima li još diskutanata?

Ako nema prije nego što pređemo na glasanje zamolio bih kolegicu Admiru da pokuša dati odgovore na postavljena pitanja od strane dva ova vijećnika.

**ADMIRA ATIĆ - TUPKOVIĆ - pomoćnik gradonačelnika za Službu
za boračko-invalidsku zaštitu, stambene
poslove i integraciju raseljenih lica**

Što se tiče raspisivanja prvog javnog poziva mi ga pripremo za iduću sjednicu Gradskog vijeća, pošto se raspisivanje javnog poziva znači, pokreće odlukom Gradskog vijeća. To je odgovor na prvo pitanje. (NATAŠA PERIĆ – Molim vas tišina.)

A moram priznati da nisam razumjela ovo, ovo pitanje da li određeni broj stanova mora biti pra-zan? Ne znam u kom smislu pa bih zamolila ako možete nekako da mi...Nema. Mislim da nema. Ovaj ne mora ni jedan stan biti prazan znači, svi idu pod zakup.

Što se tiče inicijative vijećnika Jovanovića dakle, osim žrtava nasilja u porodici, onda bi u tom slučaju sve ove kategorije koje sam ja pobrojala, kojima smo radili dopuna odluke morali proći istu...tražili isto to pravo. Onda se postavlja pitanje ovaj, na koji način bismo mi punili taj stambeni fond za održavanje tih stanova? Jedina opcija koja bi postojala po mom mišljenju je donošenje neke odluke o subvencioniranju znači, najma tih kategorija ljudi koje nemaju nikakvih primanja. Da o tome, o tome možemo razmisliti ovaj, i o vašem prijedlogu.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem se. (vijećnik Zoran Jovanović govori bez uključenog mikrofona op.a.) Nema ništa. Ako vam nešto nije uputite uputite inicijativu il pitanje vijećničko. Zaključena je diskusija.

Prelazimo na glasanje ODLUKA O DOPUNAMA ODLUKE O VISINI ZAKUPNINE ZA STANOVE U VLASNIŠTVU GRADA TUZLE I STANOVA NA KOJIMA GRAD TUZLA IMA PRAVO RASPOLAGANJA Molim vas da pristupimo glasanju. (vijećnik Selma Ćatibušić govori bez uključeneog mikrofona op.a.) (NATAŠA PERIĆ – Nije niko rekao da je zaključak. Niko nije predložio zaključak. Govorili ste prijedlozi. Ne vi ste prijedloge.) Dobro. (NATAŠA PERIĆ – Prijedlog i zaključak nije isto.) Molim vas pristupamo glasanju. Nije...Vijećnik nije dao prijedlog zaključka, već je predložio onako. Eh glasanje je o-kon-čano. Zahvaljujem se.

Znači, konstatujem da je navedena odluka prošla sa,
23 glasa za, nije bilo protiv niti suzdržanih.

Idemo sada polako prema osmoj tački.

Osma tačka:

RAZMATRANJE I USVAJANJE IMOVINSKO PRAVNIH AKATA POD:

a) Odluka o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za izgrađeni individualni stambeni objekat. Pod

b) Rješenje o imenovanju Komisije za provođenje postupka pregovaranja za prodaju nekretnine u vlasništvu Grada Tuzle neposrednom pogodbom radi oblikovanja građevinske parcele za izgrađeni individualni stambeni objekat. Pod

c) Odluka o prestanku prava građenja na nekretnini u vlasništvu Grada Tuzle. Pod

d) Odluka o odbijanju davanja prethodne saglasnosti Obrtničkoj radnji Pekara „Kabil“ Tuzla za opterećenje prava građenja osnovanog na nekretnini u vlasništvu Grada Tuzla i pod

e) Zaključak o odbacivanju zahtjeva kao preuranjenog (Altumbabić Nedim)

Predlagač: gradonačelnik Tuzle.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za izbor i imenovanje (pod b) i klubovi vijećnika.

Da li ima potrebe za uvodnim izlaganjem? (Nema.) Dobro. Hvala.

Ima li potrebe da se pročitaju izvještaji komisija? (Nema.)

Otvaram raspravu klubova vijećnika. (Nema.) Hvala.

Zatvaram raspravu klubova vijećnika.

Otvaram raspravu vijećnika. Hasibe suzdrži se komentara. (Pa nema.)

Zatvaram raspravu vijećnika.

Predlažem da glasamo (NATAŠA PERIĆ – U paketu.) u paketu oko tačke a,b,c,d i e koje sam pročitao u uvodnim izlaganju. Molimo vas da pristupimo glasanju. Zahvaljujem. Glasanje je okončano.

Konstatujem da su pročitane odluke i rješenja i zaključak prošli sa,

23 glasa za, nije bilo protiv niti je bilo suzdržanih.

Tačka devet:

RAZMATRANJE INFORMACIJE O AKTIVNOSTIMA I OPREMLJENOSTI PROFESIONALNE VATROGASNE JEDINICE TUZLA SA PRIJEDLOGOM MJERA

Predlagač je gradonačelnik Tuzle.

Obrađivač: Služba za civilnu zaštitu.

Materijal su razmatrali: klubovi vijećnika.

Ima li potrebe za uvodnim izlaganjem? (Nema.) hvala.

Ima li potrebe da se pročitaju izvještaji komisija? (Nema.)

Otvaram raspravu klubova vijećnika. Omer Delalić. Izvolite Omere.

OMER DELALIĆ – samostalni vijećnik

Hvala. Pa iz ove Informacije o aktivnostima profesionalne vatrogasne jedinice vidimo njen veliki značaj za grad Tuzlu, jer pored gašenja svih vrsta požara pružaju tehičku pomoć u spašavanju ljudi. Spašavaju ljude u nezgodama izazvanim u saobraćaju i spašavaju sa visine i još mnogo takvih aktivnosti.

Ono što mi najviše upada u oči jeste starost vozila voznog parka ove jedinice gdje je najmlađe 2010-to godišta. I pored toga vatrogasci uspješno obavljaju svoj posao. Znam da se radi o izuzetno skupim vozilima ali smatram da bi u narednom periodu u skladu sa

moogućnostima trebalo da se nastavi na obnovi i modernizaciji voznog parka. S obzirom, još jednom ću naglasiti na značaj ove jedinice za građane Tuzla.

Već u ovom Izvještaju vidimo da je Grad Tuzla nabavio...Znači, Grad Tuzla odobrio nabavku novog specijalnog vatrogasnog vozila. Znači, počelo se raditi i na tom planu za hitne intervencije, čime će se poboljšati efikasnost ove jedinice.

U ovoj Informaciji su navedene. Mogu ja? (ĆERIM RASTODER – Možete, možete.) U ovoj informaciji su, u ovoj informaciji su navedena i vozila koja su, za koja profesionalna vatrogasna jedinica smatra da je, da su njima potrebne i za njihovo što bolje funkcionisanje potrebno je u narednom periodu da se pokušaju pronaći sredstva i mogućnosti da im se to i omogući.

Izuzetno mi je drago da, da je znači, da je Grad već odobrio i ono što bi ovde posebno iskoristio priliku da pohvalim gradske vatrogasce jer su gotovo uvijek prvi na licu mjesta gdje su potrebni U svježem su sjećanju i zadnja olujna nevremena gdje su vatrogasci učinili veoma mnogo u spašavanju života i imovine naših građana. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se kolegi Delaliću. (NATAŠA PERIĆ – Javila se Esana.) Esana Kavazbašić u ime Kluba Platforme za progres. Ujedno i ja bi podržo diskusiju onaj, kolege Delalića po pitanju angažmana Civilne zaštite u posljednje vrijeme i sve ovo je istako ove pohvale, pridružujem se. Hvala.

ESANA KAVAZBAŠIĆ HUSKANović

Ovaj, ja sam do sad već nekoliko puta imala ovaj, inicijative što se tiče same vatrogasne službe jer je smatram izuzetno važnom ovaj, službom u gradu koja je izuzetno potrebna, a uslovi u kojima rade su jako neadekvatni i smatram da trebamo uložiti maksimalna sredstva i maksimalnu energiju znači, da im pomognemo i da im olakšamo njihov rad s obzirom na opasnost posla kojim se bave, rizikom koji imaju sa svakom intervencijom a oprema s kojom oni rade je jako zastarjela znači, vozila su jako zastarjela i ako možemo sredstva izdvajati u neke druge službe ovaj, isto smatram da trebamo njima maksimalno pomoći.

Slučajno sam vidjela vozila koja imaju trenutno u Lukavcu i Živinicama. Oni imaju nova vozila, kod nas su jako stara. Pogotovo smatram da bi se to moglo riješiti na način što mi u Živinicama imamo firmu koja se bavi proizvodnjom vozila hitne medicinske pomoći i vozila vatrogasnih službi. Tako da ovaj, bi se mogao napraviti neki ugovor poseban s njima gdje bi možda mogo dio Grad participirati ili na neki način dogovoriti da ovaj, il dobijemo jeftiniju cijenu, il da dobijemo na rate, il nekako da bismo našim vatrogascima obezbjedili što bolje uslove rada.

Ja im se svakako želim u svoje ime i u ime našeg Kluba zahvaliti na svim svojim dosadašnjim uspjesima, na svim intervencijama i na svemu onome što rade za nas građane grada Tuzle.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Hvala. Vijećnik Jovanović.

ZORAN JOVANOVIĆ

Hvala. Evo vidte ova, ova tačka je trebala biti negdje u vrhu dok smo bili skoncentrisani. Sad je palo sve, koncentrija, jedva čekamo da idemo. A ovo je možda jedna od najbitnijih stav...tačaka dnevnoga reda danas. Kad dođe do nekog belaja pošto sam ja direktor Kantonalne uprave civilne zaštite Tuzlanskog kantona i znam šta ovo znači. Kad dođe do nekog belaja jedinu u kog se možete u tom trenutku (ĆERIM RASTODER – Molim vas.) pouzdati je profesionalna vatrogasna jedinica bilo kojeg grada ili opštine, gdje je imaju. Neke je još nemaju.

Nažalost, nažalost ovdje nije samo problem materijalno-tehničkih sredstava (ĆERIM RASTODER – Malo, malo tiše molim vas.) već jer problem i starosne strukture zaposlenih. Prema našim analizama starosna struktura zaposlenih u vatrogasnim jedinicama prelazi 50 godina. Ali i bez obzira na tu starosnu strukturu što kaže kolegica Esana, što kaže kolegica Esana nadljudskim naporima odgovore svim zadacima. Oni nisu samo za gašenje požara u stanju prirodne nesreće. Oni rade sve. Spašavanje iz poplava iz urušenih objekata znači, iz sudara na auto-putevima, vade ljude na ovim našim lokalnim...I moramo radit u pravcu da im poboljšamo njihov položaj.

Nažalost Zakon o zaštiti ljudi i imovine od prirodnih i drugih nesreća ne dozvoljava opremanje vatrogasnih jedinica i sredstava posebne naknade kojih imamo i Kantonalna uprava i Grad Tuzla u mjeri kojoj bi mogli pomoć.

Evo i mi ko Kantonalna uprava raspisujemo javne pozive, dijelimo ova namjenska sredstva. Nažalost ne možemo ih usmjeriti u vatro-gastvo, onaj Zakon o zaštiti od požara, jer je vatrogastva jako malo obezbjeđuje sredstava. Evo prošle godine 70 hiljada Grad Tuzla. Sa 70 hiljada ne možete ništa. Jako malo. Al evo i mi smo onaj, zajednički neke inicijative...Moje su bile da se zajednički kupe ove ljestve za spašavanje sa velikih visina. Znači, do nekih 40-50 metara u tom pravcu idemo, al evo i mi smo ponudili da znate kao Kantonalna uprava inicijativu prema Federalnoj upravi civilne zaštite za izmjenu Zakona o zaštiti spašavanja gdje bi omogućili finansiranje profesionalnih vatrogasnih jedinica iz sredstava posebne naknade što je manjkavost sadašnjeg zakona. Ali evo ja ljudima skidam kapu. Znači, rade s onim što imaju, bore se, odgovaraju zadacima i čestitam i evo da i mi makar neki način učinimo ko vijećnici. Možda i odavde da ide ko zaključak, inicijativa prema Federalnoj vladi i Federalnoj upravi civilne zaštite za izmjenu zakona u pogledu finansiranja vatrogasnih jedinica. Opremanja. (ĆERIM RASTODER – Zaključak?) Zaključak. Da ide naša inicijativa prema Federalnoj vladi za izmjenu Zakona o zaštiti i spašavanju od prirodnih i drugih nesreća i Zakonu o vatrogascu i zaštiti od požara u pogledu finansiranja i opremanja vatrogasnih jedinica. Uz obrazloženje da sadašnji zakon ne dozvoljava opremanje u kapacitetu koji je potreban. (ĆERIM RASTODER – Dobro.) Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem se.

Zatvaram raspravu klubova vijećnika.

Otvaram raspravu vijećnika. Kolegica Sabiha.

SABIHA MUJKANović MUJAČIĆ – samostalni vijećnik

Pozdravljam sve prisutne s obzirom da se prvi put danas javljam za riječ i nisam se planirala javiti ali sam se sjetila nečega.

Dakle, ja neću ponvaljvati svoje diskusije. Sveke godine diskutujemo o vatrogasnoj jedinici i ne trebam ponvaljvati da stvarno smatram profesionalnu vatrogasnu jedinicu najsvjetlijom tačkom ovog grada. Pričali smo više puta o uslovima, ali ja sam se sjetila, ja mislim na usvajanju ovog Budžeta, početkom ove godine da smo tražili i da je rečeno javno za govornicom da će se izdvojiti, ako se ne varam. Neka iznos onako bude upitan stotinhiljada konvertibilnih maraka za zamjenu neispravnih ljestava, upravo za spašavanje sa velikih visina.

Znači, mene samo zanima da li je to realizirano i ispunjeno? Ja mogu pronaći stenogram da, da, da je to obećano javno za govornicom. Zahvaljujem.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Zahvaljujem. Ima li još diskutanata? Ako ne zamolio bi nekog predstavnika Službe da pokuša dat odgovor na pitanje koje je postavila kolegica Sabiha. (NATAŠA PERIĆ – Sead Mustajbašić.)

**SEAD MUSTAJBAŠIĆ - šef Odjeljenja za zaštitu
od požara i vatrogastvo**

Ja pozdravljam sve vijećnice i vijećnike i evo da odgovorim ovaj, uvaženoj kolegici. Znači, mi smo dobili sredstva za...od Grada ono koliko je i obećano i mi smo od te ljestve koja je neispravna bila, koja je stajala u garaži napravili jedno nabavno vozilo koje sad koristi ovaj, vatrogasna jedini-ca, a u narednom periodu nadamo se da ćemo nabaviti i platformu za spašavanje sa visina.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem.

Zatvaram raspravu vijećnika i diskusije ostale koje su vezane za ovu tačku.

Znači, prelazimo na glasanje. Pardon ovo je informacija. Imamo, imamo zaključak samo. (SLAĐANA KRAJINA – Morate reći konstatujem da je...) Aha. Okej. Onda idemo zaključak? (SLAĐANA KRAJINA – Onda zaključak.) Okej.

Znači, konstatujem da je Gradsko vijeće primilo k znanju INFORMACIJU O AKTIVNOSTIMA I OPREMLJENOSTI PROFESIONALNE VATROGASNE JEDINICE TUZLA SA PRIJEDLOGOM MJERA i molim vas znači, molim sekretara da pročita prijedlog zaključka koji je iznjeo gospodin Jovanović i da se o njemu izjasnimo.

SLAĐANA KRAJINA – sekretar Gradskog vijeća Tuzla

Gradsko vijeće Tuzla će uputiti inicijativu za izmjenu Zakona o zaštiti i spašavanju dobara od prirodnih i drugih nesreća („Službene novine Federacije Bosne i Hercegovine“, broj 39/03., 22/06. i 43/10.) i Zakona o zaštiti od požara i vatrogastvu Federacije Bosne i Hercegovine („Službene novine Federacije Bosne i Hercegovine“, broj 64/09.) u pogledu finansiranja opremanja vatrogasnih jedinica.

Zadužuje se Služba civilne zaštite da pripremi tekst inicijative.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Molimo vas da pristupimo glasanju. (SLAĐANA KRAJINA – Jel ovdje samo potrebno mijenjati ovaj Kantonalni ili samo Federalni?) Ode on. (SLAĐANA KRAJINA – Ne, ne treba Kantonalni. Dobro.) Dobro. Glasanje je okončano.

Konstatujem da je pročitani zaključak dobio potrebnu većinu od 22 vijećnika, nije bilo suzdržanih niti je bilo protiv.

Prelazimo na tačku desetu:

**RAZMATRANJE INFORMACIJE O REALIZACIJI AKTIVNOSTI NA
RJEŠAVANJU STAMBENIH PROBLEMA RASELJENIH LICA I SOCIJALNE
KATEGORIJE STANOVNIKA**

Predlagач je gradonačelnik Grada.

Obrađivač: Služba za boračko – invalidsku zaštitu, stambene poslove i integraciju raseljenih lica.

Materijal su razmatrali: Komisija za stambena pitanja i klubovi vijećnika.

Ima li potrebe za uvodnim izlaganjem? (NATAŠA PERIĆ – Malo tišine molim vas.)

Ima li potrebe da se pročitaju izvještaji komisija? (Nema.)

Otvaram raspravu klubova vijećnika. Kolega Jusić ispred Kluba nacionalnih manjina.

NEDŽAD JUSIĆ

Eh hvala. Dobro je što imamo svake godine ovu Informaciju o realizaciji aktivnosti na rješavanju stambenih problema raseljenih lica i socijalne kategorije stanovništva.

Danas u toku rasprave, ja mislim kolegica da je rekla jednu riječ nešto obavezujući zaključci, ne obavezujući zaključci, ali mislim ukoliko mi kao Gradsko vijeće usvojimo određeni zaključak, smatram da bi treba-li, treba-le Službe da postupe po tom zaključku bez obzira što nije obavezujuć, (ĆERIM RASTODER – Molim vas malo strpljenja pri kraju smo samom da malo...) bez obzira što nije obavezujući, bez obzira što nije obavezujući normalno ukoliko taj za-klju-čak nekog dodiruje, dira ili jednostavno nešto ne smije izaći na površinu.

S tim u vezi ja ne želim ovu informaciju ovaj, diskutovati a ima se mnogo o tome reći prije toga, nego samo da podsjetim Gradsko vijeće i obrađivača ovog materijala da smo 27. 01. 2022. godine pod tačkom osamnest razmatrali Informaciju o aktivnosti na rješavanju stambenih problema raseljenih lica i socijalne kategorija stanovništva. Između ostalog zaključili smo, donijeli smo jedan zaključak da Gradsko vijeće Tuzla traži od Službe za boračko-invalidsku zaštitu, stambene poslove i integraciju raseljenih lica da naj-kasnije, da dostavi informaciju. Znači, najkasnije do...dostavi informaciju do naredne sjednice o aktivnostima na rješavanju stambenih problema raseljenih lica i socijalnih kategorija stanovništva da izvrši Reviziju ugovora o korisnicima i da se vidi između ostalog da li su ta lica dobila određena finansijska sredstva za...od nekih drugih nivoa vlasti ili preko te iste Službe da ri-ješe svoje pitanje, a oni i dalje koriste pomenuti smještaj.

Također smo 22. 12. 2022. godine, znači, prošla je čitava godina nismo dobili konkretno nikakav odgovor na taj zaključak i ponovo smo usvojili dva zaključka između ostalog ponovo da se izvrši provjera pomenutih lica i ključno je bilo da se izvrši provjera od elektrodistribucije da li ta lica slučajno imaju prijavu električne energije u nekim drugim općinama u Federaciji. I napisali...Tražili smo...Urgirali smo kod Elektrodistribucije Federacije

i ta informacija je služba dobila, ali mi je nikad nismo dobili, ne znam zbog čega. I ponovo smo tražili da vidimo da li ta Služba ima saznanja, jel je pribavila određenu informaciju, da li te osobe su koristile finansijska sredstva pu-tem Ministarstva za boračka pitanja, kad ponovo idu preko te Službe, jel ima informacija da su neka lica dobila prije na 10 dana finansijska sredstva nego što će useliti u taj stan, a ponovo preko te službe i ta služba ponovo him dala stan. Sad ne znam, to su možda rekla kazala, ali dok nam ne dokažu, dok ne kažu da nije tako ja ću sve i dalje sumnjat da je to tako.

I ne bi donosio ni jedan novi zaključak, nego bi predložio dva zaključka a to je. Prvi zaključak:

Ukoliko želi Služ-ba, može da se izjasni predstavnica Službe, da povuće ovaj materijal, ovu tačku dnevnog reda. Može se povući u toku rasprave, dok, dok se ne zaključi rasprava. Da povuće ovu informaciju, da je dopuni sa informacijama od ova dva zaključka koji smo ranije usvojili. Ukoliko služba prihvati da povuće pomenutu, pomenuti materijal, onda je to to, ukoliko ne predlažem drugi zaključak a to je:

Da Gradsko vijeće od gradonačelnika Grada Tuzle traži da on pribavi odgovore na ova pitanja koja su proizašla iz ova dva zaključka sa dvije održane sjednice Gradskog vijeća, to je 22. 12. 2022. godine i 27. 01. 2022. godine. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Hvala kolegi Jusuću. Ima li još klubovi vijećnika? Jovanović Zoran. (ZORAN JOVANOVIĆ – Izvinite nisam ja Klub.) Jeste vi Klub. (ZORAN JOVANOVIĆ – Nemam...Imam ja šefa.) Dobro.

Zatvaram onda raspravu klubova vijećnika.

Otvaram raspravu vijećnika. Vijećnik Jovanović. (vijećnik Zoran Jovanović govori bez uključenog mikrofona op.a.) Samo mikrofona. (SLAĐANA KRAJINA – Vijećniče Jusiću mikrofona samo malo.)

ZORAN JOVANOVIĆ

Interesantna mi je ova informacija zato što sam od devedesetšeste u procesu povratka svi na svoje. Vidim ovdje iz ove informacije da Služba radi barem što se tiče ovih zgrada novih na njenom, njihovom održavanju i urednom i domaćinskom korištenju i dobro je to što rade da nam se ne dese Mihatovići. Tamo je prepušteno u propast mislim oko stotinu stambenih jedinica koje danas nisu ni za kakvu upotrebu, a imamo socijalne slučajeve koji su to mogli koristiti, osobe u stanju socijalne potrebe koje su to mogle koristiti jer su Mihatovići dio grada Tuzle. I svi hoće ovde u centar, niko neće negdje na periferiju. Na žalost eto sa Mihatovićima se desilo. Ne trebamo dozvoliti da se desi ovo što se desilo Mihatovićima i sa ovim novim zgrada koje su prelijepa i nekako uljepšavaju ove prilaze ovaj, gradu Tuzla.

Šta hoću još da kažem? Mislim da kad kažete socijalne kategorije stanovnika. Ja sam nekad bio Ministar za rad i socijalnu politiku u Vladi Tuzlanskog kantona. Manjkavost Tuzlanskog kantona je što nema socijalnu kartu. Jednostavno vam ljudi dokažu da su u stanju socijalne potrebe, a kad pogledate njihovu imovinu onda se frapirate šta ljudi sve imaju. Al kroz papirologiju oni su čisti pred zakonom. Ja sam bio očevidac kad ljudi dođu u stanju socijalne potrebe na papiru po paket za prehranu sa mercedesom pred stadion „Tušanj“ od Crvenog križa koji nema većina ovdje.

Tako da možda moj bi neki zaključak bio da obavežemo Službu da pokrene inicijativu na izradi socijalne karte stanovnika grada Tuzle. To se pokušavalo u više navrata. Na žalost

odustaje se a ne znam iz kog razloga i onda bi imali pravu sliku korisnika. Ja znam ljude koji koriste ove socijalne stanove u ovim objektima, novim zgradama koji imaju kuću u Požarnici, imaju kuću tamo u Republici Srpskoj i dobiju ovdje opet. Al nije na njemu kuća, a on i žena žive tu u stanu i zauzeli su možda nekom kojem, kojem je to jako potrebno. Al na žalost evo papirologija trpi sve. Ljudi izvade regularno papire i oni su pred zakonom ispravni. Evo u tom pravcu jedan zaključak.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem kolegi.

Ima li još diskutanata? Ako nema na osnovu rasprave kolegica Admira Tupković će pokušati dati neke odgovore. Rasprava je zaključana znači, kolegica će podnijeti samo...Bilo je neki prijedlog od strane kolege Jusića, a evo i Zoran je u stvari dao zaključak, al kojim...

**ADMIRA ATIĆ - TUPKOVIĆ - pomoćnik gradonačelnika za Službu
za boračko-invalidsku zaštitu, stambene
poslove i integraciju raseljenih lica**

Ja se zahvaljujem prvenstveno ovaj, vijećniku Jovanoviću što je prepoznao trud Službe za boračko-invalidsku zaštitu, stambene poslove i integraciju raseljenih lica da sve naše građane koji su bili smješteni u kolektivnim centrima Mihatovićima i drugim ovaj, alternativnom smještaju smi...smjesti u ove 232 stana o kojima vodimo brigu sa pažnjom dobrog domaćina. Zaista obilazimo sve, pa pratimo da li plaćaju uredno najamninu. Donjeli smo Odluku o subvencioniranju njihove najamnine sa našim Kantonalnim ministarstvom i odradili smo ono što nam je zaključkom bilo određeno prošle godine. Znači, izvršili smo dvije revizije ovaj, korisnika u naselju Miladije i Solina. Ovaj, dešava se upravo ovo o čemu je vijećnik Jovanović govorio. Raznih prijava ima. On ima kuću, on ima stan, on ima dvoja kola, troja. Papirološki i ono kad mi kao pravnici prođemo kroz dokumentaciju i njihovo vlasništvo oni nemaju ništa. Dakle, uspjeli smo kroz dvije revizije ovaj, 232 stana i korisnika znači, koji su useljenei ovdje, a da napomenem da su oni sve useljeni ne samo ovaj, na osnovu Odluke komisije službe, nego je to bila Komisija koja se sastojala od Službe, Kantonalnog, Federalnog i Državnog ministarstva. Oni su verifikovali spiskove svih korisnika koji se nalaze u ovim stanovima. Nakon svega te dvije ovaj, te dvije revizije korisnika otkrili smo samo tri korisnika koji bi eventualno mogli biti iseljeni. Međutim, dešava se to dakle, da ni kuće koje su oni napravili nisu na njima. Ukoliko ovaj, dobijemo od elektrodistribucije znači, određene dokaze da struju oni plaćaju, da i zaista barem su u posjedu te imovine sljedit će njihova deložacija i useljenje ljudi koji se nalaze ispod, ispod ovaj, te crte. Tako da ovaj, smatram da smo sa pažnjom dobrog domaćina postupali u ovom slučaju, da pratimo, da održavamo ovaj stambeni fond i nadam se da će to biti u budućnosti prepoznato. Tako da ne slažem se sa konstatacijom da bi ova informacija trebala biti povučena.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Zahvaljujem se kolegici Admiri.

Konstatujem da je Gradsko vijeće Tuzla primilo k znanju INFORMACIJU O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIKA.

Bilo je i nekoliko zaključaka, pa molim sekretara da nam pročita zaključke i da se izjasnimo o istim. (NATAŠA PERIĆ – Samo Nedžade ako možete samo pomoći Slađani oko zaključka ovog vašeg drugog zaključka? Da vidite jel u redu ovaj drugi zaključak.)

SLAĐANA KRAJINA – sekretar Gradskog vijeća Tuzla

Pa kažem. Ja znam koji su zaključci bili prošle godine i pretpošle godine prilikom...Jel vi sad urgirate na realizaciji tih zaključaka ili da tražite od gradonačelnika da pribavi i dostavi Gradskom vijeću Tuzla odgovore na pitanja proizašla iz zaključak...znači, ili urgirate na realizaciji ranijih zaključaka? (NEDŽAD JUSIĆ – Ne. Gradonačelnika da on odgovori.)

1. Gradsko vijeće Tuzla traži od gradonačelnika Grada Tuzle da pribavi i dostavi Gradskom vijeću Tuzla odgovore na pitanja proizašla iz zaključaka sa sjednica Gradskog vijeća održanih 27. 01. dvajsdruge godine i 22. 12. dvajsdruge. To je to je li? (ĆERIM RASTODER – Dobro.) Dobro.

I za izradu socijalne karte. Gradsko vijeće Tuzla traži (ĆERIM RASTODER – Evo znači, slušajmo zaključak i...)

2. Gradsko vijeće Tuzla traži od resorne službe da, u saradnji sa Javnom ustanovom Centar za socijalni rad pokrene aktivnosti na izradi socijalne karte. Jel tako ili? Ja. Dobro.

ĆERIM RASTODER - zamjenik predsjedavajućeg Gradskog vijeća Tuzla, - samostalni vijećnik

Dobro. Evo predlažem da glasamo za oba zaključka istovremeno. Molim vas da se izjasnite. Glasanje je okončano. Zahvaljujem.

Konstatujem da su oba zaključka dobila većinu, odnosno da je, 19 vijećnika glasalo za, nije bilo protiv i nije bilo suzdržanih.

Tačka jedanes:

RAZMATRANJE IZVJEŠTAJA KOMISIJE ZA IZBOR I IMENOVANJA

Molim sekretara...(SLAĐANA KRAJINA – Pročitajte. Pročitajte.)

Konstatujem da nije bilo prijedloga koji bi se razmatrali u okviru tačke Dnevnog reda.

Prelazimo na sledeću tačku. (vijećnik Selma Čatibušić govori bez uključenog mikrofona op.a.) (NATAŠA PERIĆ – Pa može.)

SLAĐANA KRAJINA – sekretar Gradskog vijeća Tuzla

Može. Može. Otvorite raspravu. Mi samo, samo...Tačka se zove Izveštaj komisije za izbor i imenovanja mislim nismo imali (NATAŠA PERIĆ – Sad nemamo ništa.) nikakvih prijedloga koji bi se razmatrali, ali je rasprava (ĆERIM RASTODER – Dobro.) u okviru tačke dovršena.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Dobro. Otvaram raspravu klubova vijećnika po navedenoj tački.

SELMA ĆATIBUŠIĆ

Bez obzira što nije bilo prijedloga od strane različitih opcija i sl., samo želim da evo kažem i da se unese u stenogram da Klub vijećnika, odnosno vijećnica Platforme za progres neće, neće podrža-ti više niti jedan prijedlog do kraja mandata, obzirom da smo definitivno najoštećenija politička opcija u ovom Gradskom vijeću koja je na izborima osvojila dva mandata i jedini koji smo...čiji su prijedlozi odbijeni kada je bila sjednica u Narodnom pozorištu. Kada su u pitanju konkretno Savjeti mjesnih zajednica po našem glasačkom tijelu, odnosno broju glasova trebalo nam je pripasti dvadeset i nešto Savjeta mjesnih zajednica, a mi smo uspjeli da imenujemo svega osam, s tim da trebalo se voditi računa je li koliko, koliko broja glasova u kojoj, u kojem mjesnim zajednicama smo osvojili. Ne znam na koji način i kako je to podjeljeno. Mislim znamo svi kako se to dijeli, kako funkcionise pod navodnicima taj džentlmenski sporazum koji je eto možda javnostima malo manje poznat. Kako se dijele pod navodnicima mogu slobodno reći ti neki dijelovi kolača i sl. Ali ono što želim da konstatujem da uz sav naš napor i uz svo naše fer djelovanje najviše smo oštećeni. Naše, naši Savjeti mjesnih zajednica su dati ne znam kome, na koji način. Al eto drago nama je što smo makar tokom ove tri godine sigurno uštedjeli nekih 60.000 konvertibilnih maraka koji su trebali pripasti našim predstavnicima da rade u Savjetima mjesnih zajednica.

Pa evo u skladu s tim mogu predložiti jedan zaključak da se upravo taj novac koji je trebao biti dodjeljen je li predstavnicima Savjeta mjesnih zajednica našim predstavnicima, delegira za neki značajan i bitan projekat za lokalnu zajednicu. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Hvala. Ima li još diskusija klubova vijećnika?

Imal? Zatvaram raspravu klubova vijećnika.

Otvaram raspravu vijećnika.

Imal rasprava...(Nema.) Nema.

Zatvaram raspravu vijećnika.

Dajem pauzu od 3 minute da se konstatujemo vezano za ovaj zaključak Selmin. Tri do pet maksimalno. (Pauza.)

Dobro. Nasta...Nastavljamo s radom evo...Selma? (Molim?) Možeš doći još malo ovdje da samo formulišemo ovaj zahtjev pravilno da ne bi bilo...?

Molim vas znači, (NATAŠA PERIĆ – Još malo molim vas.) sekretar će ubrzo pročitati ovaj zaključak i molim vas da se izjasnimo po istom. Malo pažnje Selma.

SLADANA KRAJINA – sekretar Gradskog vijeća Tuzla

Na izjašnjavanje zaključak Kluba vijećnika Platforme za progres.

Prijedlog zaključka glasi:

Da novac koji je trebao pripasti predstavnicima Platforme za progres za naknade članovima Savjeta mjesnih zajednica po izbornom rezultatu bude uložen u realizaciju projekata od interesa za lokalnu zajednicu.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik**

Molimo vas da pristupimo glasanju. Glasanje je okončano. Zahvaljujem.
Konstatujem da navedeni zaključak nije dobio potrebnu većinu,
5 vijećnika je glasalo za, nije bilo protiv i 16 suzdržanih.

Prelazimo na dvanestu tačku i predsjedavajuća dalje nastavlja:

NATAŠA PERIĆ

VIJEĆNIČKA PITANJA

Imamo grupnu inicijativu vijećnika SDP-a Ane Pejić, Anela Ibeljića, Alena Kapidžića, Emira Čehajića i Zlatana Fatušića. (ANEL IBELJIĆ – Prilažemo.) Prilažete dobro.

Ana, Anel i Alen (ANA PEJIĆ – Sve prilažemo.) Prilažete vi vaše? Dobro.

Hasib Hirkić. (HASIB HIRKIĆ – Prilažem.) Prilažete.

Samo malo. Ko nije ovaj, do sad dostavio nek sad dostavi ovaj, u pismenoj formi ide? Hasib dobro.

Što se tiče...Sačekajte molim vas imaju vijećničke inicijative. Sačekajte molim vas još malo. Pa nismo završili sa vijećnič...Jel imate vi vijećničko pitanje? (ZORAN JOVANOVIĆ – Imam.) U pisanoj formi? (ZORAN JOVANOVIĆ – Pa nemam, ne mogu sad pisat nisam sposoban. Jel mogu usmeno pa ću donijeti?) Hajde donesite sutra molim vas il pošaljite na mail. (ZORAN JOVANOVIĆ – Može. Mogu li?) Možete. Izvolite.

ZORAN JOVANOVIĆ

Hvala. (NATAŠA PERIĆ – Još samo malo.) Pa vidite jedna možda...jako bitno ovo vijećničko pitanje.

Mi smo svjedoci trenutno ovih par dana u gradu Tuzla, al ne samo u gradu Tuzla, u čitavoj Federaciji je nastao haos što se tiče vađenja dokumenata koji su potrebni za ostvarivanje prava na ovu pomoć koju je Evropska unija dostavila Bosni i Hercegovini za zimsko grijanje i tamo je propisano ko može. Sad imamo problem koji su nam natovarili Vlada Federacije lokalnim zajednicama. I ja hoću ovim putem da čestitam i Gradu Tuzla i Kantonalnom ministarstvu unutrašnjih poslova što su produžili rad šaltera do 19:00 časova. Prvi dan je bilo preko osamstotina građana u šalter sali MUP-a u gradu Tuzla.

Znači, dal je ovo svjesno izazvan haos u Federaciji? (NATAŠA PERIĆ – Molim vas malo tišine i pažnje.) Ja moram da pitam. Ovo da se uputi prema Vladi Federacije, Ministarstvu za rad i socijalnu politiku Federacije BiH.

Mi imamo pored svih ustrojenih evidencija sistem - krops. Kad ukucate matični broj dobijete sve šta ta osoba ima od primanja. Da li ima tuđu njegu, pomoć trećeg lica, penziju, dječiji doplatak. I oni pored svega toga maltretiraju ljude i šta će nam se desiti? Desit će se da po-la stanovništva koja ima pravo na tu pomoć neće uspjjet da preda zahtjev, jel su nesposobni da izađu iz kuća. Sa-mi ljudi ži-ve.

Nažalost po meni, neki dan je reagovala i ona policija i pauk, jer su ispred zgrade Gradske uprave Tuzla ljudi koji su do...Čovjek koji je doveo svog oca bez noge, jer ne može za njega dići, ovjeriti kućnu listu. Ostavio auto, dolazi pauk kupi avto i odnosi.

Mislim da, da je ovo jedno neviđeno maltretiranje građana u Federaciji i hoću da se uputi ovo moje pitanje. Da li je moglo na osnovu zvanične evidencije u sistemu - krops da se pomogne ljudima kao što ima PIO podatke i dijeli jednokratnu novčanu pomoć, nikog ne opterećuju? Tako su mogli i iz Ministarstva za rad i socijalnu politiku ovo riješiti da, da ne opterećuju građane. (NATAŠA PERIĆ – Dobro.) Hvala.

NATAŠA PERIĆ

Hvala vam.

Prelazimo na VIJEĆNIČKE INICIJATIVE

Hasib Hirkić prilaže. Sabiha Mujkanović nije tu. Selma Čatibušić.

SELMA ČATIBUŠIĆ

Kada su u pitanju vijećničke inicijative svoju diskusiju ću iskoristiti da pohvalim je li rad, odnosno vođenje, vođenje sjednice gospodinu predsjedavajućem, odnosno zamjeniku predsjedavajućem koji je onako strogi režim.

A svoje inicijative ću da priložim. Hvala. (Aplauz.)

NATAŠA PERIĆ

Vijećničke inicijative, odnosno inicijativa opet grupna.

Ibeljić Anel, Ana Pejić, Alen Kapidžić, Emir Čehajić i Zlatan Fatušić, tu prilažete.

(ANEL IBELJIĆ – Prilažemo, prilažemo.) Ja, ja. Okej.

Admir Hasanbašić. (ADMIR HASANBAŠIĆ - Prilažem.) Prilažete.

Alen Kapidžić prilaže.

I to je to što se tiče ovaj...

Ništa konstatujem da je Dnevni red današnje sjednice završen prijatno. Iscrpljen i zaključujem sjednicu.

(S obzirom da je Dnevni red iscrpljen i 32. redovna sjednica Gradskog vijeća Tuzla zaključena ista je završena u 16:31 sati.)

STENOGRAM SAČINILI:

Selma Šehić

Jasminka Delalić

P R E D S J E D A V A J U Ć I

Nataša Perić, prof. s.r.